



ბატონიშვილის ბიბლიოთეკა

ციტირებისთვის:

პაპაშვილი თ., ბებენავა დ., კონსტიტუციის გადასინჯვის ქართული მოდელის პერსპექტივა –
ნორმატიული მოწესრიგების ხარვეზები და პერსპექტივა, თბილისი, 2015

ელექტრონული იურიდიული ბიბლიოთეკა www.princelibrary.ge

შექმნილია USAID/PROLoG-ის ფინანსური ხელშეწყობით



სულხან-საბა ორბელიანის
უნივერსიტეტი



USAID
ამერიკული ხალხისგან

EAST • WEST
MANAGEMENT
INSTITUTE

კანონის უზენაესობის მხარდაჭერა
საქართველოში (PROLoG)

დავით ბატონიშვილის სამართლის ინსტიტუტი

თამარ პაპაშვილი, დიმიტრი გეგენავა

კონსტიტუციის გადასიხვის ქართული

მოღვაწი – ლირატიული მოცესრიგების

სარვეზები და პერსპექტივა

დავით ბატონიშვილის სამართლის
ინსტიტუტის გამომცემლობა

თბილისი

2015

UDC(უაკ)342.4

პ-18

„კონსტიტუციის გადასინჯვის ქართული მოდელი – ნორმატიული მოწესრიგების ხარვეზები და პერსპექტივა“ ერთგვარი მცდელობაა, გააერთიანოს ქართული სამართლებრივი სინამდვილისათვის რელევანტური ინფორმაცია. ნაშრომში წარმოდგენილია კონსტიტუციის გადასინჯვასთან დაკავშირებული საკითხები, გავრცელებული თეორიები და ქართული პრაქტიკა, ასევე, რეკომენდაციები და წინადაღებები.

წიგნი თანაბრად საინტერესო იქნება იურისტების, პოლიტოლოგების, სოცი-ოლოგების, სამართლის ფაკულტეტის სტუდენტებისა და კონსტიტუციის ცვლილებებით დანართებული ნებისმიერი პირისათვის.

ყდის დიზაინი: დიმიტრი გეგენავა

გამოცემა მომზადებულია დავით ბატონიშვილის სამართლის ინსტიტუტის გამცემლიბის მიერ.

© თამარ პაპაშვილი, დიმიტრი გეგენავა, 2015

© დავით ბატონიშვილის სამართლის ინსტიტუტი, 2015

ISBN 978-9941-0-7380-9

შინაარსი

შინაარსი.....	3
შემოკლებანი.....	5
წინათქმა	6
შესავალი	8
1. კონსტიტუციის გადასინჯვის მეთოდოლოგია საქართველოში	12
1.1. 1921 წლის კონსტიტუცია და მისი გადასინჯვის მექანიზმი	12
1.1.1. 1921 წლის კონსტიტუციის შემუშავება და მიღება.....	12
1.1.2. 1921 წლის კონსტიტუციის გადასინჯვის მექანიზმი	16
1.2. საბჭოთა საქართველოს კონსტიტუციები	18
1.3. გზა დამოუკიდებლობის აღდგენიდან დღემდე.....	19
1.3.1. პირველი ნაბიჯები.....	19
1.3.2. 1995 წლის კონსტიტუციის თავდაპირებლი რედაქცია	21
1.3.3. 1995 წლის კონსტიტუციის ცვლილებები და საკონსტიტუციო რეფორმები	22
2. კონსტიტუციის მოქმედი მოდელი – ნორმის კრიტიკული ანალიზი	29
2.1. გადასინჯვის ფორმები	29
2.1.1. ზოგარი ზოგად და ნაწილობრივ გადასინჯვას შორის	29
2.1.2. ახალი კონსტიტუციის მიღების პერსპექტივა მოქმედი რედაქციით	30
2.2. კონსტიტუციის გადასინჯვის კანონპროცექტის ინიციატორთა საკითხი	33
2.3. კონსტიტუციის გადასინჯვის კანონპროცექტის საყოველთაო-სახალხო განხილვა.....	36
2.3.1. მოქალაქეთა ჩართულობა საკონსტიტუციო ცვლილებებში – ლეგიტიმაციის საფუძველი?	36
2.3.2. საკონსტიტუციო ცვლილებათა საყოველთაო-სახალხო განხილვა.....	39
2.4. კანონპროცექტის საპარლამენტო განხილვა	42
2.4.1. განხილვის დაწყების შეუზღუდავი ვადების შესახებ	42
2.4.2. კონსტიტუციის გადასინჯვის კანონპროცექტის განხილვისა და მიღების წესი	44

2.4.3. საკონსტიტუციო ცვლილებების სამართლებრივი მექანიზმის სტატუსი	46
3. ოპტიმალური მექანიზმის ძიების კვალდაკვალ	47
3.1. დამფუძნებელი ძალაუფლება	47
3.2. როგორ უნდა იქნას მიღწეული ბალანსი კონსტიტუციის მოქნილობასა და სიმყარეს შორის?	51
3.3. დამატებითი დაბრკოლებები საქართველოს კონსტიტუციის გადასინჯვისთვის	57
3.3.1. სკანდინავიური მოდელი საქართველოსთვის?	57
3.3.2. „მუდმივბა“ და საკონსტიტუციო სასამართლოს როლი კონსტიტუციის გადასინჯვის პროცესში	61
3.3.2.1. „მუდმივი“ და „ჩვეულებრივი“ ნორმები	61
3.3.2.2. „მუდმივი“ ნორმები და საკონსტიტუციო ცვლილებები	63
3.3.2.2.1. საქართველოს საკონსტიტუციო სასამართლოს პრაქტიკა	63
3.3.2.2.2. საკონსტიტუციო სასამართლოს უფლებამოსილება და საქართველოს კონსტიტუციის „მუდმივი“ ნორმები	65
3.3. გვჭირდება თუ არა კონსტიტუციის ნორმათა „მუდმივბა“?	71
დასკვნა	74
დანართი 1	82
ბიბლიოგრაფია	84

შემოკლებანი

ა.შ. - ასე შემდეგ
ე.წ. - ეგრეთ წოდებული
იხ. - იხილეთ
შეად. – შეადარეთ
მით. – მითითება
მაგ. - მაგალითად
ციტ. – ციტირება
ვენციის კომისია – ვეროპული კომისია დემოკრატიისათვის სამარ-
თლის მეშვეობით

სახელმწიფოთა დასახელებების მიმართ ნაშრომში შემდეგი სახის
შემოკლებებია გამოყენებულია: გერმანია – გერმანიის ფედერაციული
რესპუბლიკა, აშშ – ამერიკის შეერთებული შტატები, შვეიცარია –
შვეიცარიის კონფედერაცია, ლიტვა – ლიტვის რესპუბლიკა, სერბეთი
– სერბეთის რესპუბლიკა და ა.შ.

წინათქმა

„კონსტიტუციის გადასინჯვის ქართული მოდელი – ნორმატიული მოწესრიგების ხარვეზები და პერსპექტივა“ ერთგვარი მცდელობაა, გააერთიანოს ქართული სამართლებრივი სინამდვილისათვის რელევანტური ინფორმაცია. თამამად შეიძლება ითქვას, რომ საქართველომ საკონსტიტუციოსამართლებრივი ქარტეხილება გამოიარა და სამწუხაროდ, ეს პროცესი ჯერაც არ დასრულებულა. სხვადასხვა სუბიექტურმა თუ ობიექტურმა გარემოებამ ქართული კონსტიტუციონალიზმის მანკიერი მხარეები წინ წამოსწია და სახელმწიფოს ძირითადი კანონი კონკრეტული პოლიტიკური პარტიებისა და ლიდერების პირად ინტერესთა საექსპერიმენტო დოკუმენტად აქცია.

კონსტიტუცია პოლიტიკური თამაშის წესებს უნდა აღგენდეს, იმ ჩარჩოებსა და სამანქსტის, რომელიც წითელი ზოლის დანიშნულებას შეასრულებს და პოლიტიკოსებს აიძულებს, თავად მოერგონ არსებულ სამართლებრივ სინამდვილეს. საკონსტიტუციო რეფორმის ტალღა ჯერაც არ დასრულებულა. დღემდე მიმდინარეობს „უკეთესი მოწესრიგების“ გამუდმებული ძიება. ეს ნაშრომიც სწორედ ამ ყოველივეს ექვა. მასში წარმოდგენილია არა მხოლოდ ქართული გამოცდილება, არამედ სხვადასხვა სახელმწიფოს მიღვიმა და დამოკიდებულება საკონსტიტუციო ცვლილებების პროცესისადმი, გაანალიზებულია კონსტიტუციის გადასინჯვის პრაქტიკული და თეორიული ასპექტები.

წიგნში მოცემული იდეები და შეფასებები ბევრისთვის შესაძლოა მწვავე კრიტიკის ელფერის მატარებელი იყოს, ან ბევრ იურისტს მათგან განსხვავებული შეხედულება ჰქონდეს. აღნიშნული კიდევ ერთხელ დაადასტურებს საკონსტიტუციო ცვლილებათა პროცესის მეტისმეტ დღისკატურობასა და საკითხის გამორჩეულ სიფაქიზეს. არცერთ წარმოდგენილ იდეასა თუ შეფასებას ერთადერთობასა და ჭეშმარიტებაზე ამბიცია არ გააჩნია, იმის გათვალისწინებით, რომ მეცნიერებაში, მით უმეტეს, თურისპრუდენციაში, ჭეშმარიტება საკმაოდ იღუზორული ცნებაა და ძირითადად, შეფასებით, გემოვნებით კატეგორიას განეკუთვნება.

ნაშრომის თითოეული თავი, მსში მოცემული თითოეული აზრი რამდენიმეთვიანი განსჯის შედეგია, მაქსიმალურად დაბალანსდა ორივე ჩვენგანის პოზიცია და შეხედულება. წიგნზე მუშაობის პროცესი სრული მოცულო-

ბით სამეცნიერო ხასიათს ატარებდა. ამ მხრივ, ერთგვარად, საინტერესო და სასარგებლო გამოცდილებაც გამოდგა ჩვენთვის.

გვინდა განსაკუთრებული მადლობა გადავუხადოთ პროფესორ გიორგი კვერუნჩხილაძეს, რომლის „წაქეზებითაც“ შეიქმნა ნაშრომი და რომელიც, შესაძლოა, მოსაზრებათა ნაწილს სრულებით არ ეთანხმებოდეს, თუმცა წარმოუდგენელი აკადემიური ენთუზიაზმით ცდილობდა, კონსტიტუციის გადასინვევის საკითხი დაგვემუშავებინა და ამის თაობაზე ნაშრომს ქართულ ენაზეც ეხილა დღის სინათლე.

აღნიშვნის ღირსაი დავით ბატონიშვილის სამართლის ინსტიტუტის გამომცემლობა, რომლის ორგანიზებითაც უმოკლეს ვადებში დამუშავდა და გამზადდა წიგნი დასაბეჭდად.

ვიმედოვნებთ, ნაშრომი თავის, თუნდაც მოკრძალებულ წვლილს შეიტანს საქართველოს საკონსტიტუციო რეფორმისა და სამართლებრივი სახელმწიფოს შენების საქმეში.

თამარ პაპაშვილი
სახელმწიფო საკონსტიტუციო
კომისიის მკვლევარი

დიმიტრი გეგენავა
დავით ბატონიშვილის სამართლის
ინსტიტუტის დირექტორი,
ასისტენტ-პროფესორი

2015 წლის აპრილი, თბილისი

შესავალი

კონსტიტუცია სახელმწიფოებრიობის აუცილებელი ნიშანია. ის უდიდეს სოციალურ და პოლიტიკურ მნიშვნელობას ატარებს და საზოგადოების ერთიანობის ჩამოყალიბებას უწყობს ხელს, თუმცა სრულყოფილ და უხარვეზო საკანონმდებლო აქტად არსებობაზე პრეტენზია არ გააჩნია.¹ კონსტიტუციას, როგორც სახელმწიფოს ძირითად კანონს, უმნიშვნელოვანესი ადგილი უკავია საზოგადოებრივ ცნობიერებასა თუ მართლწესრიგში,² იგი სრულიად განსხვავებული მოვლენაა, რომელსაც თანაბრად შეუძლია იყოს უდიდესი სოციალური, სამართლებრივი, პოლიტიკური თუ ისტორიული ინსტიტუტი.³

ჰებერლე აღნიშნავს, რომ კონსტიტუცია დინამიკური კანონია, არ არსებობს დასრულებული კონსტიტუცია.⁴ დროთა განმავლობაში, ერთი შერივ, იცვლება ენა – გრამატიკა, პუნქტუაციის წესები, უფრო მეტიც, თავად სამყარო და ხალხის მიერ სამყაროს აღქმა იცვლება.⁵ შესაბამისად, ძირითადმა კანონმაც თანამედროვეობის გამოწვევებს მხარი უნდა აუბას. კონსტიტუცია, რომელიც არ შეესაბამება საზოგადოების მოთხოვნებს და არსებულ პოლიტიკურ-სამართლებრივ სიტუაციას, ვერ შეასრულებს საკუთარ ფუნქციას. ისეთ სამართლებრივ სისტემებშიც კი, სადაც კონსტიტუციაში სიახლეების ასახვას მნიშვნელოვანი საკანონმდებლო თუ პოლიტიკური წინააღმდეგობები ხვდება, აღიარებენ, რომ მისი შინაარსი უნდა იყოს ცვალებადი და არა დროსა და სივრ-

¹ ხუბუა გ., სამართლის თეორია, თბილისი, 2004, 141.

² იხ., გეგნავა დ., ქნთარია ბ., ცანავა ლ., თვეზაძე თ., მაჭარაძე ზ., ჯავახიშვილი პ., ერქვანია თ., პაპაშვილი თ., საქართველოს საკონსტიტუციო სამართლი, მეორე გამოცემა, თბილისი, 2014, 26.

³ Barak A., Purposive Interpretation in Law, translated from Hebrew by Sari Bashi, Princeton, New Jersey, 2005, 370.

⁴ ბლანკნაგელი ა., გაული ვ., კონსტიტუციური მომენტები და საქართველოს კონსტიტუციონალიზმის კოველდლიური ცხოვრება, უურნ. „ადამიანი და კონსტიტუცია“, №4, 2000, 254.

⁵ Jackson C.V., Tushnet M., Comparative Constitutional Law, Second Edition, University Casebook Series, Foundation Press, 2006, 223.

ცეში უძრავად გაჩერებული. „ცოცხალი კონსტიტუციის“ კონცეფცია სწორედ ამ იდეის გამოძახილია.⁶

ეროვნულ-სამართლებრივ სისტემაში კონსტიტუციის რეალურ აღ-გილს მნიშვნელოვნად განაპირობებს მისი სტაბილურობა. ხელისუფლე-ბის სათავეში მოსულ გუნდს არ უნდა პქონდეს შესაძლებლობა, კონს-ტიტუცია საკუთარ შეხედულებებსა და სურვილებზე მოირგოს.⁷ კონს-ტიტუციის სამართლებრივი და პოლიტიკური ფუნქცია სწორედ იმაში მდგომარეობს, რომ იგი პოლიტიკური ცხოვრების, ურთიერთობების „თამაშის წესებს“ უნდა ადგენდეს⁸, შესაბამისად, მის ცვლილებებსაც საზოგადოებრივი დაკვეთა უნდა განაპირობებდეს და არა კონკრეტული პოლიტიკური გუნდის თუ დაჯგუფების ვიწრო პარტიული ინტერესები. ამიტომაც, კონსტიტუციის ცვლილების პროცესის წარმატებულობისათ-ვის ერთ-ერთი გამოწვევა მისი დაცვა პოლიტიკური ზეგავლენისგან, თუმცა აღნიშნულს შხელოდ პოლიტიკოსთა მაღალ სამართლებრივ შეგნებას ვერ მივანდობთ. აუცილებელია, კონსტიტუცია თავად ითვა-ლისწინებდეს მისი გადასინჯვის რაციონალურ მექანიზმს.

კონსტიტუციის გადასინჯვის საკითხი საქართველოში უკვე დიდი ხანია აქტუალობას არ კარგავს. საქართველოს პირველი კონსტიტუ-ციის მიღებიდან მოყოლებული, საკონსტიტუციო ცვლილებებს განსა-კუთრებული სამართლებრივი თუ სოციალური ელფერი დაკრავს, მნიშვნელობა არა აქვს იქნება ეს საბჭოთა სოციალისტური საქართვე-ლოს ფორმალური კონსტიტუციის, თუ დამოუკიდებლობის აღდგენის შემდგომი პერიოდის საკონსტიტუციო ქარტეხილები. სახელმწიფოს ძირითადი კანონის შემუშავება, მიღება და მასში ცვლილებების გან-

⁶ იხ., Pollack Sh. D., Constitutional Interpretation as Political Choice, University of Pittsburgh Law Review, Vol. 48, 1987, 1000.

⁷ ბერიოება გ., რუსებე ზ., კვაჭაძე მ., გაფურინდაშვილი ლ., იზორია ლ., დემოგრა-ტია და მოქალაქეობა, თბილისი, 2011, 59.

⁸ იხ., შაიო ა., ხელისუფლების თვითშეზღუდვა, კონსტიტუციონალიზმის შესავა-ლი, მ. მაისურაძის თარგმანი, თ. ნინიძის რედაქტორობით, თბილისი, 2003, 2; მელქაძე ო., კონსტიტუციონალიზმი, თბილისი, 2006, 21; ცნობილაძე ვ., საქართ-ველოს კონსტიტუციური სამართალი, ტ. I, თბილისი, 2005, 89; დემეტრაშვილი ა., ქობახიძე ი., კონსტიტუციური სამართალი, თბილისი, 2011, 40.

ხორციელება მარად აქტუალური და სამწუხაროდ, ხშირად პრობლემური საკითხია ქართულ სამართლებრივ სინამდვილეში. 1921 წლის კონსტიტუცია ნაჩეარევად მიიღო დამფუძნებელმა კრებამ და არსებით დებულებებზე მსჯელობა რიგიანად ვერც მოასწრო.⁹ სამწუხაროდ, მსგავსი ბედი ხვდა საქართველოს 1995 წლის კონსტიტუციისასაც, ოღონდ, ამჯერად, კარგად დამუშავებული და დახვეწილი ტექსტი კენჭისყრამდე რამდენიმე კვირით ადრე შეიცვალა. სწორედ ამიტომ, კონსტიტუციამ, რომელიც სოციალური ინტეგრაციის ფუნქციის რეალურ შემსრულებლად იყო დასახული, დაქსაქსული საზოგადოება ვერ გაართიანა და უნდობლობის ობიექტად იქცა.

საქართველოს მოქმედი კონსტიტუცია, კონსტიტუციონალიზმის ზოგადი პრაქტიკის თვალსაზრისით, ძალზე ახალგაზრდაა, თუმცა მასში იმდენჯერაა შესული ცვლილებები (ჯამში, 33 კონსტიტუციური კანონი), რომ ტრადიციულ, რამდენიმე ათწლეულოვან ძირითად კანონსაც კი შეშურდებოდა. მათგან 2004 და 2010 წლის საკონსტიტუციო რეფორმა ცალკე აღნიშვნის ღირსია, რადგანაც ამ რეფორმათა თითოეულმა ტალღამ ძირითადი კანონი არსობრივად შეცვალა.¹⁰ ორივე მათგანის ძირითად მიზანს ძალაუფლების გამიჯვნა და ხელისუფლების შტოებს შორის უფლებამოსილების დაბალანსება წარმოადგენდა,¹¹ თუმცა ყოველი მომდევნო რეფორმის ამოცანა წინა რეფორმის მძიმე შედეგების აღმოფხვრა იყო.

⁹ იხ., მაცაბერიმე მ., საქართველოს 1921 წლის კონსტიტუციის შემუშავება და მიღება, წიგნში: ქართული კონსტიტუციონალიზმის სათავეებთან – საქართველოს 1921 წლის კონსტიტუციის 90 წლისთვის, ბათუმი, 2011, 36; ქანთარია ბ., კონსტიტუციონალიზმის ფუნდამენტური პრინციპები და შპართველობის ფორმის სამართლებრივი ბუნება პირველ ქართულ კონსტიტუციაში, თბილისი, 2013, 63.

¹⁰ იხ., გვერბავა დ., ქანთარია ბ., ცანაგა ლ., თეგზამე თ., მაჭარაძე ზ., ჯავახიშვილი პ., ერქვანია თ., პაპაშვილი თ., საქართველოს საკონსტიტუციო სამართალი, მეორე გამოცემა, თბილისი, 2014, 72-81.

¹¹ იხ., საქართველოს 2004 წლის 6 თებერვლის კონსტიტუციური კანონის განმარტებითი ბარათი; საქართველოს 2010 წლის 15 ოქტომბრის კონსტიტუციური კანონის ვანმარტებითი ბარათი; საქართველოს პრეზიდენტის 2009 წლის 23 ივნისის №348 ბრძანებულება „საქართველოს სახელმწიფო საკონსტიტუციო კომისიის დებულების დამტკიცების შესახებ“.

საქართველოს პარლამენტმა კონსტიტუციის გადასინჯვის შესახებ კანონპროექტის მომზადებისა და მისთვის წარდგენის მიზნით, 2013 წლის 4 ოქტომბრის დადგენილებით სახელმწიფო საკონსტიტუციო კომისია შექმნა. სხვა ნორმებთან ერთად, კომისია კონსტიტუციის გადასინჯვის მექანიზმებს. მიუხედავად იმისა, რომ სპეციალისტთა „გემოვნება“ ცვლილებათა განხორციელების წესთან დაკავშირებით განსხვავდება და აღბათ, ვერასდროს იარსებებს მოდელი, რომელსაც კრიტიკოსი არ გამოუჩნდება, საკონსტიტუციო კომისიამ ძალა არ უნდა დაიშუროს საქართველოს სინამდვილის შესაბამისი გადასინჯვის გზის ძიებისათვის.

წინამდებარე ნაშრომის მიზანია კონსტიტუციის მიღებისა და გადასინჯვის მეთოდოლოგიის განვლილი გზის მიმოხილვა და შეფასება, საქართველოს პირველი კონსტიტუციის მიღებიდან დღემდე; კონსტიტუციის გადასინჯვის მოქმედი მოდელის მახასიათებლების კრიტიკულად გაანალიზება; სხვადასხვა ქვეყნის გამოცდილებისა და სპეციალისტთა კვლევების საფუძველზე, საკონსტიტუციო ცვლილებების გავრცელებული მეთოდების დადებითი და უარყოფითი მხარეების განხილვა; შედეგად კი, საკონსტიტუციო ცვლილებების განხორციელების ოპტიმალური მექანიზმის შესახებ რეკომენდაციების წარმოდგენა.

კვლევა დაფუძნებულია სტატისტიკურ ანალიზზე, ისტორიულ, შედარებითსამართლებრივ და ანალიტიკურ მეთოდებზე.

ნაშრომის სტრუქტურა შესავალს, 3 თავსა და დასკვნას მოიცავს. შესავალში გადმოცემულია საკითხის აქტუალობა, კვლევის მიზნები, ამოცანები და მეთოდები. მირითადი ნაწილის პირველ თავში წარმოდგენილი იქნება მცირე ისტორიული ექსკურსი – საქართველოს პირველი კონსტიტუციის მიღებისა და გადასინჯვის მექანიზმი, ასევე, საკონსტიტუციო ცვლილებების გზა 1995 წლის კონსტიტუციის მიღებიდან დღემდე.

მეორე თავი საქართველოს კონსტიტუციის გადასინჯვის მოქმედი მოდელის გაანალიზებას ეთმობა. საუბარი იქნება გადასინჯვის ფორმებსა და მოქმედი რედაქციით აზალი კონსტიტუციის მიღების პერსპექტივაზე, გადასინჯვის კანონპროექტის ინიციატორთა საკითხზე, საყოველ-

თაო-სახალხო განხილვის იდეის კონსტიტუციის ლეგიტიმურობასთან კავშირსა და ამ პროცესის დაზვეწის გზებზე, ყურადღება გამახვილდება საპარლამენტო განხილვის მახასიათებლებზე – განხილვის დაწყების შეუზღუდავ ვადებსა და კანონპროექტის მიღების საკითხებზე.

მესამე თავში, კონსტიტუციის გადასინჯვის ოპტიმალური მექანიზმის ძიების მიზნით, განიხილება საერთაშორისო მასშტაბით აქტუალური საკითხები – კონსტიტუციის მოქნილობასა და სიმყარეს შორის ბალანსის დამყარების პრობლემა, დამფუძნებლის დილემა და გადასინჯვის პროცესის ის დაბრკოლებები, რომლებიც საქართველოს კონსტიტუციისთვის მეტი სიმყარის შექნის პერსპექტივით, ქართველ მკვლევართა მოწონებას იმსახურებს. ნაშრომში განსაკუთრებული ყურადღება დაეთმობა საკონსტიტუციო ცვლილებების კონსტიტუციურობის საკითხს, საკონსტიტუციო სასამართლოს როლს კონსტიტუციის არაკონსტიტუციური ცვლილებებისაგან დაცვაში. გაანალიზდება ამ მიმართულებით არებული პრაქტიკა და ის პრობლემები, რომელიც საკონსტიტუციო ცვლილებების მექანიზმს აქვს.

1. კონსტიტუციის გადასინჯვის მეთოდოლოგია საქართველოში

1.1. 1921 წლის კონსტიტუცია და მისი გადასინჯვის მექანიზმი

1.1.1. 1921 წლის კონსტიტუციის შემუშავება და მიღება

ქართული კონსტიტუციონალიზმის დასაწყისად საქართველოს დამოუკიდებლობის აქტის მიღება მიიჩნევა, რომელმაც პირველად სახელმწიფოებრივ დონეზე ჩამოაყალიბა ის უმთავრესი პრინციპები და მმართველობის საფუძლები, რაც ნებისმიერი ქვეყნისათვის აუცილებელი და მნიშვნელოვანია.¹² ამასთან, განსხვავებით სხვა დეკლარაციები-საგან, 1918 წლის 26 მაისის აქტს ნორმატიული სტატუსიც ჰქონდა:

¹² გეგნავა დ., ქანთარია ბ., ცანავა ლ., თევზაბე თ., მაჭარაძე ზ., ჯავახიშვილი პ., ერქვანა თ., პაპაშვილი თ., საქართველოს საკონსტიტუციო სამართალი, მეორე გამოცემა, თბილისი, 2014, 43.

იგი დამფუძნებელი კრების გადაწყვეტილებით სამართლებრივი ძალით აღიჭურვა¹³.

საქართველოს დემოკრატიულ რესპუბლიკაში დამოუკიდებლობის პირველივე დღებში საქართველოს ეროვნულმა საბჭომ დაამტკიცა კომისია „საქართველოს დემოკრატიული რესპუბლიკის საკონსტიტუციო საფუძვლების შესაღენად“¹⁴ დემოკრატიული რესპუბლიკის პოლიტიკური ძალები თავიდანვე შეთანხმდნენ და უარი თქვეს სახელმწიფოსათვის მნიშვნელოვანი დოკუმენტის შექმნა ერთი კონკრეტული პიროვნებისათვის მიენდოთ, ამიტომაც გადაწყდა, პროექტი შეემუშავებინა პროფესიონალთა ჯგუფს.¹⁵ ეროვნული საბჭოს მიერ შექმნილი კომისია არაუფექტური გამოდგა და უკვე 1919 წელს დამფუძნებელი კრების გადაწყვეტილებით, ახალი კომისია შეიქმნა პავლე საყვარელიძის ხელმძღვანელობით.¹⁶ ამ უკანასკნელის მოწადინებულობამ და ორგანიზებულობამ მნიშვნელოვანი წვლილი ითამაშა კონსტიტუციის პროექტის ჩამოყალიბებაში.

1920 წლიდან კონსტიტუციის პროექტი უკვე საგანგებო რეჟიმში განიხილებოდა,¹⁷ კომისია ცდილობდა, მალე დაესრულებინა მუშაობა და დამფუძნებელი კრებისთვის პროექტის საბოლოო ვერსია წარედგინა. დამფუძნებელი კრების ერთ-ერთ სხდომაზე ა. ჩხერიმელი აღნიშნავდა: „ჩვენ ყველანი დაინტერესებული ვართ, რაც შეიძლება ჩქარა მივცეთ

¹³ გეგმავა დ., ქანთარია ბ., ცანავა ლ., თევზაძე თ., მაჭარაძე ზ., ჯავახიშვილი პ., ერქვანა თ., პაპაშვილი თ., საქართველოს საკონსტიტუციო სამართალი, თბილისი, 2013, 55.

¹⁴ მაცაბერიძე მ., საქართველოს 1921 წლის კონსტიტუციის შემუშავება და მიღება, წიგნში: ქართული კონსტიტუციონალიზმის სათავებთან – საქართველოს 1921 წლის კონსტიტუციის 90 წლისათვის, ბათუმი, 2011, 18.

¹⁵ ქანთარია ბ., კონსტიტუციონალიზმის ფუნდამენტური პრიციპები და მმართველობის ფორმის სამართლებრივი ბუნება პირველ ქართულ კონსტიტუციაში, თბილისი, 2013, 50.

¹⁶ მაცაბერიძე მ., საქართველოს 1921 წლის კონსტიტუციის შემუშავება და მიღება, წიგნში: ქართული კონსტიტუციონალიზმის სათავეებთან – საქართველოს 1921 წლის კონსტიტუციის 90 წლისათვის, ბათუმი, 2011, 24-25.

¹⁷ ქანთარია ბ., კონსტიტუციონალიზმის ფუნდამენტური პრიციპები და მმართველობის ფორმის სამართლებრივი ბუნება პირველ ქართულ კონსტიტუციაში, თბილისი, 2013, 61.

ხალხს კონსტიტუცია. ეს მისთვის საჭიროა. ეს არის ერთ-ერთი მძღავრი იარაღი მის ხელში, რომლის დახმარებითაც გაიკაფავს თავის გზას, რომლითაც ის უზრუნველყოფს თავის დამოუკიდებლობას და მომავალს“.¹⁸ მიუხედავად მცდელობისა, სამწუხაროდ, პირველი კონსტიტუციის პროექტის ფარვალი ნაწილი დეტალურად ვვრ იქნა განხილული¹⁹ და ქართული სახელმწიფო ორგანიზაციისათვის გარდამტეს პერიოდში, 1921 წლის 21 თებერვალს დამფუძნებელმა კრებამ კონსტიტუცია დაჩარებულ რეჟიმში მიიღო.

მართალია, პირველი კონსტიტუციის შემუშავების პერიოდში ქართულ პოლიტიკურ ელიტას თუ საზოგადოებას დამოუკიდებელი სახელმწიფოებრივი ცხოვრების მაღაზე მწირი გამოცდილება პქონდა, თუმცა, შეიძლება ითქვას, რომ საზოგადოებაც და პოლიტიკური ლიდერებიც აანალიზებდნენ და ხვდებოდნენ კონსტიტუციის მნიშვნელობას. იქნებოდა დოკუმენტი არა ფორმალური არსებობისათვის, არამედ სახელმწიფოს რეალური მართვა-გამგებობისა და სისტემის ჩამოყალიბებისათვის. უფრო მეტიც, პავლე საყვარელიძე არა მხოლოდ უშუალოდ კონსტიტუციის პროექტის მუხლებსა თუ ნორმატიულ მხარეზე მუშაობდა, არამედ სისტემატიურად აქვეყნებდა პროექტის დებულებების კომენტარს,²⁰ განუმარტავდა რიგით მოქალაქეებს იმ ნორმათა მნიშვნელობასა და შინაარსს, რომლებიც შეიძლებოდა ქვეყნის ძირითად კანონში ყოფილყო ასახული. მსგავსი განხილვა დღეისათვისაც კი შესაშურია საქართველოში, მიუხედავად იმისა, რომ ინფორმაცია მასობრივი გახდა, მისადმი წვდომა კი, ფაქტობრივად, — შეუზღუდავი.

¹⁸ პაპაშვილი თ., საქართველოს დომოკრატიული რესპუბლიკის სასამართლო სისტემა — ძირითადი სამართლებრივი ასპექტები, საქართველოს დომოკრატიული რესპუბლიკა და 1921 წლის კონსტიტუცია, მოხსენებების კრებული, თბილისი, 2013, 95, იხ. ციტირება: ცნობილაძე პ., საქართველოს კონსტიტუციური სამართალი, ტ. I, თბილისი, 2009, 98-99; კახანი გ., საკონსტიტუციო კონტროლი საქართველოში, თეორია და კანონმდებლობის ანალიზი, თბილისი, 2011, 70; მაცაბერიძე მ., საქართველოს 1921 წლის კონსტიტუცია: შემუშავება და მიღება, თბილისი, 2008, 10.

¹⁹ მაცაბერიძე მ., საქართველოს 1921 წლის კონსტიტუციის შემუშავება და მიღება, წიგნში: ქართული კონსტიტუციონალიზმის სათავეებთან — საქართველოს 1921 წლის კონსტიტუციის 90 წლისთავი, ბათუმი, 2011, 35.

²⁰ იხ., იქვე, 27.

მიუხედავად პარტიული იდეოლოგიებისა და პოლიტიკოსების აზრთა სხვადასხვაობისა, რომელიც დემოკრატიული რესპუბლიკის პლურალიზმის ერთ-ერთი გამოვლინება იყო, ქართულმა საზოგადოებამ მოახერხა ცივილიზაციული, ევროპული კონსტიტუციის შექმნა, ამასთან, შეძლო დოქტრინა მაქსიმალურად გაემიჯნა ძირითადი კანონისგან.²¹ ეს იმ მხრივაც იყო მნიშვნელოვანი, რომ საქართველომ დემოკრატიული არჩევანი მსოფლიოს და საერთაშორისო თანამეგობრობის წინაშე ნათლად გამოხატა.²² 1921 წლის კონსტიტუციის პროგრესულობას არა მხოლოდ ქართველი, არამედ უცხოელი სპეციალისტებიც აღნიშნავენ.²³

დამფუძნებელი კრების რეგლამენტით განსაზღვრული არ იყო კონსტიტუციის პროექტის განხილვის განსაკუთრებული წესი. თავიდანვე წამოიჭრა საკითხი, კონსტიტუციის კანონპროექტი ჩვეულებრივი კანონის მსგავსად უნდა განხილულიყო, თუ საჭირო იყო შემუშავებინათ რეგლამენტის ცალკე დამატება კონსტიტუციის პროექტის განხილვის თაობაზე.²⁴ 1920 წლის 16 ნოემბერს დამფუძნებელმა კრებამ მიიღო „წესი კონსტიტუციის განხილვისა“, რომლითაც განისაზღვრა, რომ პირველად უნდა განხილულიყო კონსტიტუციის ძირითადი საფუძვლები, რის შემდეგაც, კენჭისყრით გადაწყვეტილენ თავობრივ განხილვაზე გადასვლის საკითხს. კონსტიტუციას მოლიანად ეყრებოდა კენჭი მხოლოდ თითოეული თავის ცალ-ცალკე კენჭისყრის შემდეგ.²⁵

²¹ იქვე, 37.

²² დემოტრაშვილი ა., საქართველოს 1921 წლის 21 თებერვლის კონსტიტუცია 2011 წლის გადასახელდიდან, წიგნში: ქართული კონსტიტუციონალიზმის სათავებთან – საქართველოს 1921 წლის კონსტიტუციის 90 წლისთავი, ბათუმი, 2011, 10.

²³ ის., ბაბეკი ვ., კონსტიტუციის შემუშავება და მიღება საქართველოში (1993-1995), კ. კუბლაშვილის თარგმანი, თბილისი, 2002, 10; დემოტრაშვილი ა., ქართული კონსტიტუციონალიზმის სათავებთან – საქართველოს 1921 წლის კონსტიტუციის 90 წლისთავი, ბათუმი, 2011, 16.

²⁴ მაცაბერიძე მ., საქართველოს 1921 წლის კონსტიტუცია, შემუშავება და მიღება, ნაწილი 2, თბილისი, 1993, 3.

²⁵ საქართველოს დამფუძნებელი კრების მიერ 1920 წლის 16 ნოემბერს მიღებული წესი კონსტიტუციის განხილვისა, საქართველოს დემოკრატიული რესპუბლიკის სამართლებრივი აქტების კრებული, 1918-1921, ვ. შარაშენიძის რედაქტორობით, თბილისი, 1990, 442.

პროექტის განხილვის დროს საკამათო გამხდარა კონსტიტუციის მიღების წესი. კერძოდ, აზრთა სხვადასხვაობა გამოიწვია საკითხმა, კონსტიტუცია დამფუძნებელ კრებას უნდა მიეღო, თუ საჭირო იყო რეფერენდუმის მოწყობა. მაცაბერიძის აზრით, რეფერენდუმის მომხრეთა გამარჯვება შეიძლება საბედისწერო აღმოჩენილიყო, რადგან 1921 წლის ობერვალ-მარტის ომის პირობებში, საქართველო რეფერენდუმს ვერ ჩატარებდა.²⁶ ამ მოსაზრების მომხრეები ასაბუთებდნენ, რომ კონსტიტუციის მიღება რეფერენდუმის გზით იქნებოდა უაღრესად დე-მოკრატიული ნაბიჯი და თუ კონსტიტუცია „ძალაში შედის მხოლოდ ხალხის უმრავლესობის მიერ დადასტურების შემდეგ“ (კონსტიტუციის 147-ე მუხლი), მაშინ თვით კონსტიტუციის მისაღებადაც აუცილებელი უნდა ყოფილიყო ხალხის დასტური. საპირისპიროდ, კომისიის თავმჯდომარე პავლე საყვარელიძე აღნიშნავდა, რომ დამფუძნებელი კრება მოწევეული იყო არა სათათბიროდ, არამედ კონსტიტუციის მიღების მიზნით. თუმცა ამ საკითხზე კამათისას, აღბათ, ვერავინ წარმოიდგენდა პირველი ქართული კონსტიტუციის ბედს. საქართველოს დამფუძნებელი კრება ამთავრებდა კონსტიტუციის შემუშავებას, როდესაც თბერვალ-მარტის ომი დაიწყო. თბილისთან მიმდინარე ბრძოლები კომისიის საქმიანობაზეც აისახა. დაჩქარდა პროექტის განხილვა. 1921 წლის 21 თბერვალს კი საქართველოს დამფუძნებელმა კრებამ საგანგებო სხდომაზე ერთხმად მიიღო საქართველოს დემოკრატიული რესპუბლიკის კონსტიტუცია ისე, რომ ზოგიერთი თავის მუხლობრივი განხილვაც ვერ მოასწრო.²⁷

1.1.2. 1921 წლის კონსტიტუციის გადასინჯვის მექანიზმი

1921 წლის კონსტიტუციაში გადასინჯვის მექანიზმს მე-17 თავი ეთმობა. ძირითადი კანონი ადგენს კონსტიტუციის გადასინჯვის წინადადების ინიციატორ სუბიექტთა წრეს. კერძოდ, კონსტიტუციის „სა-

²⁶ მაცაბერიძე მ., საქართველოს 1921 წლის კონსტიტუცია, შემუშავება და მიღება, ნაწილი 2, თბილისი, 1993, 33.

²⁷ იქვე, 33-35.

ზოგადო ან ნაწილობრივი“ გადასინჯვის ინიცირების უფლება ჰქონდა: „პარლამენტის წევრთა ნახევრის არა ნაკლებსა“ და „50 000 ამომრჩეველს“.²⁸

კანონმდებელმა კონსტიტუციის გადასასინჯად ე.წ. „ხისტი“ მოდელი დაამტკიდრა. კონსტიტუციის ზოგადი ან ნაწილობრივი გადასინჯვის პროექტი პარლამენტის წევრთა 2/3-ის უმრავლესობით მიღება, მის ასამოქმედებლად კი საჭიროა ცვლილებების რეფერენდუმზე დამტკიცება. ამასთან, როგორც კონსტიტუციის 146-ე მუხლი განსაზღვრავს, გადასინჯვის პროექტის განხილვის დაწყება შეიძლება მხოლოდ პარლამენტში მისი შეტანიდან არაუდრეს 6 თვისა.²⁹ აღნიშნულიდან ირკვევა, რომ ეს ვადა არ მოიცავს განხილვის პროცედურებს, რაც მნიშვნელოვანია, რადგან ჩანს კანონმდებლის ნება — კონსტიტუციის გადასინჯვის პროცესი იყოს მაქსიმალურად გაზრებული მრავალფეროვანი სუბიექტების მიერ.

კანონმდებელმა დაადგინა, რომ „კონსტიტუცია ძალაშია მუდმივად და განუწყვეტლივ, გარდა იმ შემთხვევისა, რომელიც კონსტიტუციას აქვს გათვალისწინებული“,³⁰ მაგრამ კონსტიტუციის ტექსტში ვერ ვხვდებით ხსენბულ „შემთხვევას“. მე-17 თავში მოცემულია კონსტიტუციის გადასინჯვის მექანიზმი, თუმცა არაფერია ნათქვამი თავად კონსტიტუციის შეცვლაზე. უნდა ვივარაუდოთ, რომ კანონმდებელმა კონსტიტუციის „საზოგადო გადასინჯვაში“ იგულისხმა ახალი კონსტიტუციის მიღებაც და ასეთი დათქმა ზოგად დებულებებშიც ამიტომ გაჩნდა.

საინტერესოა დემოკრატიული რესპუბლიკის უცვლელად გამოცხადების საკითხიც, რომელსაც კომისიაში ბეჭრი მოწინაღმდეგე ჰყავდა. მაგ., ი. ბარათაშვილი აღნიშნავდა, რომ საკონსტიტუციო რეფერენდუმის დამკვიდრების პირობებში, რაიმეს გამოცხადება „მუდმივად და უცვლელად“, ეწინაღმდეგებოდა რეფერენდუმის პრინციპს. ს. დადიანის აზრით კი, მუდმივი და უცვლელი დებულებების არსებობა საყოველთაო

28 საქართველოს 1921 წლის 21 თებერვლის კონსტიტუცია, მუხლი 145.

29 იქვე, მუხლი 146, 147.

30 იქვე, მუხლი 10.

განვითარების იდეას ეწინააღმდეგება. რაც შეეხება მომხრეების პოზიციას, ისინი, პირველ ყოვლისა, ისტორიულ მაგალითებს იშველიებდნენ: მიუთითებდნენ აშშ-ს და შვეიცარიის კონსტიტუციებზე და აღნიშვნავდნენ, რომ დემოკრატიული რესპუბლიკის მუდმივად და უცვლელად გამოცხადება აუცილებელია იმისთვის, რომ არ არსებობდეს სამართლებრივი საშუალება დემოკრატიული რეჟიმის შესაცვლელად.³¹ საბოლოოდ, კონსტიტუციაში გაჩნდა 148-ე მუხლი, რომელიც საქართველოს დემოკრატიული რესპუბლიკის მართვა-გამგეობის ფორმას დაცულ ღირებულებად აცხადებს: „დემოკრატიული რესპუბლიკის მართვა-გამგეობის ფორმის გაუქმება არ შეიძლება გახდეს კონსტიტუციის გადასინჯვის წინადაღების საგნად“.³²

1921 წლის კონსტიტუცია უდიდესი მნიშვნელობის აქტია საქართველოს ისტორიაში. რომ არა როგორი პირობები და სამოქმედო ასპარეზი, შესაძლოა კანონმდებელს დაეხვეწა კიდეც პროექტში არსებული გადასინჯვის მექანიზმის დეტალები და აღმოგვზრა გადასინჯვის მექანიზმის ბუნდოვანება. კონსტიტუციის გადასინჯვის იდეალური, ყველა-სათვის მოსაწონი მოდელი ჯერ არ შექმნილა. 1921 წლის კონსტიტუციით დადგენილ პროცედურასაც აქვს გარკვეული ხარვეზები, რაც კრიტიკის საფუძველს იძლევა, თუმცა კონსტიტუციაში ჩადებული გადასინჯვის მექანიზმი იმ დროისათვის ნამდვილად პროგრესული და ღირებული იყო.

1.2. საბჭოთა საქართველოს კონსტიტუციები

გასაბჭოებულ საქართველოში ოთხი კონსტიტუცია მიიღეს (1922, 1927, 1937 და 1978 წლებში). ოთხივე მათგანი შეიცავდა კონსტიტუციაში ცვლილებებისა და დამატებების შეტანის წესს. 1922 წლის და 1927 წლის კონსტიტუციები აღნიშნულ უფლებამოსილებას სრულიად საქართველოს საბჭოთა ყრილობის განსაკუთრებულ გამგებლო-

³¹ მაცაბერიძე მ., საქართველოს 1921 წლის კონსტიტუციის პოლიტიკური კონკეფცია, თბილისი, 1997, 150-152.

³² საქართველოს 1921 წლის 21 თებერვლის კონსტიტუცია, მუხლი 148.

ბას მიაკუთვნებდნენ. 1937 წლის კონსტიტუცია ცვლილებების განხორციელების უფლებას საქართველოს ხელისუფლების და მმართველობის უმაღლეს ორგანოთა გამგეობას ანიჭებდა; 1978 წლის კონსტიტუციით დადგენილი წესით კი, სსსრ კონსტიტუციის შეცვლა საქართველოს სსრ უზენაესი საბჭოს გადაწყვეტილებით, საბჭოს დეპუტატთა საერთო რაოდენობის სულ ცოტა ორი მესამედის უმრავლესობით იყო შესაძლებელი.³³ თუმცა, ვინაიდან საბჭოურ კონსტიტუციებს საერთო არაფერი ჰქონდათ კონსტიტუციონალიზმის მოთხოვნებთან, უფრო მეტიც, ეჭვქვეშაა, ისინი საერთოდ წარმოადგენდნენ თუ არა საკონსტიტუციო სამართლის, როგორც ძალაუფლების შეზღუდვის მოწესრიგებელ ნორმათა ერთობლიობის, შემადგენელ ინსტიტუტს, სრულიად უშედეგო, უნაყოფო იქნება მათში მოცემული საკონსტიტუციო ცვლილებების მექანიზმებს შეჩერება.

1.3. გზა დამოუკიდებლობის აღდგენიდან დღემდე

1.3.1. პირველი ნაბიჯები

დამოუკიდებლობის აღდგენის შემდეგ გარკვეული პერიოდი საბჭოთა საქართველოს 1978 წლის კონსტიტუცია მოქმედებდა, რომელშიც მნიშვნელოვანი ცვლილებები იქნა შეტანილი. კანონიერი ხელისუფლების დამხობის შემდეგ, 1992 წლის 21 თებერვალს, სამხედრო საბჭომ მიიღო დეკლარაცია 1921 წლის კონსტიტუციის აღდგენის თაობაზე. საბჭო მიიჩნევდა, რომ 1921 წლის კონსტიტუციას მოქმედება არ შეუწყვეტია და არგუმენტად მოჰყავდა კონსტიტუციის მე-10 მუხლი, რომლის თანახმადაც, კონსტიტუცია ძალაშია „მუდმივად და შეუწყვეტლივ“. აღდგენის მიუხედავად, მას რეალურად მაინც არ უმოქმედია, რადგან იმ პერიოდისთვის, 1921 წლის კონსტიტუცია უკვე ნაკლებად ასახავდა საქართველოს ფაქტობრივ პოლიტიკურ-სამართლებრივ მდგრადი მარეობას. სამხედრო საბჭოს გადაწყვეტილება უფრო პოპულისტური

³³ იხ., საქართველოს სსრ კონსტიტუცია, სრულიად საქართველოს ცენტრალური აღმასრულებელი კომიტეტის გამოცემა, თბილისი, 1922, მუხლი 63; უტაშვილი გ., საქართველოს რესპუბლიკის კონსტიტუციური წყობა, 1921-1994, თბილისი, 1995, 24-25, 32, 57.

იყო, ვიდრე რეალურად ქმედითი ნაბიჯი, რომელიც ქაოსში მყოფი სახელმწიფოს სამართლებრივი საჭიროებისათვის იქნებოდა მიმართული. შესაბამისად, გარემოება მოითხოვდა აზალი კონსტიტუციის პროექტის შემუშავებას, რომელიც, არსებული ვითარების გათვალისწინებით, აზალ საკონსტიტუციო სივრცეს შექმნიდა.³⁴

1921 წლის კონსტიტუციის პრინციპები შეიცვალა „სახელმწიფო ხელისუფლების შესახებ“ 1992 წლის 10 ნოემბრის კანონით, რომლითაც „აზალი კონსტიტუციის ძალაში შესვლამდე უმაღლესი სახელმწიფო ორგანოების უფლებამოსილებები, მათი სტრუქტურა და საქმიანობის წესი“³⁵ განისაზღვრა. აღნიშნული კანონით გათვალისწინებული იყო კონსტიტუციაში ცვლილებების შეტანა, რომლისთვისაც პარლამენტის სიითი შემადგენლობის ორი მესამედის უმრავლესობის მხარდაჭერა იყო საჭირო.³⁶

1993 წლის 19 თებერვალს შეიქმნა საკონსტიტუციო კომისია. თავდაპირველად კომისიაში გაჩნდა იდეა, რომ ცვლილებები შეეტანათ 1921 წლის კონსტიტუციაში, თუმცა ეს იდეა მაღლევე უარყვეს და საკონსტიტუციო კომისია აზალი კონსტიტუციის შემუშავებას შეუდგა.³⁷

კომისიის სამდიგნოს მიერ მომზადებული ცვლილებათა პროექტი კონსტიტუციის შესაცვლელად პარლამენტის წევრთა ორი მესამედის მხარდაჭერასა და რეფერენდუმს განსაზღვრავდა, რითაც პროექტში მეორდებოდა 1921 წლის კონსტიტუციის დებულებები. შვარცი დადგენილ მოთხოვნებს გართულებულად მიიჩნევდა. მან წამოაყენა წინადაღება, დაეწიათ ბარიერი, რადგან გარდამავალ პერიოდში მიღებული კონსტიტუცია მალე ისევ შესაცვლელი და გადასამუშავებელი გახდე-

³⁴ პაპუაშვილი გ., საქართველოს დემოკრატიული რესპუბლიკის 1921 წლის კონსტიტუცია 90 წლის გადასახედიდან, საქართველოს დემოკრატიული რესპუბლიკის 1921 წლის კონსტიტუცია, მე-2 გამოცემა, ბათუმი, 2013, 14.

³⁵ ბაბეკი ვ., კონსტიტუციის შემუშავება და მიღება საქართველოში (1993-1995), ქ. ტუბლაშვილის თარგმანი, თბილისი, 2002, 11.

³⁶ საქართველოს 1992 წლის 6 ნოემბრის კანონი „სახელმწიფო ხელისუფლების შესახებ“, მუხლი 13.

³⁷ გეგნავა დ., ქანთარია ნ., ცანავა ლ., თევზაბე თ., მაჭარაძე ზ., ჯავახიშვილი პ., ერქვანა თ., პაპაშვილი თ., საქართველოს საკონსტიტუციო სამართალი, თბილისი, 2013, 71.

ბოდა. შვარცი გამოსავალს 7 ან 10 წლის შემდეგ კონსტიტუციის სავალდებულო გადახედვის შესახებ დებულების დამატებაში ხედავდა. რაც შექება რეფერენდუმს, მასზე უარი მხოლოდ საპარლამენტო განხილვების დროს ითქვა. კანონმდებელმა 1921 წლის კონსტიტუციით დადგენილი დებულება იმის შესახებ, რომ ცვლილებების პროცესზე განხილვამდე 6 თვე უნდა გაჩერდეს პარლამენტში, ისევე არ გაითვალისწინა, როგორც დებულება დემოკრატიული რესპუბლიკის შეუცვლელობის თაობაზე.³⁸

1.3.2. 1995 წლის კონსტიტუციის თავდაპირველი რედაქცია

კონსტიტუციის გადასინჯვის საკითხი 1995 წლის 24 აგვისტოს კონსტიტუციაში მე-8 თავით მოწევსრიგდა. კონსტიტუციის ზოგადი ან ნაწილობრივი გადასინჯვის შესახებ პარლამენტისთვის ინიციატივის წესით მიმართვის უფლება მიენიჭა საქართველოს პრეზიდენტს, საქართველოს პარლამენტის სრული შემადგენლობის ნახევარზე მეტს და არანაკლებ 200 000 ამომრჩეველს. ცვლილებების მექანიზმი შემდეგნაირად განისაზღვრა: კანონპროექტი ჯერ ქვეყნდება საყოველთაოსახალხო განხილვისთვის, პარლამენტი კი მის განხილვას პროექტის გამოქვეყნებიდან ერთი თვის შემდეგ შეუძება. ცვლილებები მიიღება, თუ მას მხარს დაუჭრს პარლამენტის სრული შემადგენლობის არანაკლებ ორი მესამედი. პარლამენტის მიერ უკვე მიღებულ კონსტიტუციის გადასინჯვის კანონს კი ხელს აწერს და აქვეყნებს საქართველოს პრეზიდენტი.³⁹

ზემოხსენებულის გარდა, კანონმდებელმა 1995 წლის კონსტიტუციის გარდამავალ დებულებებში გაითვალისწინა კონსტიტუციის 102-ე მუხლის მე-2 პუნქტის შეცვლა საყოველთაო-სახალხო განხილვისთვის გამოქვეყნების გარეშე, გამონაკლისის წესით, მხოლოდ საქართველოს

³⁸ ბაბეგი ვ., კონსტიტუციის შემუშავება და მიღება საქართველოში (1993-1995), ქ. კუბლაშვილის თარგმანი, თბილისი, 2002, 140-141.

³⁹ საქართველოს 1995 წლის 24 აგვისტოს კონსტიტუცია, თავდაპირველი რედაქცია, VIII თავი.

მთელ ტერიტორიაზე იურისდიქციის სრულად აღდგენასთან დაკავშირებით.⁴⁰

1995 წლის კონსტიტუციის მიღების პროცესს კანონმდებლების მიერ კონსტიტუციისადმი არაკონსტიტუციურად მიღეომის ფაქტად აფასებს მეღქაბე. მისი განმარტებით, პარლამენტს საკონსტიტუციო კომისიის მიერ წარუდგინა შერეული მართვის მოდელზე ორიენტირებული პროექტი, რომელიც საყოველთაო-სახალხო განხილვისთვის გამოქვეყნდა. პარლამენტში განხილვისას შერეული მოდელი საპრეზიდენტოთი შეიცვალა, მაგრამ პრინციპულად განსხვავებული პროექტი განხილვისთვის აღარ გამოქვეყნებულა. საყოველთაო-სახალხო განხილვაზე უკრის თქმის არგუმენტი ის იყო, რომ იმ ეტაპზე სახელმწიფოს კონსტიტუცია არ ჰქონდა და ასეთი ნორმაც, შესაბამისად, არ არსებობდა.⁴¹

1995 წლის კონსტიტუციის მიღებიდან დღემდე მასში იმდენი ცვლილება შევიდა, შეიძლება ითქვას, რომ დღეს არსებული ვერსია 1995 წლის 24 აგვისტოს თავდაპირველი რედაქციისგან ბევრად განსხვავდება.

1.3.3. 1995 წლის კონსტიტუციის ცვლილებები და საკონსტიტუციო რეფორმები

2001 წლის ზაფხულში პრეზიდენტმა ედუარდ შევარდნაძემ პარლამენტს წარუდგინა პროექტი, რომელიც ძირითად კანონში მნიშვნელოვან ცვლილებებს ითვალისწინებდა. საკონსტიტუციო ცვლილებები კრიტიკის საგნად იქცა. „საქართველოს ახალგაზრდა იურისტთა საზოგადოება“ აცხადებდა, რომ არ შეიძლება კონსტიტუცია სათამაშო ბურთად იქცეს სხვადასხვა პოლიტიკურ ძალთა შორის, ამიტომ, იმ ეტაპისთვის, საკონსტიტუციო ცვლილებები უარყოფილი უნდა ყოფილიყო.⁴²

⁴⁰ იქვე, მუხლი 108.

⁴¹ მეღქაბე ო., ქართული კონსტიტუციონალიზმის შავი ქუთი, თბილისი, 2007, 97.

⁴² ბაბეკი ვ., კონსტიტუციის შემუშავება და მიღება საქართველოში (1993-1995), ქ. ქუბლაშვილის თარგმანი, თბილისი, 2002, 303.

შევარდნაძის პროექტი პარლამენტმა უარყო, მაგრამ, რამდენად უცნაურიც უნდა იყოს, 2004 წლის პარლამენტმა სწორედ ამ პროექტით გათვალისწინებული დებულებები დაამტკიცა⁴³.

2004 წლის საკონსტიტუციო რეფორმას ხელი შეუწყო ხელისუფლებაში ახალი ძალის მოსკვლამ, რომელსაც ქვეყნის სახელმწიფოებრივი მოწყობის საკითხები ახლებურად ჰქონდა გააზრებული, ⁴⁴ თუმცა პოლიტიკური ფონი აშკარა იყო. 2004 წლის რეფორმას მკვლევარები უარყოფითად აფასებენ: „ცვლილება-დამსტებებს მიზნობრივი დატვირთვა ჰქონდა და კონსტიტუციის ტექსტის სრულყოფაზე კანონმდებელსა და ინიციატორთა ჯგუფს არც უფიქრიათ“⁴⁵; „2004 წლის რეფორმა შეუსაბამო იყო როგორც ფორმით, ისე შინაარსით“⁴⁶, „უზენაესი კანონის რეფორმა მხოლოდ რამდენიმე კაცზე მორგებისთვისაა გამიზნული“⁴⁷. ცვლილებების პოლიტიკური ხასიათის გარდა, სპეციალისტები მიიჩნევენ, რომ დაირღვა კონსტიტუციის 102-ე მუხლის მე-2 პუნქტი, რის მიზეზადაც ცვლილებების ტექსტის საჯაროდ გამოუქვეყნებლობა სახელდება. შექმიდროებულ ვადებში კონსტიტუციის მისაღებად საყოველთაო-სახალხო განხილვისთვის გამოქვეყნებაზე უარის თქმის მთავრობისეული არგუმენტი ის იყო, რომ შესწორებები ეფუძნებოდა

⁴³ იხ., საქართველოს 1995 წლის კონსტიტუცია, 2004 წლის 6 თებერვლის რედაქცია.

⁴⁴ გვენავა დ., ქანთარია ნ., ცანავა ლ., თევზაბე თ., მაჭარაძე ზ., ჯავახიშვილი პ., ერქვნია თ., პაპაშვილი თ., საქართველოს საკონსტიტუციო სამართალი, თბილისი, 2013, 72.

⁴⁵ იხ., მელქაძე ო., საქართველოს კონსტიტუციური სამართალი, თბილისი, 2008, 94.

⁴⁶ ბაბეკი ვ., ფიში ს., რაიქებეჭერი ც., კონსტიტუციის გადასინჯვა – საქართველოს გზა ევროპისკენ, ავთანდილ დემეტრაშვილის წინათქმით, თბილისი, 2013, 92.

⁴⁷ მენადე ვ., საქართველოს კონსტიტუციის გადასინჯვა – რა უზრუნველყოფს უზენაესი კანონის ღეგიტიმურობას?, სუპერსაპრეზიდენტოდან საპარლამენტოდე, საკონსტიტუციო ცვლილებები საქართველოში, სტატიების კრებული, თბილისი, 2013, 130.

პროექტს, რომელიც უკვე გამოქვეყნდა ელუარდ შევარდნაძის პრეზიდენტობის დროს.⁴⁸

2008 წლის ბოლოს საქართველოში შექმნილი პოლიტიკური სიტუაციის გამო, საქართველოს პრეზიდენტმა მიხეილ სააკაშვილმა გააუღერა ინციდენტის უფლებამოსილების შემცირებისა და პარლამენტის უფლებამოსილების გაზრდის თაობაზე, რამაც ქვეყანა კიდევ ერთ რეფორმასთან მიიყვანა. 2009 წელს შეიქმნა სახელმწიფო საკონსტიტუციო კომისია. პრეზიდენტის ბრძანებულებით განისაზღვრა კონსტიტუციის გადასინჯვის ფარგლებიც, თუმცა კომისიის მუშაობის პროცესში გამოიკვეთა საკითხთა უფრო დიდი წრე, რომელიც ცვლილებას საჭიროებდა. საბოლოოდ, ცვლილებები კონსტიტუციის დაახლოებით 40%-ს შეეხო.⁴⁹

რეფორმის მოსამზადებელ ეტაპზე სამუშაო ჯგუფის წევრთა მიერ განიხილებოდა ახალი კონსტიტუციის მიღების საკითხიც, მაგრამ საკონსტიტუციო კომისიის ჯერ სარედაქციო საბჭოს, ხოლო შემდგომ კომისიის სრული შემადგენლობის სხდომებზე უარი ითქვა ახალი კონსტიტუციის შემუავებაზე, რაც საქართველოს პრეზიდენტის №388 განკარგულებით განმტკიცდა. აქტით პირდაპირ განისაზღვრა სახელმწიფო საკონსტიტუციო კომისიის საქმიანობის მიზანი: „საქართველოს კონსტიტუციაში ცვლილებებისა და დამატებების შესახებ“ საქართველოს კონსტიტუციური კანონის პროექტის მომზადება.⁵⁰

2010 წლის საკონსტიტუციო რეფორმის ფარგლებში, საკონსტიტუციო კომისიამ მიიღო გადაწყვეტილება, შეეცვალათ კონსტიტუციის გადასინჯვის მექანიზმიც, რადგან კონსტიტუციის მე-8 თავით გათვალისწინებული კონსტიტუციის გადასინჯვის წესი კონსტიტუციის მდგრადობას ვერ უზრუნველყოფდა. აღნიშნულს თვალსაჩინოს ხდის

⁴⁸ ბაბეი ვ., ფიში ს., რაიპენბერი ც., კონსტიტუციის გადასინჯვა – საქართველოს გზა ევროპისკენ, ავთანდილ დემეტრაშვილის წინათქმით, თბილისი, 2013, 92.

⁴⁹ საქართველოს კონსტიტუცია და 2010 წლის კონსტიტუციური რეფორმა, თბილისი, 2010, 19; საქართველოს პრეზიდენტის ბრძანებულება №348.

⁵⁰ ბაბეი ვ., ფიში ს., რაიპენბერი ც., კონსტიტუციის გადასინჯვა – საქართველოს გზა ევროპისკენ, ავთანდილ დემეტრაშვილის წინათქმით, თბილისი, 2013, 22; მთ: საქართველოს პრეზიდენტის განკარგულება №388.

1995 წლის კონსტიტუციის მიღების შემდეგ მასში შეტანილი ცვლილებების რაოდენობა.⁵¹

სახელმწიფო საკონსტიტუციო კომისიამ კონსტიტუციის 102-ე მუხლის მესამე პუნქტი ამგვარად ჩამოაყალიბა: „კონსტიტუციის გადასინჯვის კანონპროექტი მიღებულად ჩაითვლება, თუ მას საქართველოს პარლამენტის ორ თანმიმდევრულ სესიაზე, სულ ცოტა სამი თვის ინტერვალით მხარს დაუჭერს საქართველოს პარლამენტის სრული შემადგენლობის არანაკლებ ორი მესამედი“.⁵² ვენციის კომისიამ განაცხადა კონსტიტუციაში ცვლილებების შეტანის უფრო მყარი გზით განხორციელების აუცილებლობაზე, ვიდრე ეს 2/3-ის უმრავლესობით მისი მიღება იქნებოდა, თუმცა კომისიის მიერ წარდგენილი პროექტი უდავოდ წინ გადადგმულ ნაბიჯად შეაფასა.⁵³

საქართველოს კონსტიტუციის ახალი რედაქციის საკუთარი კონცეფცია წარმოადგინა საზოგადოებრივმა საკონსტიტუციო კომისიამ, რომელსაც, კონსტიტუციის მდგრადიბის უზრუნველსაყოფად, უფრო მართებულად ძირითადი კანონის ცვლილების პროცესის მკვეთრად გართულება მიაჩნდა. კომისიის აზრით, აუცილებელი იყო კონსტიტუციის გადასინჯვის პროცესში საკონსტიტუციო კონტროლის შემოღება. მათი თვალთახედვით, საკონსტიტუციო კომისიას პროექტის მიღებიდან 5 დღის ვადაში იგი უნდა გადაეცა საკონსტიტუციო სასამართლოსთვის, კონსტიტუციასთან საკანონმდებლო ინიციატივის განხორციელების შესაბამისობის დადგენის მიზნით. საზოგადოებრივი კომისიის მიერ წარმოდგენილ კონცეფციაში ინტერესს იწვევს კონსტიტუციის მისაღებად საჭირო ხმათა უმრავლესობის საკითხი: კონსტიტუცია მიღებულად

⁵¹ საქართველოს კონსტიტუცია და 2010 წლის კონსტიტუციური რეფორმა, თბილისი, 2010, 70-71.

⁵² იხ., Draft Constitutional law on the Changes and Amendments to the Constitution of Georgia, Adopted by The State Constitutional Commission at its Plenary Session of 19 July 2010, European Commission for Democracy Through law (Venice Commission), Op. no. 543/2009, CDL(2010)071, Strasbourg, 2010, 37.

⁵³ Draft Opinion on the Draft Constitutional Law on Amendments and Changes to the Constitution of Georgia, Op. no.543/2009, CDL(2010)062, Strasbourg, 31.07.2010, 91-93; Final Opinion on the Draft Constitutional Law on Amendments and Changes to the Constitution of Georgia, Op. no. 543/2009, CDL(2010)028, Strasbourg, 15.10.2010, 107-109.

თოვლება, თუ მას ორი მოსმენით მხარს დაუჭერს პარლამენტის სრული შემადგენლობის ორი მესამედი, მაგრამ თუ საპარლამენტო უმრავლესობა ფლობს სრული შემადგენლობის ორ მესამედს, ცვლილებების მისაღებად მას მხარი უნდა დაუჭიროს საპარლამენტო ოპოზიციის აბსოლუტურმა უმრავლესობამაც. კონცეფციის ავტორთა განმარტებით, აღნიშნული წესი ვიწროპარტიული შეხედულებებით განხორციელებული ცვლილების პრევენციას მოახდენს და ძირითად კანონს მდგრადობას შესძენს. საბოლოოდ, ცვლილებები ძალაში შედის, თუ მას ერთი მოსმენით, უმრავლესობით მიიღებს მეორე მოწვევის პარლამენტი.⁵⁴

სანტერესო საერთაშორისო ექსპერტების აზრიც. ფიში კონსტიტუციის გადასინჯვის შემუშავებულ მექანიზმზე აღნიშნავს, რომ კონსტიტუციაში ცვლილებების შესატანად, ორი კენჭისყრა მისასალმებელი ცვლილებაა, თუმცა ეს ორი კენჭისყრა არ უნდა გაიყოს ორ პარლამენტზე. პროფესორი ოტერი განმარტავდა, რომ, მართალია, ორი კენჭისყრა სუსტი დამცავია, თუმცა რეფერენდუმს ის მაინც აჯობებდა. ბლანკენაგელი კი აცხადებდა, რომ კონსტიტუციაში ცვლილებების შეტანის ბარიერები ძალზე მაღალი არ უნდა ყოფილიყო.⁵⁵

საბოლოოდ, პარლამენტმა მიიღო ცვლილებები, რომლითაც კონსტიტუციის გადასინჯვის შესახებ საკანონმდებლო ორგანოსთვის ინიციატივით მიმართვის უფლება ჩამოთათვა საქართველოს პრეზიდენტს და მხოლოდ პარლამენტის წევრთა სრული შემადგენლობის ნახევარზე მეტსა და 200 000 მოქალაქეს მიანიჭა. პარლამენტი მისთვის წარდგენილ პროექტს აქვეყნებდა საყოველთაო-სახალხო განხილვისათვის და მხოლოდ ერთი თვის შემდეგ იწყებდა მის განხილვას. ცვლილებების პროექტის მისაღებად საჭირო იყო პარლამენტის სრული შემადგენლობის არანაკლებ 2/3-ის მხარდაჭერა, ორ თანმიმდევრულ სესიზე, სულ ცოტა სამი თვის ინტერვალით. ამ გზით მიღებული კონსტიტუციის გადასინჯვის კანონს ხელს აწერდა საქართველოს პრეზიდენტი. უცვლელი დარჩა გარდამავალ დებულებებში ჩადებული, საგამონაკლისო

⁵⁴ ბაბეკი ვ., ფიში ს., რაიჰენბეჟერი ც., კონსტიტუციის გადასინჯვა – საქართველოს გზა ევროპისკენ, ავთანდილ დემუტრაშვილის წინათქმით, თბილისი, 2013, 344-345.

⁵⁵ იქვე, 175.

წესით ცვლილებების საყოველთაო-სახალხო განხილვისათვის გამოქვეყნების გარეშე მიღების მექანიზმი.⁵⁶

მიუხედავად იმისა, რომ საკონსტიტუციო ცვლილებებით ძირითად კანონში ბევრი საკამათო ნორმა გაჩნდა, სპეციალისტთა დიდი ნაწილი და ვენეციის კომისიაც, განხორციელებულ ცვლილებებს წინ გადადგმულ ნაბიჯად მიიჩნევდნენ. კონსტიტუციაში შეტანილ ნორმათა კრიტიკასთან ერთად, მკვლევარები საუბრობენ შემუშავებული მოდელის ლეგიტიმაციის დაბალ ხარისხზეც, რაც, ერთი მხრივ, საკონსტიტუციო კომისიისთვის სათანადო ლეგიტიმურობის არქონას, მეორე მხრივ კი, საბოლოო პროექტის გენეზისის ბუნდოვანებას უკავშირდება.⁵⁷

2011 წელს გადასინჯვისთვის საჭირო კვალიფიციური უმრავლესობის მოთხოვნა გადაიზედა და გაიზარდა სამ მეოთხედამდე. ამ ნორმის ამოქმედება უკავშირდებოდა 2013 წლის მორიგი საპრეზიდენტო არჩევნების შედეგად არჩეული პრეზიდენტის მიერ ფიცის დადების მომენტს.⁵⁸ 2012 წლის ოქტომბერში ხელისუფლების სათავეში ახალი პოლიტიკური ძალის მოვლის შემდეგ, ცვლილებების საკითხი კვლავაც აქტუალური გახდა. 2013 წელს საპარლამენტო უმრავლესობამ ინიციატივის წესით წარადგინა პროექტი „საქართველოს კონსტიტუციაში ცვლილების შეტანის შესახებ“ საქართველოს კონსტიტუციურ კანონში ცვლილების შეტანის თაობაზე, რომლის თანახმად, 2011 წლის 27 დეკემბრის კონსტიტუციური კანონიდან უნდა ამოღებულიყო პირველი მუხლის მე-4 და მე-5 პუნქტები და მე-2 მუხლის მე-3 პუნქტი. კანონპროექტის ინიციატორთა განმარტებით, აღნიშნულის შედეგად მოხდებოდა იმ დროისათვის მოქმედი წესის და შესაბამისად, პრეზიდენტის ვატოს დასაძლევად იმუშავდ მოქმედი კვორუმის შენარჩუნება, რაც ხელს შეუწყობდა კონსტიტუციის ახალი რედაქციის

⁵⁶ საქართველოს 1995 წლის 24 აგვისტოს კონსტიტუცია, 2010 წლის ოქტომბრის რედაქცია, მუხლი 102.

⁵⁷ იხ., მენაბედე ვ., საქართველოს კონსტიტუციის გადასინჯვა – რა უზრუნველყოფს უზრაესი კანონის ლეგიტიმურობას?, სუპერსაპრეზიდენტოდან საპარლამენტიდე, საკონსტიტუციო ცვლილებები საქართველოში, სტატიების კრებული, თბილისი, 2013, 132.

⁵⁸ საქართველოს 2011 წლის 27 დეკემბრის კონსტიტუციური კანონი „საქართველოს კონსტიტუციაში ცვლილებების შეტანის შესახებ“, მუხლი 1.

დროულად მიღებას. კანონპროექტში აღნიშნულია, რომ 3/4-ის უმრავლესობა უჩვეულოდ მაღალია კონსტიტუციაში ცვლილებების შეტანისათვის და კონსტიტუციურ კანონზე პრეზიდენტის ვეტოს დაძლევისათვის.⁵⁹

2013 წლის 15 ოქტომბერს ვენეციის კომისიამ საკუთარი დასკვნა გამოაქვეყნა, რომელშიც თითქმის იმეორებს 2010 წელს მისთვის წარდგენილ პროექტზე ამ საკითხთან დაკავშირებით გამოთქმულ მოსაზრებას. კომისიის განმარტებით, ის ფაქტი, რომ კონსტიტუციის მნიშვნელოვანი დებულებები იცვლება, მათ შორის, თავად გადასინჯვის პროცედურა, რომელიც 2010 და 2011 წლებში შეიცვალა, კონსტიტუციის არასაკმარის სიმყარეზე მიუთითებს.⁶⁰

ამ ეტაპზე საქართველოში კიდვე ერთი საკონსტიტუციო რეფორმა მზადდება. შეიქმნა სახელმწიფო საკონსტიტუციო კომისია,⁶¹ რომელიც კონსტიტუციის გადასინჯვის პროექტზე მუშაობს. შესაძლებელია, მნიშვნელოვანად შეიცვალოს კონსტიტუციის გადასინჯვის მექანიზმიც. იმედია, საკონსტიტუციო კომისიის მუშაობა ნაყოფიერი იქნება და საქართველოს პარლამენტი ამჯერად მაინც შეძლებს, მიიღოს კონსტიტუციის გადასინჯვის მოდელი, რომელიც სათანადოდ უზრუნველყოფს კონსტიტუციის დაცვას გაუმართლებელი ცვლილებებისგან.

⁵⁹ საქართველოს 2013 წლის 13 ივნისის კონსტიტუციური კანონის პროექტი „საქართველოს კონსტიტუციაში ცვლილების შეტანის შესახებ“ კონსტიტუციურ კანონში ცვლილების შეტანის თაობაზე.

⁶⁰ იხ., Opinion on Three Draft Constitutional Laws Amending Two Constitutional Laws Amending the Constitution of Georgia, European Commission for Democracy Through Law (Venice Commission), Op. no. 737/2013, CDL-AD(2013)029, Strasbourg, 15.09.2013, 28-40.

⁶¹ იხ., საქართველოს პარლამენტის 2013 წლის 4 ოქტომბრის დადგენილება „სახელმწიფო საკონსტიტუციო კომისიის შექმნის შესახებ“.

2. კონსტიტუციის მოქმედი მოდელი – ნორმის კრიტიკული ანალიზი

2.1. გადასინჯვის ფორმები

2.1.1. ზოგად და ნაწილობრივ გადასინჯვას შორის

კონსტიტუციის მოქმედი რედაქცია განასხვავებს კონსტიტუციის „ზოგად ან ნაწილობრივი“ გადასინჯვის ფორმებს. ქართველი კონსტიტუციონალისტების გარკვეული ნაწილი კონსტიტუციის ზოგად გადასინჯვას – ახალი კონსტიტუციის მიღებას უკავშირებდნენ, ხოლო ნაწილობრივს – არსებულ ტექსტში ცვლილებებისა და დამატებების შეტანას,⁶² თუმცა არნიშნული საკითხი გამოკლევას საჭიროებს. არ არსებობს სამართლებრივი მოწესრიგება, რომელიც ამ საკითხთან დაკავშირებით ამომწურავ და საბოლოო პასუხს გასცემდა.

კონსტიტუციის „ზოგად ან ნაწილობრივი“ გადასინჯვის ცნების ანალოგს ვერცერთი ქვეყნის კონსტიტუციაში შეხვდებით. ესპანეთის კონსტიტუცია იცნობს კონსტიტუციის „მთლიანი ან ნაწილობრივი“ გადასინჯვის ცნებას, შევიცარის კონსტიტუცია კი – „სრულ ან ნაწილობრივ“ გადასინჯვას,⁶³ მაგრამ სახელმწიფოთა ნაწილი,⁶⁴ რომელიც კონსტიტუციაში შესწორებების შეტანას – გადასინჯვას უწოდებს, თავს იკავებს ასეთი სახის კონკრეტული გისგან.

ქართულ განმარტებით ლექსიკონში სიტყვა „ზოგადი“ ორგვარად არის განმარტებული: 1. „ცალკეულიდან, კერძოულიდან გამოყოფილი, საერთო, არსებითი“ და 2. „განყენებული, კონკრეტულობას მოკლებული“. საერთო და არსებითი გადასინჯვა იმავე შინაარსისაა, რაც ესპანეთისეული მთლიანი გადასინჯვა ან შვეიცარიის შემთხვევაში – სრული გადასინჯვა. სიტყვა „სრული“ ნიშნავს მთლიანს, ფართოს, აბსო-

⁶² დემეტრაშვილი ა., კობახიძე ი., კონსტიტუციური სამართალი, თბილისი, 2008, 65. კონსტიტუციური სამართალი, რედ: ავთანდილ დემეტრაშვილი, თბილისი, 2005, 93.

⁶³ Constitution of Spain, Art.168; Federal Constitution of the Swiss Confederation, Art.192.

⁶⁴ იხ., Constitution of the Republic of Lithuania, Art. 76-79, The Belgian Constitution, Art. 195-198; The Constitution of Greece, Art. 110; Constitution of the Republic of Poland, Art. 235.

ლუტურს⁶⁵, უნაკლულოს⁶⁶. მსგავსადვერა ამ სიტყვის ინგლისური ანალოგის, “total”-ის განმარტების შემთხვევაში.⁶⁷

საინტერესოა, სად გადის ზღვარი ზოგად (სრულ, საერთო, არსებით) და ნაწილობრივ გადასინჯვას შორის? ნიშნავს თუ არა ზოგადი გადასინჯვა აუცილებლად კონსტიტუციის ყველა დებულების შეცვლას? პასუხი უკანასკნელ კითხვაზე დადებითი არ უნდა იყოს. შესაძლებელია, კონსტიტუციის მხოლოდ გარკვეული რაოდენობის ნორმათა, მაგ., მართვა-გამგების საკითხების ცვლილებამ, გამოიწვიოს კონსტიტუციის შინაარსის არსებითად შეცვლა. აღნიშნული კი კონსტიტუციის ზოგად და ნაწილობრივ გადასინჯვას შორის ზღვარს გაუგებარს ხდის.

ზოგად და ნაწილობრივ გადასინჯვას შორის სხვაობა უფრო სოციოლოგიურია, ვიდრე – სამართლებრივი. რაც არ უნდა განსხვავებულ დატვირთვას ატარებდეს ეს ორი ინსტიტუტი, მათი სამართლებრივი მოწესრიგება და მათდამი წაყნებული სავალდებულო წინაპირობები ერთი და იგივეა, შესაბამისად, ეს განსხვავებები უფრო სამეცნიერო ხასიათისაა, ვიდრე – პრაქტიკული. თითოეული მათგანის საბოლოო დანიშნულება კონსტიტუციის ტექსტობრივი ქსოვილის მოცულობითი ან მცირე ხასიათის ცვლილებაა, თუმცა ესეც შეფასებითია, ვინაიდან ტექსტის ცვლილებათა მოცულობითობა მხოლოდ პროპორციაა და მეტი არაფერი. სრულიად შესაძლებელია კონსტიტუციის ერთი დებულების ცვლილებამ გაცილებით უფრო დიდი შედეგი გამოიწვიოს, ვიდრე რამდენიმე ათეულ მუხლში განხორციელებულმა შესწორებებმა.

2.1.2. ახალი კონსტიტუციის მიღების პერსპექტივა მოქმედი რედაქციით

საკუთარ დასკვნაში კონსტიტუციის შესწორების თაობაზე ვენეციის კომისია გამიჯნავს კონსტიტუციის სრულ გადასინჯვასა და ახალი

⁶⁵ ქართული ენის განმარტებითი ლექსიკონი, არნ. ჩიქობავას საერთო რედაქციით, ტ. VI, თბილისი, 1960, 1146-1147.

⁶⁶ სულვან-საბა ორბელიანი, ლექსიკონი ქართული, ტ. II, 109.

⁶⁷ Oxford Advanced Learner's Dictionary, Sixth Edition, Oxford University Press, 2005, 1373.

კონსტიტუციის მიღებას, მაგრამ მათ შორის განსხვავებაზე არ მსჯელობს.⁶⁸ აღნიშნული საკითხის მიმართ კომისიის მიღვომა ჩანს სხვადასხვა ქვეფნის მაგალითიდან, რომლითაც ირკვევა, რომ ის სრულ გადასინჯვას აიგივებს ახალი კონსტიტუციის მიღებასთან. კერძოდ, კომისიის განმარტავს, რომ შვეიცარიაში, ხალხის მიერ ახალი კონსტიტუციის მიღების მოთხოვნის შემთხვევაში, ორივე პალატა დაიშლება, თუმცა კონსტიტუციაში აღნიშვნა ასეთია: „თუ ხალხი მხარს დაუჭერს კონსტიტუციის სრულ გადასინჯვას, ორივე პალატა ხელახლა აირჩევა“⁶⁹.

საინტერესოა, რომ საკმაოდ ბევრ სახელმწიფოს უარი აქვს ნათქვამი გადასინჯვის ტერმინზე და იყენებს სიტყვებს – „კონსტიტუციაში დამატებების შეტანა“ (აზერბაიჯანი), „კონსტიტუციაში შესწორების შეტანა“ (სერბეთი, სლოვაკეთი, ესტონეთი), „ცვლილებებისა და დამატებების შეტანა“ (ბულგარეთი, ბელარუსი, ისლანდია).⁷⁰

საქართველოს კონსტიტუციის მოქმედი რედაქციით ახალი კონსტიტუციის მიღების პერსპექტივის დადგნის მიზნით, უპირველეს ყოვლისა, თავად სიტყვა „გადასინჯვის“ არსი უნდა იქნას გამოკვლეული. ქართული ენის განმარტებით ლექსიკონში „გადასინჯვა“ განმარტებულია, როგორც გადახდვა, შემოწმება აზრის შეცვლის მიზნით.⁷¹ აღნიშნული სიტყვის ინგლისური ანალოგი – “revision”, ერთი მხრივ, განიმარტება, როგორც ობიექტის (მაგ., წერილობითი ნამუშევრის) გაუმჯობესების პროცესი, მასში ცვლილებების ან ახალი ინფორმაციისა თუ იდეების შეტანის გზით, მეორე მხრივ კი, ცვლილება ან ცვლილებათა კომპლექტი. ამასთან, “revision” წარმოდგება სიტყვიდან

⁶⁸ Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010, 56.

⁶⁹ იქვე, Federal Constitution of the Swiss Confederation, Art.192-195.

⁷⁰ იხ., Constitution of the Azerbaijan Republic, Art. 156-158; Constitution of the Republic of Serbia, Art.203; Constitution of the Republic of Estonia, Art.161-168; The Constitution of Japan, Art.96; Constitution of the Republic of Bulgaria, Art.153-156; Constitution of the Republic of Belarus, Art.138-140; Constitution of the Republic of Iceland, Art. 79.

⁷¹ ქართული ენის განმარტებითი ლექსიკონი, არნ. ჩიქობავას საერთო რედაქციით, ტ. II, ობილისი, 1951, 299.

“revise”, რაც განმარტებულია, როგორც გარკვეული ობიექტის შეცვლა მისი შესწორების ან გაუმჯობესების მიზნით.⁷²

კონსტიტუციის „საზოგადო გადასინჯვის“ ცნება საქართველოში ჯერ კიდევ 1921 წლის 21 თებერვლის კონსტიტუციით დამკვიდრდა.⁷³ პროფესიონალური მაცაბერი ნაშრომში „1921 წლის კონსტიტუციის პოლიტიკური კონცეფცია“ განმარტავს: „გადასინჯვა გულისხმობდა კონსტიტუციის პროექტის უკვე შემუშავებული ნაწილების ხელახლა განხილვას ცალკეულ შესწორებათა შეტანის მიზნით“.⁷⁴ საკითხი იმის თაობაზე, გულისხმობს თუ არა კონსტიტუციის ზოგადი გადასინჯვა ახალი კონსტიტუციის მიღებას, განმარტების საგანია. ზოგადი ანუ საერთო, არსებოთი გადასინჯვა თუ კონსტიტუციაში ცვლილებების შეტანას ნიშნავს, მაშინ კონსტიტუციაში ცვლილებების შეტანა შეიძლება გულისხმობდეს მისი გაუქმების მიზნით ცვლილებების შეტანასაც. სახელმწიფოები, რომლებიც ასეთ ტერმინს იყენებენ, გულისხმობენ, როგორც კონსტიტუციის შინაარსის მთლიანად შეცვლას, ისე ახალი კონსტიტუციის მიღებასაც. შესაბამისად, ივარაუდება, რომ საქართველოს კონსტიტუციის მე-8 თავში მოცემულ სიტყვებში – „ზოგადი გადასინჯვა“, კანონმდებელმა იგულისხმა, როგორც კონსტიტუციის ყველა დებულების შეცვლა, ასევე, ახალი კონსტიტუციის მიღებაც.

ზემოთქმულიდან გამომდინარე, ძირითადი კანონის მოქმედ რედაქციაში არსებული ბუნდოვანი მოწესრიგების პირობებშიც კი, კონსტიტუციის „ზოგადი და ნაწილობრივი გადასინჯვის“ თაობაზე არსებული ჩანაწერი შესაძლებლობას იძლევა, საქართველომ ახალი კონსტიტუცია მიღოს. თუმცა მომავლისთვის, ზოგად და ნაწილობრივ გადასინჯვას შორის ზღვრის ბუნდოვანებიდან გამომდინარე, უპრიანი იქნება, კანონმ-

⁷² იხ., Longman Advanced American Dictionary, Barcelona, 2001, 60; Hornby S.A., Oxford Advanced Learner's Dictionary, Sixth Edition, Oxford University Press, 2005, 533.

⁷³ იხ., საქართველოს დემოკრატიული რესპუბლიკის 1921 წლის 21 თებერვლის კონსტიტუციის 145-ე მუხლი.

⁷⁴ მაცაბერი მ., საქართველოს 1921 წლის კონსტიტუციის პოლიტიკური კონცეფცია, თბილისი, 1997, 75.

დებელმა შეცვალოს დღეს არსებული ჩანაწერი და დატოვოს მხოლოდ „კონსტიტუციის გადასინჯვა“ ამასთან, გაურკვევლობის თავიდან ასაცილებლად, კონსტიტუციაში უნდა გაკეთდეს მითითება, რომ გადასინჯვა ხორციელდება არსებულ ტექსტში ცვლილებების შეტანის ან ახალი კონსტიტუციის მიღების მიზნით.

2.2. კონსტიტუციის გადასინჯვის კანონპროექტის ონიციატორთა საკითხი

2010 წლამდე პრეზიდენტს ჩვეულებრივი კანონის ინიცირების უფლება ჰქონდა მხოლოდ განსაკუთრებულ შემთხვევებში⁷⁵, კონსტიტუციის გადასინჯვის კანონპროექტს კი უპირობოდ წარადგენდა.⁷⁶ 2010 წლის საკონსტიტუციო რეფორმის ფარგლებში, მას ჩამოერთვა, როგორც ჩვეულებრივი კანონის, ისე კონსტიტუციის გადასინჯვის კანონის პროექტის პარლამენტისთვის წარდგენის უფლება, რაც მმართველობის ფორმის ცვლილებასთან დაკავშირებით, პრეზიდენტის უფლებამოსილებების შეცირებიდან გამომდინარე, დადებითად იქნა შეფასებული. დღევანდელი რედაქციით, კონსტიტუციის ზოგადი ან ნაწილობრივი გადასინჯვის კანონპროექტის შეტანის უფლება აქვს პარლამენტის სრული შემადგენლობის ნახევარზე მეტს და არანაკლებ 200 000 ამომრჩეველს.⁷⁷

ზოგადად, საკონსტიტუციო რეფორმის მოთხოვნა შეიძლება სხვადასხვა გზით წარმოიშვას. სახელმწიფოებრიობის განვითარების გარკ-

⁷⁵ მოცემული დათვემა: „მხოლოდ განსაკუთრებულ შემთხვევებში“, ფორმალურ ხასიათს ატარებდა. იმის გამო, რომ არსა იყო განარტებული, რა იგულისხმებოდა განსაკუთრებულ შემთხვევაში, პრეზიდენტი აქტიურად იყენებდა ამ უფლებას ისე, რომ არასოდეს ასაბუთებდა მის განსაკუთრებულობას. ამ შემთხვევაში, თამაშად შეიძლება თქვას, რომ პრეზიდენტი კონსტიტუციის უფლებამოსილ ინტერპრეტატორს წარმოადგენდა. დაწვრილებით იხ., გვენავა და.., კონსტიტუციის განმარტება და მასთან დაკავშირებული ზოგიერთი პოლიტიკურ-სამართლებრივი საკითხი, უკრ. „თანამედროვე სამართლის მიმოხილვა“, №1, 2013.

⁷⁶ საქართველოს 1995 წლის 24 აგვისტოს კონსტიტუცია, 2009 წლის 24 სექტემბრის რედაქცია, მუხლი 67, 102.

⁷⁷ საქართველოს 1995 წლის 24 აგვისტოს კონსტიტუცია, 2013 წლის 10 ოქტომბრის რედაქცია, მუხლი 102.

ვეულ ეტაპზე, შესაძლებელია, გამოჩნდეს აღტერნატიული პროცედურები ან შეზღუდვები, როგორც საჭიროება კონსტიტუციის დემოკრატიულობის მისაღწევად ან ინიციატივა მოდიოდეს დროებითი უმრავლესობისგან, რომელიც მიიჩნევს, რომ საკონსტიტუციო რეფორმის გზით შეუძლია გაიუმჯობესოს საკუთარი მდგომარეობა ხელისუფლების სათავეში.⁷⁸

საკონსტიტუციო ცვლილებების ინიციატორთა საკითხზე სახელმწიფოებს ს სხვადასხვაგვარი მიღვომა აქვთ. გარკვეული ნაწილი (იტალია, ესპანეთი, ფინეთი, ნორვეგია)⁷⁹ არ განარჩევს ჩვეულებრივი კანონისა და საკონსტიტუციო ცვლილებების პროექტის წარმდგენ სუბიექტებს, თუმცა, მირითადად, ინიციატორთა წრე პირდაპირაა განსაზღვრული.

კონსტიტუციათა უმრავლესობა, პარლამენტს, როგორც კანონმდებლებს, უფლებას აძლევს, შეიტანოს საკონსტიტუციო ცვლილებების კანონპროექტი. გამონაკლისს წარმოადგენს ბელორუსია, სადაც ეს უფლება პრეზიდენტსა და 150 000 მოქალაქეს აქვს მინიჭებული.⁸⁰

სომხეთის, იაპონიის, ლუქსემბურგის კონსტიტუციები საკანონმდებლო ორგანოს აღჭურავს ინიციორების უფლებამოსილებით, მაგრამ კონსტიტუციათა უმრავლესობა ითხოვს პარლამენტის წევრთა კვალიფიციურ უმრავლესობას – პარლამენტის წევრთა გარკვეული ოდენობის თანხმობას (ალბანეთში – 1/5, ბულგარეთში – 1/4, თურქეთში – 1/3, არგენტინაში – 2/3), სერბეთსა და აზერბაიჯანში კი დეპუტატთა კონკრეტული რაოდენობაა განსაზღვრული (სერბეთი – 20 დეპუტატი, აზერბაიჯანი – 63 დეპუტატი). ცალკეული დეპუტატი შეიძლება იყოს ინიციატორი პორტუგალიისა და საფრანგეთში.⁸¹

⁷⁸ Rasch B. E., Congleton R. D., Fairfax GMU, Amendment procedures and Constitutional Stability, Democratic Constitutional Design and Public policy: Analysis and Evidence, Edited by Swedenborg B., Congleton R. D, The MIT Press, 2006, 539.

⁷⁹ იბ., Constitution of the Italian Republic, Art.138-139; Spanish Constitution, Art. 166-169; Constitution of Finland, Art. 73; The Constitution of the Kingdom of Norway, Art. 112.

⁸⁰ Constitution of the Republic of Belarus, Art 138-140.

⁸¹ იბ., Constitution of the Republic of Armenia, Art. 111-114; Constitution of Japan, Art.196; Constitution of Luxembourg, Art.114-115; Constitution of the Republic of Albania, Art.177; Constitution of the republic of Bulgaria, Art.153-156; Constitution of the Republic of Turkey, Art.175; National Constitution of the Argentine Republic,

გარდა პარლამენტისა, საკონსტიტუციო ცვლილებების ინიციატივის წარდგენის უფლების მქონე სუბიექტებად გვევლინებიან პრეზიდენტი – პოლონეთში, საფრანგეთში, ესტონეთში; მთავრობა – სლოვენიაში, რუსეთში; მოქალაქეთა გარკვეული რაოდენობა – შვეიცარიაში, სლოვენიაში, სერბეთში. ლიხტენშტეინში კი კანონპროექტის ინიცირება არა-ნაკლებ 4 კომუნის მიერ შეიძლება მოხდეს.⁸²

სახელმწიფოთა გარკვეული ნაწილი ცვლილებების წარდგენის კომპეტენციით რამდენიმე სუბიექტს აღჭურავს. მაგ., სერბეთის კონსტიტუცია ინიცირების უფლებას აძლევს პარლამენტის წევრთა 1/3-ს, პრეზიდენტსა და 150 000 ამომრჩეველს, აზერბაიჯანის კონსტიტუცია კი – პრეზიდენტსა და მილი მეჯლის 63 დეპუტატს.⁸³

მკვლევართა მოსაზრებით, რაც უფრო დიდი უმრავლესობაა საჭირო კონსტიტუციის გადასინჯვის კანონპროექტის ინიცირებისთვის, მით უფრო ნაკლებადაა ცვლილებები შემოთავაზებული.⁸⁴ ბევრი სახელმწიფოსგან განსხვავდებით, საქართველოში პარლამენტის წევრთა საკმაოდ დიდი რაოდენობაა (76 დეპუტატი) მოთხოვნილი.⁸⁵

საინტერესოა, უნდა დაემატოს თუ არა საქართველოს კონსტიტუციის გადასინჯვის კანონპროექტის ინიციატორთა წრეს ავტონომიური ერთეულის წარმომადგენლობითი ორგანო. როგორც სხვადასხვა სახელმწიფოს კონსტიტუციათა განხილვიდან ჩანს, მხოლოდ ლიხტენშტეინში ვხვდებით ადგილობრივი ორგანოების მიერ გადასინჯვის კანონ-

Art.30; Constitution of the Azerbaijan Republic, Art.156-158; Constitution of the Republic of Serbia, Art.203; Constitution of the Republic of Portugal, 284-289; Constitution of the French Republic, Art. 89.

⁸² Constitution of the Republic of Poland, Art.235; Constitution of the French Republic, Art. 89; Constitution of the Republic of Estonia, Art.161-168; Constitution of the Republic of Slovenia, Art.168-170; Constitution of the Russian Federation, Art.134-137; Federal Constitution of the Swiss Republic, Art.192-195; Constitution of the Republic of Serbia, Art.203; Constitution of the Principality of Liechtenstein, Art.64, Art. 112.

⁸³ იხ. Constitution of the Republic of Serbia, Art. 203; Constitution of the Azerbaijan Republic, Art. 156-158.

⁸⁴ Lutz D. S., Toward the Theory of Constitutional Amendment, The American Political Science Review, Vol.88, №2, June 1994,363.

⁸⁵ საქართველოს 1995 წლის 24 აგვისტოს კონსტიტუცია, 2013 წლის 10 ოქტომბრის რედაქცია, მუხლი 102.

პროექტის ინიციატივის შესაძლებლობას. ადგილობრივ ორგანოებს თითქმის ყველა სახელმწიფოში აქვთ პარლამენტისთვის საკანონმდებლო ინიციატივით მიმართვის უფლება ჩვეულებრივ კანონთან დაკავშირებით, მაგრამ სხვა საკითხია კონსტიტუციის გადასინჯვის პროექტის წარდგენის უფლება. ავტონომიური ერთეულის მიერ საკონსტიტუციო ცვლილებათა ინიციატივა უნიტარული სახელმწიფოს შემაღენელი ერთეულის უფლებამოსილებათა საზღვრებს სცდება. ეს უფრო ფედერალური მოწყობის პირობებში, ფედერაციის სუბიექტის შემთხვევაში შეიძლება დაიშვას,⁸⁶ თუმცა, როგორც უკვე აღინიშნა, მსგავსი გადაწყვეტილება არა მხოლოდ უნიტარულ, არამედ ძალიან ბევრ ფედერალურ სახელმწიფოს არ მოუღია.

ზემოთ მოყვანილი მსჯელობის გათვალისწინებით, უპრიანი იქნება, კანონმდებელმა უარი თქვას ინიციატორ სუბიექტთა რაოდენობის გაზრდაზე და ის უცვლელი დატოვოს.

2.3. კონსტიტუციის გადასინჯვის კანონპროექტის საყოველთაო-სახალხო განხილვა

2.3.1. მოქალაქეთა ჩართულობა საკონსტიტუციო ცვლილებებში – ლეგიტიმაციის საფუძველი?

კონსტიტუცია აუცილებლად ქმედითი აქტი უნდა იყოს და სრულდებოდეს არა მთითების, ძალის გამოყენების მუქარით, არამედ თავად ადამიანებს უნდა ჰქონდეთ საკონსტიტუციო ნორმების შესრულებისა და დაცვის საერთო მოტივაცია.⁸⁷ ასეთ მოტივაციას კი მხოლოდ ისეთი კონსტიტუცია ქმნის, რომელსაც აქვს სახალხო განპირობებულობა, რადგან მისი მამოძრავებელი ძალაა „ცოცხალი სამართლის“ იდეა, რო-

⁸⁶ საინტერესოა, რომ აშშ-შიც კი, სადაც საკონსტიტუციო ცვლილებები შეტატების საკანონმდებლო კრებების მიერ რატიფიცირების გარეშე ვერ მიიღება, შტატებს არ აქვთ კონსტიტუციის გადასინჯვის ინიციატივა უფლება.

⁸⁷ მაცაბრიძე მ., საქართველოს 1921 წლის კონსტიტუციის პოლიტიკური კონცეფცია, ივანე ჯავახიშვილის სახელობის თბილისის სახელმწიფო უნივერსიტეტის დისერტაცია პოლიტიკურ მეცნიერებათა დოქტორის ხარისხის მოსაპოვებლად, თბილისი, 1997, 16.

მელიც საზოგადოებრივ ინტერესებს ეფუძნება და არა სახელმწიფო ძალაუფლებას.⁸⁸

საკონსტიტუციო ცვლილებების პროცესში სამოქალაქო საზოგადოების ჩართულობას ხშირად განიხილავენ, როგორც კონსტიტუციის ღეგიტიმიაციის უმნიშვნელოვანეს საფუძველს.⁸⁹ თუმცა ღეგიტიმურობის არსთან დაკავშირებით ერთიანი აზრი არ არსებობს. ღეგიტიმურობის ცნება იმდენად რთული და მრავლისმომცველია, რომ მაგ., მაქს ვებერი უმჯობეს გზად მასზე საერთოდ უარის თქმას მიიჩნევდა.⁹⁰

მკვლევართა ერთი ნაწილი კონსტიტუციის ღეგიტიმურობას უკავშირებს მისი განხილვისა და მიღების პროცესში საზოგადოების ჩართულობას, რაც გამოძინარების ხალხის, როგორც ხელისუფლების წყაროს, როლიდან. მაგ., ემანუელ სიესი აღნიშნავდა, რომ ხალხი ყველაფერზე უპირატესია, ის არის ყველაფრის წყარო. მისი განმარტებით, დემოკრატია გულისმმობს მოქალაქეთა მონაწილეობას კანონის შემუშავებაში, თუნდაც პრაქტიკული მიზეზების გამო მათ რეალურად არ შეეძლოთ მონაწილეობა.⁹¹ „ყოველდღიურ ცხოვრებაში შეუძლებელია და აღბათ, არასასურველიც იქნებოდა, სახელმწიფომ მოქალაქეებს შესთავაზოს ყოველი ჩვეულებრივი კანონის მიღებაში მონაწილეობა, მაგრამ ხალხი აუცილებლად უნდა იყოს აუტორი იმ რეჟიმისა, რომელშიც ცხოვრობს“⁹² კარლ შმიტის განმარტებით, დემოკრატიული ღეგიტიმაცია ეყრდნობა იდეას, რომლის თანახმადაც, სახელმწიფო არის ხალხის პოლიტიკური ერთობა, შესაბამისად, სახელმწიფოს

88 მაისურაძე ნ., სამართლებრივი შემოქმედება, სამართლებრივი კულტურისა და სამართლებრივი პლურალიზმის საკითხები, ადამიანი და კონსტიტუცია, 2006, №3, 93, ციტ.: ბრევვაძე ლ., აუტოპოეტური სამართლი და საზოგადოებრივი კულტურა გლობალურ საზოგადოებაში, პოსტმოდერნისტული სამართლის სიცოდლოვი, საქართველოს მეცნიერებათა აკადემიის მაცნე, სამართლის სერია, №1, 2005, 30.

89 <<http://ssrn.com/abstract=1567046>> [27.02.2015].

90 ხუბუა გ., სამართლის თეორია, თბილისი, 2004, 44; ვებერისული ღეგიტიმაციის კონცეფციის თაობაზე დაწვრილებით იხ., უექსი რ., სამართლის ფილოსოფია, ძალიან მოკლე შესავალი, მ. ბაბუხადიას თარგმანი, თბილისი, 2012.

91 Colon-Rids J., The Legitimacy of the Juridical: Constituent Power, Democracy and the Limits of Constitutional Reform, Osgood Hall Law Journal, Vol. 48, Issue 2 (2010), 206, 211-212.

92 იქვე.

ფორმა განსაზღვრული უნდა იყოს დემოკრატიული ლეგიტიმაციის პრინციპზე დაყრდნობით, ხალხის სურვილის გათვალისწინებით⁹³.

არსებობს განსაზღვებული მიდგომაც. ჯერ კიდევ მონტესკიე განმარტავდა, რომ „ხალხი, რომელსაც აქვს სუვერენული ხელისუფლება, თვითონ უნდა აკეთებდეს ყველაფერს, რისი გაკეთებაც კი მას კარგად შეუძლია, ხოლო იმას, რისი გაკეთებაც კარგად არ შეუძლია, თავისი მინისტრების (ნდობით აღჭურვილი პირების) მეშვეობით უნდა ახორციელებდეს“⁹⁴. პროფესორი რიჩარდ ფალონი ლეგიტიმაციის სამ სახეს გამოყოფს: სამართლებრივს, სოციალურს და მორალური. სოციალური ლეგიტიმურობის ცნებას მაქს ვებერმდე მივყართ. მისი აზრით, ლეგიტიმურობა ნიშნავს მოქალაქეთა აქტიურ რწმენას იმისა, რომ მათი მოთხოვნები იმსახურებს ხელისუფლების პატივისცემას. ფალონი კი განმარტავს, რომ, რაოდენ გასაკვირიც არ უნდა იყოს, ზოგჯერ საკანონმდებლო ორგანოს აქტზე საზოგადოების უსიტყვო თანხმობაც სოციალური ლეგიტიმურობის გამომხატველია.⁹⁵

დემოკრატია უმრავლესობის მმართველობაა, სადაც ძალაუფლებას ხალხის მიერ არჩეული პირები ახორციელებენ. საკანონმდებლო ორგანოს წევრი ხალხის სახელით იღებს კანონებს, მაგრამ „კონსტიტუცია არ არის ერთი ადამიანისა და ადამიანთა ჯგუფის მეცნიერული ნაშრომი“⁹⁶. კანონმდებელი იმ საზოგადოების პირშოა, რომელშიც მოღვაწეობს. ამიტომ მისი მსოფლმხედველობა, ასახული კანონში, მისივე საზოგადოების ხედვისგან რადიკალურად არ უნდა განსხვავდებოდეს.⁹⁷

საკონსტიტუციო რეფორმის პროცესში ხალხის როლის თაობაზე განსხვავებული მიდგომები აქვთ სახელმწიფოებსაც. კონსტიტუციათა

⁹³ Schmitt C., Constitutional Theory, Translated by Jeffrey Seitzer, Duke University Press, Durham and London, 2008, 9.

⁹⁴ მონტესკიე შ. ლ., კანონთა გონი, დ. ლაბუჩაძის თარგმანი, თბილისი, 1994, 38.

⁹⁵ Fallon R. H., Legitimacy and the Constitution, Harvard Law Review, Vol.118, №6, April 2005, 1795-96.

⁹⁶ გულუა ბ., ფიქრები საქართველოს კონსტიტუციაზე, წიგნი I, თბილისი, 2003, 24.

⁹⁷ მაისურაძე ნ., სამართლებრივი შემოქმედება, სამართლებრივი კულტურისა და სამართლებრივი პლურალიზმის საკითხები, ადამიანი და კონსტიტუცია, 2006, №3, 91.

ნაწილი საჭიროდ მიიჩნევს კონსტიტუციის ღვევიტიმურობის უზრუნველყოფას გადასინჯვის პროცესში ხალხის პირდაპირი ჩართვით. მაგ., დანიასა და შვეიცარიაში ცვლილებები ძალაში შედის მხოლოდ ხალხის მიერ მისი დამტკიცების შემდეგ. სახელმწიფოთა ნაწილი განსაზღვრულ სუბიექტებს აძლევს უფლებას, მოითხოვონ პროექტის გატანა რეფერენდუმზე. ასეთი წესია დადგენილი შვედეთში, ესტონეთში, ავსტრიაში, ესპანეთში. სახელმწიფოთა საკმაოდ დიდი რაოდენობა კი-საკონსტიტუციო ცვლილებების პროცესში ხალხს საერთოდ არ როავს. ასეთია, მაგ., ნორვეგია, ფინეთი, ბელგია, გერმანია, საბერძნეთი, ლუქ-სემბურგი, პორტუგალია და ა.შ.⁹⁸

მეცნიერებართა და სახელმწიფოთა მიღების გათვალისწინებით, შეიძლება ითქვას, რომ საკონსტიტუციო რეფორმის პროცესში ხალხის ჩართულობა უპირობოდ კონსტიტუციის ღვევიტიმურობის საფუძვლად არ აღიძება. ღვევიტიმურობის ცნება უფრო მეტს მოიცავს, ვიდრე, მაგ., კონსტიტუციის შესწორების პროექტის ხალხისთვის წარდგენაა. როგორც ვენეციის კომისია განმარტავს, იმ სისტემებში, რომლებიც არ იხსენიებან რეფერენდუმს, კონსტიტუციის ღვევიტიმური კანონმდებელი პარლამენტია. წარმომადგენლობითი დემოკრატია ასეთ საკითხებზე ისეთივე ღვევიტიმურია, როგორც პირდაპირი დემოკრატია. მეტიც, შეიძლება უფრო შესაფერისი პროცედურაც კი იყოს სიღრმისეული განხილვისა და განვითარებისთვის.⁹⁹

2.3.2. საკონსტიტუციო ცვლილებათა საყოველთაო-სახალხო განხილვა

საქართველოში საკონსტიტუციო რეფორმის პროცესში მოქალაქეთა მონაწილეობის უზრუნველსაყოფად დადგენილია კანონპროექტის საყოველთაო-სახალხო განხილვაზე გატანის სავალდებულო მოთხოვნა: კანონპროექტს პარლამენტი აქვეყნებს და მხოლოდ ერთი თვის შემდეგ

⁹⁸ იხ., დანართი 1.

⁹⁹ Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010, 180.

იწყებს მის განხილვას.¹⁰⁰ საყოველთაო-სახალხო განხილვის მიზანი დისკუსიის გამართვაა, რათა მიღწეულ იქნეს კონსენსუსი ცვლილებებთან დაკავშირებით.

„სათანადოდ გამოყენებულმა გადასინჯვის პროცედურებმა, რომლებიც დროს უთმობენ სახალხო და ინსტიტუციურ განხილვას, შეიძლება მნიშვნელოვნად შეუწყონ ხელი კონსტიტუციის ღეგიტიმურობასა და კონსტიტუციისადმი საკუთრების გრძნობას“ – აღნიშნავს ვენეციის კომისია.¹⁰¹ ალბათ, არავინ დაობს იმაზე, რომ საკონსტიტუციო ცვლილებათა საყოველთაო-სახალხო განხილვის იდეა ეფუძნილია ფართო კონსენსუსის პერსპექტივით, თუმცა ხშირად ხდება საკამათო საქართველოში დაწერებილი, მისი ჩატარების ფორმალური წესი.

საქართველოში აქამდე ჩატარებული საყოველთაო-სახალხო განხილვებიდან, სპეციალისტების მიერ შედარებით ღეგიტიმურადაა მიჩნეული უკანასკნელი, რომელიც ახალი მმართველი ელიტის ინიციატივას მოჰყვა. ერთი მხრივ, საკონსტიტუციო ცვლილებების შინაარსს ეთახმებოდა დისკუსიაში ჩართული საზოგადოების უდიდესი ნაწილი, მეორე მხრივ კი, ის მხარდაჭერილი იყო, როგორც საპარლამენტო უმრავლესობის, ისე საპარლამენტო უმცირესობის მიერ.¹⁰²

საზოგადოების მიერ საყოველთაო-სახალხო განხილვა ფორმალურად აღიქმება. უპირველეს ყოვლისა, ასეთ შთაბეჭედილებას ქმნის განხილვის ვადა – 1 თვე, რომლის განმავლობაშიც, მაქსიმალური ჩართულობის უზრუნველყოფა შეუძლებელია. ხსენებული ვადა აუცილებლად უნდა გაიზარდოს მინიმუმ ორ ან სამ თვემდე. ამასთან, პრობლემას ქმნის საყოველთაო-სახალხო განხილვის პროცედურის ბუნდოვანებაც. პარლამენტის რეგლამენტი მის შესახებ საკმაოდ მწირ ინფორმაციას

¹⁰⁰ საქართველოს 1995 წლის 24 აგვისტოს კონსტიტუცია, 2013 წლის 10 ოქტომბრის რედაქცია მუხლი 102.

¹⁰¹ Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010, 199.

¹⁰² მენაბედე ვ., საქართველოს კონსტიტუციის ვადასინჯვა – რა უზრუნველყოფს უზენაესი კანონის ღეგიტიმურობას?, სუპერსაპრეზიდენტოდან საპარლამენტოდე, საკონსტიტუციო ცვლილებები საქართველოში, სტატიების კრებული, თბილისი, 2013, 134.

შეიცავს. რეგლამენტის 176-ე მუხლით განსაზღვრულია, რომ საქართველოს კონსტიტუციის ზოგადი ან ნაწილობრივი გადასინჯვის კანონპროექტის საყოველთაო-სახალხო განხილვის უზრუნველყოფის მიზნით, პარლამენტი იღებს გადაწყვეტილებას საყოველთაო-სახალხო განხილვის საორგანიზაციო კომისიის შექმნის თაობაზე. ამავე მუხლით დადგენილია კომისიის შემადგენლობის განსაზღვრასთან დაკავშირებული საკითხები,¹⁰³ მაგრამ არსადაა ნათქვამი თავად საყოველთაო-სახალხო განხილვის პროცედურაზე, რაც აუცილებლად საჭიროებს სათანადო მოწესრიგებას.

საყოველთაო-სახალხო განხილვა მხოლოდ ხალხისთვის ანგარიშის მოხსენებით არ შეიძლება დასრულდეს. განხილვა აუცილებლად ინკლუზიური უნდა იყოს, ყველას უნდა ჰქონდეს შესაძლებლობა, დააფიქსიროს საკუთარი აზრი.¹⁰⁴ წინააღმდეგ შემთხვევაში, საყოველთაო-სახალხო განხილვის რეალური მიზანი ვერ მიიღწევა და საჭირო კონსენსუსიც იღუზიად დარჩება. ამასთან, აუცილებელია მოსახლეობისთვის ინფორმაციის სათანადო მიწოდება. ერთი შეხედვით, საქართველოში ინფორმაციის ნაკლებობის პრობლემა არ დგას, მაგრამ 2010 წლის საკონსტიტუციო რეფორმის პროცესში ჩატარებული კვლევის შედეგები, სამწუხაოდ, საპირისპიროზე მეტყველებს.¹⁰⁵

ნაშრომის პირველ ნაწილში აღინიშნა, რომ 2004 წლის საკონსტიტუციო რეფორმის ფარგლებში, პროექტი მაშინდელი ხელისუფლების აბსოლუტურად მიუღებელი არგუმენტით, არ გამოქვეყნებულა. კანონმდებლობით დადგენილი წესით, პარლამენტი პროექტს საყოველთაო-სახალხო განხილვის დასრულების შემდგომ იხილავს. საპარლამენტო განხილვის პროცესში კანონპროექტი შეიძლება შეიცვალოს, თუმცა ხელახალი განხილვისთვის წარდგენის მოთხოვნა, დღევანდელი

¹⁰³ საქართველოს პარლამენტის რეგლამენტი, მუხლი 176.

¹⁰⁴ იხ., Banks A. M., Expanding Participation in Constitution Making: Challenges Opportunities, Vol.49, William & Mary Law Review, № 4, 2008, 1043-1044.

¹⁰⁵ იხ., საზოგადოების ხედვა საქართველოს კონსტიტუციის რეფორმაზე, პოლანდის მრავალპარტიული დემოკრატიის ინსტიტუტი (NIMD), 2010.

მოწესრიგებით, არ არსებობს.¹⁰⁶ აღნიშნული ხარვეზი, რომელიც 2004 წელს ხელისუფლებამ სათავისოდ გამოიყენა, აუცილებლად უნდა შეივსოს და დადგინდეს კანონპროექტის არსებითად¹⁰⁷ შეცვლის შემთხვევაში მისი ხელმძღვანელ გამოქვეყნების ვალდებულება. ამასთან, სასურველია, საყოველთაო-სახალხო განხილვის გადა არ შემცირდეს. ხელახალი საყოველთაო-სახალხო განხილვა იმართება იმის გამო, რომ კანონპროექტი არსებითად შეიცვალა, რაც საყოველთაო-სახალხო განხილვის იდეიდან და მიზნიდან გამომდინარე, ისეთივე საფუძვლიან განხილვას საჭიროებს, როგორიც თავდაპირველი ვარიანტისთვის იყო გათვალისწინებული. წინააღმდეგ შემთხვევაში, საყოველთაო-სახალხო განხილვას ისევ ფორმალური როლი ექვება კონსტიტუციის გადასინჯვის პროცესში.

2.4. კანონპროექტის საპარლამენტო განხილვა

2.4.1. განხილვის დაწყების შეუზღუდვი ვადების შესახებ

კონსტიტუციის ზოგადი ან ნაწილობრივი გადასინჯვის შესახებ კანონპროექტის საპარლამენტო განხილვა იწყება საყოველთაო-სახალხო განხილვისთვის პროექტის გამოქვეყნებიდან ერთი თვის შემდეგ, თუმცა კანონმდებლობით განსაზღვრული არ არის განხილვის დაწყების მაქსიმალური ვადა. შეიძლება პარლამენტმა პროექტის განხილვა დაიწყოს 6 თვის ან 1 წლის შემდეგ? – არსებული მოწესრიგება ამ კითხვას უპასუხოდ ტოვებს.

ვენეციის კომისია 2010 წელს, საქართველოს კონსტიტუციის გადასინჯვის კანონპროექტზე გაკეთებულ საბოლოო დასკვნაში, აღნიშნულ ვადაზე მითითებას არ აკეთებს. შესაძლოა, სპეციალისტთა გარკ-

¹⁰⁶ საქართველოს 1995 წლის 24 აგვისტოს კონსტიტუცია, 2013 წლის 10 ოქტომბრის რედაქცია.

¹⁰⁷ ის, თუ რამდენად არსებითია საკონსტიტუციო ცვლილები, უნდა შეავსოს კონსტიტუციის ცვლილებაზე უფლებამოსილად სახელმწიფო ორგანიზმი – პარლამენტმა. რომელიმე სხვა ორგანისათვის მსგავსი უფლებამოსილების მინაჭება პროცედურას მნიშვნელოვნად გაართულებს, ამიტომაც ლოგიკურია „არსებითობის“ საკითხი იმან გადაწყვიტოს, ვინც თავად ცვლილებებს იღებს.

ვეული ჯგუფისთვის, განხილვის დაწყებასთან დაკავშირებული ჩანაწერი სულაც არ იყოს პრობლემური იმ არგუმენტით, რომ რაც უფრო ხანგრძლივი იქნება წარმოდგენილი კანონპროექტის განხილვა, როგორც პარლამენტს გარეთ – საყოველთაო-სახალხო განხილვის დასრულების შემდგომ, ასევე, პარლამენტში, მით უფრო პროდუქტული გამოვა ცვლილებებზე მუშაობაც.

საზღვარგარეთის ქვეყნების კონსტიტუციათა მხოლოდ მცირე ნაწილი ადგენს განსაზღვრული დროის გასვლის მოთხოვნას ინიციატივიდან პარლამენტში კანონპროექტის პირველ განხილვამდე. მაგალითად, პოლონეთის კონსტიტუციით დადგენილია, რომ სეიმში ინიციატივის შესვლიდან მის პირველ მოსმეამდე უნდა გავიდეს არანაკლებ 30 დღე, თუმცა, საქართველოს მსგავსად, არ არის დადგენილი ის ვადა, რომელშიც სეიმმა განხილვა უნდა დაიწყოს.¹⁰⁸ საინტერესოა კორეის კონსტიტუცია, რომელიც პრეზიდენტს ავალდებულებს, ინიცირებული პროექტი ხალხს წარუდგინოს, ხოლო პარლამენტს – გადაწყვეტილება მიიღოს პროექტის საჯაროდ წარდგნიდან 60 დღის ვადაში.¹⁰⁹ ბულგარეთის კონსტიტუცია ადგენს საპარლამენტო განხილვის ვადის მინიმუმსა და მაქსიმუმს: პროექტი განიხილება მისი შეტანიდან არაუადრეს ერთი და არა უგვიანეს სამი თვისა.¹¹⁰

უპრიანი იქნება, თუ საქართველოს კონსტიტუცია, ბულგარეთის მსგავსად, განსაზღვრავს განხილვის დაწყების მინიმალურ და მაქსიმალურ ვადას. თუ კონსტიტუციით საყოველთაო-სახალხო განხილვის ვადა სამი თვით განისაზღვრება, ლოგიკურად, პარლამენტი კანონპროექტის განხილვას შეუდგება არაუადრეს სამი და არაუგვიანეს 4 თვისა.

¹⁰⁸ Constitution of the Republic of Poland, Art. 235.

¹⁰⁹ Constitution of the Republic of Korea, Art. 129, 130.

¹¹⁰ Constitution of the Republic of Bulgaria, Art. 154.

2.4.2. კონსტიტუციის გადასინჯვის კანონპროექტის განხილვისა და მიღების წესი

დღესდღეობით ქართველი იურისტთა წრებში აქტიურად განიხილება კონსტიტუციის გადასინჯვის კანონპროექტის განხილვისა და მიღების წესის შეცვლის საკითხი. იგულისხმება ორ თანმიმდევრულ სესიაზე სამთვაანი ინტერვალით პროექტის მიღების ჩანაწერი და კვორუმი, რომელიც 2011 წელს სრული შემადგნლობის 3/4-ით განისაზღვრა. როგორც პარლამენტის რეგლამენტი ადგენს, კონსტიტუციის გადასინჯვის პროექტი განიხილება კანონპროექტის განხილვისა და მიღებისათვის დადგენილი წესით, თუმცა პირველი და მეორე მოსმენით ის განიხილება და მიღება პარლამენტის ერთსა და იმავე სესიაზე, ხოლო მესამე მოსმენით – მოძღვნო სესიაზე, მეორე მოსმენით მიღებიდან არანაკლებ 3 თვის შემდეგ.¹¹¹

2010 წლის რეფორმის ფარგლებში, ვენეციის კომისიისთვის წარდგენილ პროექტზე კომისია აღნიშნავდა, რომ 2/3-ის უმრავლესობა ვერ უზრუნველყოფდა კონსტიტუციის სათანადო სიმყარეს.¹¹² ამავე საკითხზე წარმოდგენილ 2013 წლის დასკვნაში კი განმარტავს, რომ კონსტიტუციის გადასინჯვის საუკეთესო მოდელი არ არსებობს: სახელმწიფოთა ნაწილი ცვლილებათა შედარებით მოქნილ წესს ანიჭებს უპირატესობას, ნაწილი კი, პირიქით – ძალიან მყარს. ოპტიმალური ვარიანტია კვალიფიციური უმრავლესობა (ძირითად, 2/3) და კიდევ ერთი ან მეტი დაბრკოლება, მაგალითად, დროში დაყოვნების სახით ან რეფერენდუმის მეშვეობით.¹¹³

¹¹¹ საქართველოს პარლამენტის რეგლამენტი, მუხლი 176.

¹¹² იხ., საბოლოო დასკვნა საკონსტიტუციო კანონპროექტის შესახებ საქართველოს კონსტიტუციაში შესწორებების და ცვლილებების შეტანასთან დაკავშირებით, ევროპის კომისია დემოკრატიისთვის კანონის გზით (ვენეციის კომისია), CDL(2010)028, სტრასბურგი, 15.10.2010, 108.

¹¹³ Opinion on Three Draft Constitutional Laws Amending Two Constitutional Laws Amending the Constitution of Georgia, European Commission for Democracy Through Law (Venice Commission), Op. no. 737/2013, CDL-AD(2013)029, Strasbourg, 15.09.2013, 31.

სახელმწიფოთა კონსტიტუციებში იშვიათად შევხვდებით 3/4-ის უმრავლესობას. ზოგადად, დიდ უმრავლესობას ის სახელმწიფოები ირჩევენ, სადაც საკონსტიტუციო ცვლილებების მიღება მთლიანად პარლამენტის კომპეტენციაა. იქ, სადაც კონსტიტუციის ცვლილებისთვის რამდენიმე დაბრკოლება არსებობს, მაგალითად, გადასინჯვის პროცესში შეაღედური რგოლის სახით ჩართულია არჩევნები, გვხვდება უცვლელი დებულებები ან მოთხოვნილია პროექტის რეფერენდუმზე დამტკიცება, კვორუმი 1/2-ით ან 2/3-ით განისაზღვრება.¹¹⁴

პროექტის მისაღებად სამთვიანი ინტერვალისა და კვორუმის სახით 3/4-ის უმრავლესობის დადგენის მიზანი კონსტიტუციისთვის სიმყარის შექმნა იყო, რადგან ზანგრძლივი პროცედურა საფუძვლიანი განწილვის წინაპირობაა, დიდი უმრავლესობა კი ფართო პოლიტიკურ კონსენსუსს მოითხოვს. კვორუმის 2/3-მდე დაწევამ, შესაძლოა კონსტიტუცია ისევ მმართველი ელიტის დოკუმენტად აქციოს, რაც საქართველოს სტაბილურ კონსტიტუციურ განვითარებას ისევ შეაფერხებს, თუკი მის საპირწონედ არ იქნება შემუშავებული ისეთი მყარი საკონსტიტუციო მექანიზმი, რომელიც კონსტიტუციის გაუმართლებელი ან შესაძლოა, სრულებით არაკონსტიტუციური ცვლილებებისგან დაცვას უზრუნველყოფს. ასეთ შემთხვევაში, თამამად შეიძლება ითქვას, რომ სრული შემადგენლობის 2/3 სრულიად ადეკვატური და სამართლებრივად გამართლებული კვორუმი იქნება.

კანონმდებლის მიზანი უნდა იყოს ისეთი მექანიზმის შემუშავება, რომელიც კონსტიტუციას არამართლზომიერი ცვლილებებისგან დაცუას. კონსტიტუციის გადასინჯვის ზედმეტად მოქნილი წესი აღნიშნულს ვერ უზრუნველყოფს, მაგრამ იმდენად როგორი პროცედურებიც არ უნდა განისაზღვროს, რომ კონსტიტუცია პრაქტიკულად შეუცვლელი გახდეს. კვორუმის მისაღები ოდენობის დადგენისათვის, უპირველეს ყოვლისა, უნდა გადაწყდეს დამფუძნებლის დილემა, გადასინჯვის პროცესში მონაწილე სუბიექტთა წრე, კონსტიტუციის მისაღებად დადგენილ დაბრკოლებათა სახეები. მას შემდეგ, რაც დადგინდება, როგორი

¹¹⁴ იხ. დანართი 1.

უნდა იყოს საქართველოს კონსტიტუციის გადასინჯვის მექანიზმი, უკვე შესაძლებელი იქნება კვორუმის საკითხზე მსჯელობაც.

2.4.3. საკონსტიტუციო ცვლილებების სამართლებრივი მექანიზმის სტატუსი

საკონსტიტუციო ცვლილებების მიმართ ყოველთვის განსაკუთრებული სამართლებრივი ოფიციალური მოქმედებს, რადგანაც ამ მექანიზმით კონსტიტუციაში ცვლილებისა თუ დამატების განხორციელებაა შესაძლებელი. კონსტიტუციის ცვლილების შესაძლებლობასა და შესაბამის სამართლებრივ პროცედურებს თავად ძირითადი კანონი აღვენს, თუმცა, აღსანიშნავია, რომ კონსტიტუციის მე-8 თავში, რომელიც ამ საკითხს აწესრიგებს, არსადაა ნახსენები ის სამართლებრივი ფორმა, აქტი, რომლითაც უნდა შევიდეს ცვლილებები კონსტიტუციაში. საუბარია ზოგადად „კონსტიტუციის გადასინჯვის კანონპროექტზე“.¹¹⁵ ამას დამატებით „ნორმატიული აქტების შესახებ“ საქართველოს კანონი განსაზღვრავს, რომლის თანახმადაც, კონსტიტუციაში ცვლილებები ხორციელდება კონსტიტუციური კანონის საშუალებით¹¹⁶.

კონსტიტუციის თანახმად, კონსტიტუციური კანონი მიიღება ტერიტორიული მოწყობის საკითხებთან, ასევე, აჭარისა და აფხაზეთის ავტონომიური რესპუბლიკების სტატუსთან დაკავშირებით. უშუალოდ ძირითადი კანონი კონსტიტუციური კანონის გამოყენების სხვა შემთხვევაზე არ საუბრობს. კონსტიტუციური კანონი სამართლებრივი ძალით კონსტიტუციას გათანაბრებული ნორმატიული აქტია,¹¹⁷ რადგა-

¹¹⁵ კონსტიტუციის 102-ე მუხლში არსებული ჩანაწერი „კონსტიტუციის გადასინჯვის კანონპროექტი“ უნდა შეიცვალოს „კონსტიტუციის გადასინჯვის შესახებ კონსტიტუციური კანონის პროექტით“, რადგან კონსტიტუციის გადასინჯვის კანონი საქართველოში არ არსებობს და არსებული ჩანაწერიც მცდარია.

¹¹⁶ „ნორმატიული აქტების შესახებ“ საქართველოს კანონის მე-10 მუხლის მე-2 პუნქტი.

¹¹⁷ იქვე, მე-7 მუხლის მე-3 პუნქტის „ა“ ქვეპუნქტი.

ნაც მისი საშუალებით კონსტიტუციის ტექსტის შეცვლაა შესაძლებელი. იგი კონსტიტუციის განუყოფელ ნაწილადაა მიჩნეული¹¹⁸.

კონსტიტუციური კანონის სტატუსთან დაკავშირებული მთავარი პრობლემა ისაა, რომ მისი სტატუსი იერარქიულად მასზე გაცილებით დაბლა ძღვომი სამართლებრივი აქტით განისაზღვრება და არა თავად კონსტიტუციით, რომელიც პირდაპირ დათქმას არ აკეთებს მისი გამოყენებით საკონსტიტუციო ცვლილებების განხორციელების თაობაზე. პრაქტიკაში კი კონსტიტუციის ნაწილობრივი ან ზოგადი გადასინჯვის შესახებ კანონპროექტი კონსტიტუციური კანონის ფორმით მიიღება¹¹⁹. აუცილებელია ისეთი მნიშვნელოვანი საკანონმდებლო აქტის სტატუსი, როგორიც კონსტიტუციის გადასინჯვის თაობაზე კონსტიტუციური კანონის პროექტია, თავად ძირითადი კანონითვე განისაზღვროს. ეს ელემენტარული საკანონმდებლო ტექნიკის საკითხია. ამასთან, ამ საკითხის ღიად დატოვება და მისი მოწესრიგების ჩვეულებრივი კანონისათვის მინდობა საკონსტიტუციო ცვლილებებით მანიპულირების კენჭენის გზას.

3. ოპტიმალური მექანიზმის ძიების კვალდაკვალ

3.1. დამფუძნებელი ძალაუფლება

დამფუძნებელი ძალაუფლების მფლობელის საკითხი დღემდე კამათს იწვევს. უცხოელ სპეციალისტებს შორის დიდი პოპულარობით სარგებლობს საკონსტიტუციო რეფერენდუმი, როგორც ხალხის დამფუძნებელი როლის გამოხატვის საშუალება – კონსტიტუციის ლეგიტიმურობის მაღალი საფეხურის მიღწევის პერსპექტივთ. როგორც ემანუელ სიესი განმარტავდა, ნამდვილად დემოკრატიულია ის კონსტიტუცია, რომელიც ჩვეულებრივი კანონმდებლობისგან განსხვავებით, წარმოადგენს სახალხო მობილიზაციის შედეგს: ხალხი, როგორც ხელისუფლების წყარო, უნდა იყოს დემოკრატიული საკონსტიტუციო პროცესების

¹¹⁸ იქვე, მე-10 მუხლის მე-2 პუნქტის პირველი წინადადება.

¹¹⁹ იხ., გეგნავა დ., ქნითარია ბ., ცინავა ლ., თევზაბე თ., მაჭარაძე ზ., ვავახიშვილი პ., ერქვნია თ., პაპაშვილი თ., საქართველოს საკონსტიტუციო სამართალი, თბილისი, 2013, 44-45.

საფუძველი.¹²⁰ თუ ხალხს არ აქვს მინიჭებული იმის უფლება, რომ განსაზღვროს ხელისუფლების ბუნება და საზოგადოება, რომელშიც უნდა იცხოვოს, მაშინ ზედმეტია საუბარი სახალხო სუვერენიტეტზე.¹²¹ ამავე იდეას ავითარებს საკუთარ ნაშრომი კარლ შმიტი, რომელიც აღნიშნავს, რომ კონსტიტუციის სახალხო წესით მიღების უფლება ერთიანი და განუყოფელია, ის ყველა სხვა ძალაუფლების საფუძველია.¹²²

საკონსტიტუციო რეფერენდუმის უნივერსალურ მიღვომად არ მიიჩნევს პერმან შვარცი.¹²³ მის უარყოფით მახასიათებლებზე საუბრობენ როგორც ცალკეული მკვლევარები, ასევე, ვენეციის კომისიაც. ერთ-ერთი მისაზრებით, რეფერენდუმი სულაც არ არის ხალხის სუვერენიტეტის საბოლოო, მაქსიმალური გამოვლინება. როდესაც ხალხი მხარს უჭერს ან ეწინააღმდეგება საკონსტიტუციო ცვლილებებს, ეს უფრო მისთვის კონსტიტუციით მინიჭებული უფლებების გამომჟღავნებაა და არა დაფუძნების უფლების. მაგ., პედრო დე ვეგა განმარტავდა, რომ რეფერენდუმის მიზანს არ წარმოადგენს სუვერენული ხალხის მიერ კონსტიტუციის ცვლილებების ლეგიტიმაცია საკუთარი ძალაუფლების გამოხატვით, კონრად დიტრიხი კი ეჭიგვეშ აყენებდა საკონსტიტუციო რეფერენდუმის ღირებულებას, იქნდან გამომდინარე, რომ ის შეზღუდულია პასუხებით: დღას ან არა, რაც არ იძლევა შესაძლებლობას, ხალხმა აქტიური მონაწილეობა მიიღოს კონსტიტუციის დეტალების გამოძერწაში და ეს ყოველივე მხოლოდ საბოლოო ვეტოს უფლებას ემსგავსება. ამ თვალსაზრისით, რეფერენდუმი არ იძლევა იდეალური სახალხო მონაწილეობის გარანტიას, რადგან მოქალაქეები ვერ გახდე-

¹²⁰ იხ., Partlett W., The Dangers of Popular Constitution-Making (September, 2011), Brooklyn Journal of International Law, 2012, 198.

¹²¹ <<http://ssrn.com/abstract=1567046>> [1.02.2015].

¹²² იხ., Schmitt C., Constitutional Theory, Translated by Jeffrey Seitzer, Duke University Press, Durham and London, 2008, 9.

¹²³ შვარცი ჰ., კონსტიტუციის მშენებლობის საფეხურები, საკონსტიტუციო სამართლის მიმზილვა, №1, 2006, 11.

ბიან საკონსტიტუციო ცვლილებების ავტორები, მხოლოდ დაეთანხმებიან შემოთავაზებულ პროექტს.¹²⁴

გარდა ზემოაღნიშნულისა, გასათვალისწინებელია საკონსტიტუციო რეფერენდუმის ინსტიტუტის თანდაყოლილი საფრთხეებიც. ისტორიას ახსოვს პოლიტიკური ლიდერების მიერ რეფერენდუმის ავტორიტარული მიზნებისთვის გამოყენების მაგალითები.¹²⁵ ვენეციის კომისიამ უკანასკნელი 15 წლის განმავლობაში ჩატარებული არაერთი საკონსტიტუციო რეფერენდუმი გააკრიტიკა, რომლებსაც მიზნად სახელმწიფოს მეთაურის როლის გაძლიერება და პარლამენტის პოზიციის შესუსტება პქონდათ. ამასთან, სახელმწიფოთა უმრავლესობაში, საკონსტიტუციო ცვლილებების მისაღებად საჭიროა ხმათა უბრალო უმრავლესობა,¹²⁶ რამაც, კომისიის განმარტებით, რეფორმის ოპონენტებს შეიძლება რეფერენდუმის შედეგებზე გავლენის მოხდენის შესაძლებლობა მისცეს, მარტივად – სახლში დარჩნით.¹²⁷

სპეციალისტთა გარკვეული წრე პარლამენტის მიერ კონსტიტუციის მიღებასა და შესწორებას, თანაბრად ლეგიტიმურად მიიჩნევს.¹²⁸ მათი განმარტებით, დემოკრატია უფლებამოსილი ორგანოს მიერ კანონის შესაბამისად გადაწყვეტილების მიღებას და ყველას მიერ აღიარებას გულისხმობს.¹²⁹

¹²⁴ Colon-Rids J., The Legitimacy of the Juridical: Constituent Power, Democracy and the Limits of Constitutional Reform, Osgoode Hall Law Journal, Vol. 48, Issue 2 (2010), 235-236.

¹²⁵ იხ., Partlett W., The Dangers of Popular Constitution-Making (September, 2011), Brooklyn Journal of International Law, 2012, 193.

¹²⁶ იხ., დანართი 1.

¹²⁷ Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010, 185, 188.

¹²⁸ დასკვნაში კონსტიტუციის გადასინჯვის თაობაზე ვენეციის კომისიაც აღნიშნავს, რომ ზაღის პირდაპირი ჩარევის გამოყენება ან გამოუყენებლობა თანაბრად ლეგიტიმურია. იხ., Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010, 179.

¹²⁹ იხ., ბლანკენაგელი ა., გაული ვ., კონსტიტუციური მომენტები და საქართველოს კონსტიტუციონალიზმის ყოველდღიური ცხოვრება, აღმიანი და კონსტიტუცია, 2000, №4, 254.

სახელმწიფოთა უმრავლესობაში, პარლამენტი, ორგორც ქვეყნის უმაღლესი საკანონმდებლო ორგანო, კონსტიტუციურ კანონმდებლადაც გვევლინება, თუმცა ზოგიერთი ქვეყნის კონსტიტუცია ითვალისწინებს ზემოთ ხსენებული მიზნით, სპეციალური ორგანოს არჩევასა და მოწვევას.¹³⁰ მაგ., რუსეთში მოწვევა კონსტიტუციური კრება, რომელიც ან ადასტურებს რუსეთის ფედერაციის კონსტიტუციის შეუცვლელობას, ან შეიძლება კონსტიტუციის ახალ პროექტს.¹³¹ აღნიშნული კრებები განსაზღვრული მიზნით მოქმედი ორგანოები არაან, რომლებიც თავიანთი ფუნქციის შესრულების შემდეგ იშლებიან. მკვლევართა გარკვეული ნაწილი ასეთი კრებების მიერ კონსტიტუციის დაფუძნებას ერთ-ერთ ყველაზე მისაღებ ფორმად მიიჩნევს, რადგან კონსტიტუცია პოლიტიკური ვაჭრობისგან დაცულია.¹³² ვერცის კომისიას კი, თანამედროვე დემოკრატიული იდეის შესაბამისად, კონსტიტუციის გადასინჯვისთვის ყველაზე შესაფერის არენად პარლამენტი ესახება¹³³.

საქართველოში 1921 წლის 21 თებერვლის კონსტიტუციის შემუშავების პროცესში დადგა დამფუძნებლის განსაზღვრის საკითხი. კონსტიტუციის რეფერენდუმზე, ხალხის მიერ დამტკიცების მოწინააღმდეგები მიუთითებდნენ, რომ საკონსტიტუციო რეფერენდუმი არ გამოხატავს ხალხის ნამდვილ ნებას, ამასთან, ფართო შესაძლებლობები იქმნება დემაგოგიისა და პოლიტიკური ავანტიურიზმისთვის.¹³⁴ პარლამენტის მიერ მიღებული კონსტიტუციის ლეგიტიმურობა არანაირად ჩა-

¹³⁰ იხ., დანართი 1.

¹³¹ Constitution of the Russian Federation, Art. 135.

¹³² იხ., Jackson C.V., Tushnet M., Comparative Constitutional Law, Second Edition, University Casebook Series, Foundation Press, 2006, 276; Partlett W., The Dangers of Popular Constitution-Making (September, 2011), Brooklyn Journal of International Law, 193, 2012, 203; Blount J., Elkins Z., Ginsburg T., Does the Process of Constitution-Making Matter?, Comparative Constitutional Design, Edited by Tom Ginsburg, Cambridge University Press, 2012, 44; შეინ ა., ზელისუფლების ოფიშების მიზნები, კონსტიტუციონალიზმის შესავალი, მ. მაისურაძის თარგმანი, თ. ნინიძის რედაქტორით, თბილის, 2003, 24.

¹³³ Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010, 178.

¹³⁴ მაცაბერიძე მ., საქართველოს 1921 წლის კონსტიტუციის პოლიტიკური კონცეფცია, თბილისი, 1997, 142.

მოუვარდება რეფერენცუმზე მიღებულის ლეგიტიმურობას, რადგან პარლამენტი თავად წარმოადგენს ხალხის მიერ, კანონშემოქმედების მიზნით არჩეულ ლეგიტიმურ ორგანოს. დღემდე, ქართველი კანონმდებელი იმ აზრზე რჩება, რომ პარლამენტი საკონსტიტუციო ცვლილებების გასახორციელებლად ყველაზე შესაფერისი სუბიექტია, თუმცა, ამავე დროს, საჭიროდ მიიჩნევს ფართო კონსენტუსს, რისთვისაც აღენს კანონპროექტის საყოველთაო-სახალხო განხილვისთვის წარდგენის სავალდებულობას. იმ შემთხვევაში, თუ საყოველთაო-სახალხო განხილვა მისი რეალური დანიშნულებისამებრ ჩატარდება, პარლამენტის, როგორც დამფუძნებლისა და ხალხის, როგორც საკონსტიტუციო რეფორმის პროცესის მონაწილის, კომისიაცია ნამდვილად შექმნის კონსტიტუციის ლეგიტიმურობის პერსპექტივას.

3.2. როგორ უნდა იქნას მიღწეული ბალანსი კონსტიტუციის მოქნილობასა და სიმყარეს შორის?

საზოგადოებრივ მოთხოვნებთან შესაბამისობის მიზნით, კონსტიტუცია დროდადრო საჭიროებს ცვლილებების შეტანას. შეხედულებები იმასთან დაკავშირებით, თუ რამდენად ხშირად უნდა იცვლებოდეს ძირითადი კანონი, განსხვავებულია. ბევრი მკვლევარი აკრიტიკებს კონსტიტუციის ხშირ ცვლილებას, თუმცა, გამონაკლისებიც არსებობს. მაგ., ალბერტ სტარმის განმარტებით, კონსტიტუციონალიზმი და სახალხო სუვერენიტეტის ლოგიკა მეტ სიმარტივეს ეფუძნება. ნებისმიერი ხალხი, რომელსაც კონსტიტუციონალიზმი გააზრებული აქვს, კონსტიტუციას მაშინ შეცვლის, როცა ეს საჭირო იქნება. ამდენად, ცვლილებების ზომიერი ტემპი ხალხის მიერ კონსტიტუციის სერიოზულად აღქმაზე მიუთითებს.¹³⁵

კონსტიტუციის სიმყარესა და მოქნილობას შორის ბალანსის მიება არა მხოლოდ საქართველოს, არამედ ყველა დემოკრატიული სახელმწიფოს საფიქრალია. ჯერჯერობით, არ შექმნილა კონსტიტუციის გა-

¹³⁵ Lutz S. D., Toward a Theory of Constitutional Amendment, The American Political Science Review, Vol. 88, No.2, June, 1994, 357.

დასინჯვის უნივერსალური მოდელი, რომელიც ყველასთვის მისაღები იქნებოდა.¹³⁶ როგორია კონსტიტუციის სიხისტესა და მოქნილობას შორის საუკეთესო ბალანსი? ვენეციის კომისიის პასუხი ამ კითხვაზე ასეთია: „იდეალურ შემთხვევაში, ეს ბალანსი შესაძლებელს უნდა ხდიდეს აუცილებელ საკონსტიტუციო რეფორმას და უზრუნველყოფების კონსტიტუციის დაცვას“¹³⁷.

ცვლილებების პროცესში ორი მნიშვნელოვანი საკითხია გასათვალისწინებელი: 1. რამდენად დემოკრატიულია ცვლილებების განხორციელების პროცედურა და 2. რამდენად უფუძნება ის ფართო, სრულფასოვან მსჯელობას.¹³⁸ გავრცელებული მოსაზრებით, რაც უფრო იზრდება კონსტიტუციის გადასინჯვის პროცედურაში მონაწილეთა რიცხვი და შესაბამისად, კონსენსუსის ხარისხი, მით უფრო რთული ხდება კონსტიტუციის გადასინჯვაც.¹³⁹ ამ მოსაზრების დასაბუთებისთვის, უპრიანი იქნება, მიმოვიზილოთ სხვადასხვა ქვეყნის მექანიზმები.

იქიდან გამომდინარე, რომ ყოველი ქვეყნის სამართალი „მისი ზაღვის ყოფა-ცხოვრებიდან აღმოცენდება“¹⁴⁰ და კონსტიტუციაში ჩადებული მექანიზმებიც, მნიშვნელოვნად არის დაკავშირებული თითოეული სახელმწიფოს ეროვნულ, კულტურულ თუ სხვა მახასიათებლებთან, არ მოიძებნება საკონსტიტუციო ცვლილებათა დაწესებული მექანიზმების მქონე, თუნდაც ორი კონსტიტუცია.

სახელმწიფოთა ძირითადი კანონების მხოლოდ მცირე ნაწილი ითვალისწინებს ცვლილებათა განხორციელების განსაკუთრებულად რთულ წესებს. ასეთია, მაგ., აშშ-ს კონსტიტუცია, სადაც შესწორებებს იურიდიული ძალა მხოლოდ შტატების საკონსტიტუციო კრებების სამი

¹³⁶ იქვე, 62.

¹³⁷ Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010, 104.

¹³⁸ მუსხლიშვილი მ., კონსტიტუციის დისკურსული ლეგიტიმაცია, თბილისი, 2006, 15.

¹³⁹ Rasch B. E., Congleton R. D., Fairfax GMU, Amendment procedures and Constitutional Stability, Democratic Constitutional Design and Public policy: Analysis and Evidence, Edited by Swedenborg B., Congleton R. D, The MIT Press, 2006, 540.

¹⁴⁰ ელინერი გ., ძველი სამართლის ბრძოლა ახალ სამართალთან, ზ. ნანობაშვილის თარგმანი, თბილისი, 2006, 27.

მეოთხედის მიერ მისი რატიფიცირების შემდეგ აქვს. სიმყარეზე მიუთითებს მასში შეტანილ ცვლილებათა სიმცირეც – 1787 წლიდან დღემდე სულ 27 შესწორებაა შეტანილი.¹⁴¹ გადასინჯვის რთული წესია დადგენილი შვეიცარიაშიც: მიუხდავად იმისა, კონსტიტუცია სრულად იცვლება თუ ნაწილობრივ, ის ძალაში შედის მხოლოდ ზალხისა და კანტონების მიერ დამტკიცების შემდეგ. შვეიცარიის გარდა, რეფერენდუმს კონსტიტუციის გადასინჯვის პროცესში იყენებს დანია, ისლანდია, ესტონეთი, ავსტრალია, საფრანგეთი, იაპონია და სხვა ქვეყნები. გერმანიის ძირითადი კანონი რეფერენდუმს არ ითვალისწინებს. აქ გადაწყვეტილება მხოლოდ პარლამენტის ორივე პალატის 2/3-ის მიერ მიღება, თუმცა კონსტიტუციის გადასინჯვას უცვლელი დებულებები ართულებს. გერმანიის გარდა, უცვლელი დებულებები გვხვდება საბერძნეთის, იტალიის, სომხეთის, აზერბაიჯანის კონსტიტუციებშიც.¹⁴²

კონსტიტუციის სიხისტის გაზრდის თვალსაზრისით, დადებითად არის შეფასებული გადასინჯვის პროცესში შუალედური რეოლის სახით არჩევნების ჩართვის მოდელი. აქ სირთულეს ქმნის ზალხის არაპირდაპირი ჩართვა ცვლილებების საკითხის გადაწყვეტაში. პლურალური ვოტუმი დამკვიდრებულია სკანდინავიის ქვეყნებში, ასევე, ბელგიაში, საბერძნეთში, ლუქსემბურგსა და ნიდერლანდში. უკრაინასა და ლიტვაში პარლამენტის ორ სესიაზე ხდება გადაწყვეტილების მიღება, გარკვეული შუალედით. თუმცა, ორივე ქვეყნის შემთხვევაში, დამატებით ბარიერად გვხვდება რეფერენდუმი, რომელიც ტარდება კონსტიტუციით განსაზღვრულ ნორმათა ცვლილებითან დაკავშირებით.¹⁴³

ვენეციის კომისია „საუკეთესო მოდელის“ არარსებობის პირობებში, ასახელებს სულ მცირე საქმოდ გაგრცელებულ მოდელს, რომელიც მოითხოვს: 1. პარლამენტის წევრთა გარკვეულ კვალიფიციურ უმრავლესობას (უმეტეს შემთხვევაში 2/3-ს) და 2. ერთ ან მეტ დაბრკოლებას: გადაწყვეტილების რამდენიმეჯერ მიღების (დროის დაყოვნებით) ან ამ პროცესში სხვა მოთამაშეების ჩართვის სახით (უფრო მეტად, რე-

¹⁴¹ იბ., Constitution of the United States, Art. 5.

¹⁴² იბ., დანართი 1.

¹⁴³ იბ., იქვე.

ფერენდუმის ფორმით).¹⁴⁴ შესწავლილი 36 სახელმწიფოს კონსტიტუციიდან 17 ითვალისწინებს 2/3-ის უმრავლესობას, 6 – უბრალო უმრავლესობას, 1 – 3/4-ის უმრავლესობას, დანარჩენ ორპალატიან პარლამენტებში კი, ქვედა და ზედა პალატისთვის განსხვავებული კვორუმია დადგენილი. აღნიშნული 17 სახელმწიფოდან, 10 შემდგომი დაბრკოლების სახით იყენებს შუალედურ არჩევნებს ან რეფერენდუმს (მათგან რამდენიმე, მხოლოდ განსაზღვრულ ნორმათა შესწორებაზე), 4 – კონსტიტუციით განსაზღვრულ სუბიექტთა მოთხოვნის შემთხვევაში ითვალისწინებს რეფერენდუმის ჩატარებას, ორ კონსტიტუციას დამცავ მექანიზმად შემოაქვს უცვლელი დებულებები, ერთი კი, მსგავს დამატებით დაპრკოლებას საერთოდ არ შეიცავს.¹⁴⁵

იმ სახელმწიფოებში, რომელთა ძირითადი კანონიც კვორუმად უბრალო უმრავლესობას, შემდგომი ეტაპის სახით კი შუალედურ არჩევნებს ან რეფერენდუმს ადგენს. ბულგარეთში კი, სადაც კვორუმი 3/4-ია, დამატებითი მექანიზმები გათვალისწინებული არ არის, თუმცა ახალი კონსტიტუციის მიღებას ან განსაკუთრებული დებულებების შეცვლას კონსტიტუცია განსხვავებულ სუბიექტს – დიდ ეროვნულ კრებას უქვემდებარებს.¹⁴⁶

კონსტიტუციის სისისტესა და მოქნილობას შორის ბალანსის საკითხზე რამდენიმე კვლევა არსებობს. მათ შორის საინტერესოა ფორჯონის, რაშისა და კონგლეტონის, ასევე, ლუთცის კვლევები.

ფორჯონის დასკვნით, ცვლილებათა ტემპზე გავლენას ახდენს, ერთი მხრივ, მაღალი კვორუმი, ხოლო, მეორე მხრივ, პარლამენტის ორი პალატის მიერ გადაწყვეტილების დამოუკიდებლად მიღების ფაქტორი.¹⁴⁷ ბიორნ რაში და როჯერ კონგლეტონი კი კონსტიტუციის ზედ-

¹⁴⁴ Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010, 104, 62.

¹⁴⁵ იხ., დანართი 1.

¹⁴⁶ იქვე.

¹⁴⁷ Dixon R., Constitutional Amendment Rules: A Comparative Perspective, Chicago Public Law and Legal Theory Working Paper no. 347, The University of Chicago, May, 2011, 11.

მეტი მოქნილობის დაბალანსებას ცვლილებათა პროცესში ჩართულ სუბიექტთა რიცხვს და კონსენსუსის ხარისხს უკავშირებენ.¹⁴⁸

დონალდ ლუთცის მოსაზრებით, რაც უფრო მოცულობითია კონსტიტუცია, მით მეტა მასში ცვლილებათა განხორციელების ტემპი. აშშ-ს ოურიდიულ ლიტერატურაში ხშირად აღნიშნავენ, რომ თუ კონსტიტუცია მოაწესრიგებდა ისეთ თემებს, როგორიცაა განათლება, სისხლის სამართლის, ადგილობრივი თვითმმართველობის, ფინანსების საკითხები და ა.შ., ის ხშირად მოითხოვდა ცვლილებებს. ამის საუკეთესო მაგალითია ახალი ზელანდია, რომლის ძირითადი კანონიც 180 000 სიტყვისგან შედგება და კვლევის თანახმად, ცვლილებათა სიხშირის ყველაზე მაღალი მაჩვენებელი აქვს.¹⁴⁹

ლუთცის განმარტებით, ცვლილებების განხორციელების დროს არ-სებობს პოლიტიზების დიდი საფრთხე. იმისათვის, რომ ეს საფრთხე მინიჭებამდე იქნეს დაყვანილი, ცვლილებების განხორციელების პროცედურა უნდა იყოს რთული, სირთულეს კი პარლამენტის მიერ კანონ-პროექტის მრავალჯერ განხილვა ვერ უზრუნველყოფს იმ შემთხვევაში, თუ გადაწყვეტილება მიღება 50%-ს + 1 ხმით. ოპტიმალურ გზად ის სთავაზობს 2/3-ის უმრავლესობით, ორი მოწვევის პარლამენტის მიერ ცვლილებათა განხილვასა და მიღებას, რადგან ამ დროს საკონსტიტუციო რეფორმის პროცესი კიდევ უფრო სათათბირო ხასიათს იძენს, ნათელი ხდება განსხვავება ჩვეულებრივ კანონმდებლობასა და საკონსტიტუციო საკითხებს შორის. ამასთან, ხალხს ეძლევა საშუალება, არჩევნების გზით ზეგავლენა მოახდინოს ცვლილებათა პროცესზე.¹⁵⁰

დონალდ ლუთცმა კონსტიტუციის ცვლილებათა სიხშირისა და გადასინჯვის მექანიზმის სირთულის მაჩვენებელი კონსტიტუციის ასაკსა და მოცულობასთან კავშირში გამოიანგარიშა.¹⁵¹ კვლევის მონაცემებით,

¹⁴⁸ Rasch B. E., Congleton R. D., Fairfax GMU, Amendment procedures and Constitutional Stability, Democratic Constitutional Design and Public policy: Analysis and Evidence, The MIT Press, 2006, 540.

¹⁴⁹ Lutz D. S., Toward the Theory of Constitutional Amendment, The American Political Science Review, Vol.88, №2, June 1994, 357, 369.

¹⁵⁰ იქვე, 357, 369.

¹⁵¹ მიღებული შედეგები, ნაწილობრივ, კრიტიკის ობიექტი გახდა. იხ., Dixon R., Constitutional Amendment Rules: A Comparative Perspective, Chicago Public Law

მექანიზმის სირთულის ყველაზე დაბალი და ცვლილებათა სიხშირის ყველაზე მაღალი მაჩვენებლები აქვს ავსტრიას, ასალ ზელანდიას, პორტუგალიას, შვედეთს, გერმანიას, საბერძნეთს, ინდოეთსა და ლუქ-სემბურგს.¹⁵² უნდა აღინიშნოს, რომ დასახელებულ სახელმწიფოთაგან უმრავლესობა, ცვლილებებს 2/3-ით იღებს. მათ შორის, შვედეთი გადა-სინჯვის პროცედურაში არჩევნებს რთავს და შესაძლებელია რეფერენ-დუმის ჩატარებაც. საბერძნეთში გადასინჯვის აუცილებლობა ჯერ ორი კენჭისყრით, 3/5-ის უმრავლესობით დგინდება, შემდეგ კი, შეუძლებური რგოლის სახით არჩევნებია ჩართული. გარდა ამისა, უცვლელი დებუ-ლებებიც აქვთ, დამატებითი დამცავის სახით.¹⁵³ ეს ყოველივე თეორი-ულად არ იძლევა იმის თქმის საფუძველს, რომ საბერძნეთში გადა-სინჯვის პროცედურა მარტივია, თუმცა კალევა სხვას ამბობს.

სირთულის საშუალო მაჩვენებელი აქვს მინიჭებული არგენტინას, ფინეთს, საფრანგეთს, ისლანდიას, იაპონიას, დანიას, ბელგიას, ირლან-დიას, ნორვეგიას,¹⁵⁴ იტალიასა და ესპანეთს.¹⁵⁵ ჩამოთვლილთაგან ოთ-ხი სახელმწიფო გადასინჯვის პროცესში არჩევნებს რთავს, დანარჩენე-ბი კი, დაბრკოლების სახით, რეფერენდუმს ითვალისწინებენ.¹⁵⁶

საინტერესოა ცვლილებათა საშუალო სირთულის მაჩვენებლების მქონე სახელმწიფოთა რიცხვში დანის მოქცევა. სავარაუდოდ, სპე-ციალისტები დანის კონსტიტუციის გადასინჯვის წესს რთულად შეა-ფასებენ, რადგან, ერთი მხრივ, ცვლილებების პროცედურაში არაპირდა-

and Legal Theory Working Paper no. 347, The University of Chicago, May, 2011; Rasch B. E., Congleton R. D., Fairfax GMU, Amendment procedures and Constitutional Stability, Democratic Constitutional Design and Public policy: Analysis and Evidence, Edited by Swedenborg B., Congleton R. D., The MIT Press, 2006, 540.

¹⁵² Lutz D. S.,Toward the Theory of Constitutional Amendment, The American Political Science Review, Vol.88, №2, June 1994, 369.

¹⁵³ იხ., დანართი 1.

¹⁵⁴ საინტერესოა, რომ ლუთცის კვლევით, ნორვეგიას მექანიზმის სირთულის მაჩ-ვენებელი უფრო მაღალი აქვს, ვიდრე დანიას, რომელიც, განსხვავებით პირველის-გან, დამატებითი დაბრკოლების სახით ითვალისწინებს სავალდებულო რეფერენ-დუმსაც; იხ., დანართი 1.

¹⁵⁵ Lutz D. S.,Toward the Theory of Constitutional Amendment, The American Political Science Review, Vol.88, №2, June 1994, 369.

¹⁵⁶ იხ., დანართი 1.

პირი წესით ჩართულია ხალხი (არჩევნების გზით), მეორე მხრივ კი, დადგენილია სავალდებულო რეფერენდუმი. ლუთცის კვლევით, დანის კონსტიტუციის ცვლილებათა სიხშირის მაჩვენებელი საქმაოდ მაღალია, ამიტომ ის საშუალო სირთულის კონსტიტუციათა შორის მოხვდა.¹⁵⁷

სიმყარის ყველაზე მაღალი ზღვარი აქვს აშშ-ს, შვეიცარიასა და ავსტრალიას, მაგრამ, ამ უკანასკნელის კონსტიტუციის გადასინჯვის წესი დანის მექანიზმზე რთული არ უნდა იყოს.¹⁵⁸

როგორც ზემოაღნიშნულიდან ჩანს, კონსტიტუციის ცვლილების სიხშირე ყოველთვის არ არის მექანიზმის სირთულის დონის შესაბამისი. მოქნილობასა და სიმყარეს შორის ბალანსზე სპეციალისტთა რჩევების სიმრავლის მიუხედავად, რომელიმე მათგანის „რეცეპტალ“ მიღება, ალბათ, მართებული არ იქნებოდა. თითოეულმა სახელმწიფომ თავად უნდა გადაწყვიტოს, ძირითადი კანონის შეცვლა შედარებით მარტივი პროცედურებით ურჩევნია თუ პირიქით, – რთულით. თუმცა, განხილულიდან მაინც ჩანს, რომ მაღალი კვორუმი, დროში დაყოვნება და განსხვავებული სუბიექტების ჩართვა კონსტიტუციის დაცვას ყველაზე უკეთ უზრუნველყოფს.

3.3. დამატებითი დაბრკოლებები საქართველოს კონსტიტუციის გადასინჯვისთვის

3.3.1. სკანდინავიური მოდელი საქართველოსთვის?

ქართველი მკვლევარების მიერ აქტიურად განიხილება კონსტიტუციის გადასინჯვის პროცესში არჩევნების ჩართვის, უცვლელი დებულებების დამკვიდრებისა და საკონსტიტუციო სასამართლოს დასკვნის

¹⁵⁷ შეად., Rasch B. E., Congleton R. D.,Amendment procedures and Constitutional Stability, Fairfax GMU, Amendment procedures and Constitutional Stability, Democratic Constitutional Design and Public policy: Analysis and Evidence, Edited by Swedenborg B., Congleton R. D, The MIT Press, 2006,555.

¹⁵⁸ Lutz D. S.,Toward the Theory of Constitutional Amendment, The American Political Science Review, Vol.88, №2, June 1994, 369; The Constitution of Australia, Art. 128; შეად., The Constitutional Act of Denmark, Art. 88.

სავალდებულოობის, როგორც დამატებითი დაბრკოლების, დაწერგვის საკითხი.¹⁵⁹

სახელმწიფოებში ორმაგი ვოტუმის ორ სახე არსებობს: შედარებით მარტივი და რთული. პირველი მათგანი გულისხმობს ცვლილებების მიღებას ორ კენჭისყრაზე, გარკვეული ინტერვალით, ხოლო მისი შედარებით რთული სახე უკავშირდება კონსტიტუციის გადასინჯვის პროცესში, შუალედური როლის სახით, არჩევნების ჩართვას. სპეციალისტთა გარკვეული წრე მეორე ნაირსახეობის, ე.წ. პლურალური ვოტუმის საქართველოში დამკიდრებას უჭერს მხარს, მაღალი ლეგიტიმაციის და „კაზირეფურნებული“ ხასიათის მომხიბვლელი იდეით.¹⁶⁰

პლურალური ვოტუმი, ძირითადად, სკანდინავის ქვეყნებშია გავრცელებული, გარკვეული ვარიაციებით. უმეტესად, საჭიროა კენჭისყრა როგორც არჩევნებამდე, ისე არჩევნების შემდევ¹⁶¹ და კვორუმიც, არ განსხვადება. გამონაკლისს წარმოადგენს, ერთი მხრივ, ნიდერლანდები და ფინეთი, რომლებიც არჩევნების შემდევ კენჭისყრაზე უფრო დიდ უმრავლესობას ითვალისწინებენ და საბერძნეთი, რომელიც საპირისპიროს განსაზღვრავს – არჩევნებამდე უფრო მაღალი კვორუმია დადგენილი, ვიდრე არჩევნების შემდევ.¹⁶² ზემოაღნიშნულ სახელმწიფოთაგან, ბელგიის, ფინეთისა და ლუქსემბურგის გარდა, ყველა დამატებით ითვალისწინებს რეფერენდუმს, მიუხედავად იმისა, რომ პლურალური ვო-

¹⁵⁹ იხ., ერქვანია თ., საკონსტიტუციო ცვლილებების მეორე ეტაპი, ივლისი, 2013, 6, ხელმისაწვდომია: www.constitution.ge [30.06.2014]; მენაბდე ვ., საქართველოს კონსტიტუციის გადასინჯვა – რა უზრუნველყოფს უზენაესი კანონის ლეგიტიმურობას, სუპერსაპრეზიდენტოდან საპრეზიდენტომდე: საკონსტიტუციო ცვლილები საქართველოში, სტატიის კრებული, თბილისი, 2013, 125-125; ზევდალშვილი დ., კონსტიტუციის გადასინჯვა საქართველოში: უმრავლესობის ვნებები და კონსტიტუციური წესრიგი, სუპერსაპრეზიდენტოდან საპრეზიდენტომდე: საკონსტიტუციო ცვლილების საქართველოში, სტატიების კრებული, თბილისი, 2013, 169-178.

¹⁶⁰ მენაბდე ვ., საქართველოს კონსტიტუციის გადასინჯვა – რა უზრუნველყოფს უზენაესი კანონის ლეგიტიმურობას, სუპერსაპრეზიდენტოდან საპრეზიდენტომდე: საკონსტიტუციო ცვლილები საქართველოში, სტატიების კრებული, თბილისი, 2013, 125, იხ. ციტირება: შაიო ა., ხელმისუფლების თვითშეზღუდვა, კონსტიტუციონალიზმის შესავალი, თ. ნინიძის თარგმანი, თბილისი, 2003, 51.

¹⁶¹ შვედეთი, დანია, ფინეთი, ისლანდია, საბერძნეთი, ნიდერლანდი, იხ., დანართი 1.

¹⁶² იქვე, ნიდერლანდი, ფინეთი, საბერძნეთი.

ტუმი კონსტიტუციის გადასინჯვის პროცესში ხალხის არაპირდაპირ ჩართვას ისედაც გულისხმობს. როგორც ჩანს, პრობლემა იმაშია, რომ შეაღებური რგოლის სახით არჩევნების ჩართვა დამოუკიდებლად, დამატებითი დაბრკოლების გარეშე, ვერ უზრუნველყოფს ხშირი ცვლილებებისგან კონსტიტუციის დაცვას. რეფერენდუმი კი, როგორც ლუთცის, კონგლეტონისა და სხვათა კვლევებიდან ირკვევა, ერთ-ერთი ძლიერი დამცავია. ლუტცის კვლევით, პლურალური ვოტუმი ხშირი ცვლილებებისგან ვერ იცავს შევდეთის კონსტიტუციას. სირთულის საშუალო და ხშირად, საშუალოზე დაბალი მაჩვენებელი აქვთ დანარჩენ ქვეწებსაც. მაგ., ნორვეგიის კონსტიტუციის გადასინჯვის მექანიზმს ლუთცი საშუალოზე მაღალი სირთულის მქონედ მიიჩნევს,¹⁶³ თუმცა 1905 წლიდან 2001 წლამდე, ნორვეგიის კონსტიტუციაში ცვლილება თითქმის ყველა მოწვევის პარლამენტმა შეიტანა.¹⁶⁴

პლურალური ვოტუმის დადებით მახასიათებლად ის მიიჩნევა, რომ განხორციელდება მხოლოდ სასიცოცხლოდ მნიშვნელოვანი ცვლილებები, რადგან ვადაზე ადრე არც ერთი პოლიტიკოსი გაიტანს საკუთარ ნდობას ხალხის საშვავროზე, თუ არ დგას განსაკუთრებული საჭიროება.¹⁶⁵ მეორე მხრივ, ეს დადებითი მახასიათებელი შესაძლოა უარყოფითად გადაიქცეს, თუ საპარლამენტო უმრავლესობა საკონსტიტუციო ცვლილებებით და შეაღებური არჩევნებით ეცდება უფრო მეტი მანდატის მოპოვებას და პარლამენტში ყოფნის ვადის გახანგრძლივებას.

საინტერესოა, რომ სახელმწიფოებში, სადაც პლურალურ ვოტუმი მოქმედებს, საკონსტიტუციო ცვლილებათა ინიცირების უფლება ხალხს

¹⁶³ Lutz D. S., Toward the Theory of Constitutional Amendment, The American Political Science Review, Vol.88, №2, June 1994, 369.

¹⁶⁴ Rasch B. E., Congleton R. D., Fairfax GMU, Amendment procedures and Constitutional Stability, Democratic Constitutional Design and Public policy: Analysis and Evidence, Edited by Swedenborg B., Congleton R. D., The MIT Press, 2006, 556.

¹⁶⁵ მენაბდე ვ., საქართველოს კონსტიტუციის გადასინჯვა – რა უზრუნველყოფს უზენაესი კანონის ღვევიტიშურობას, სუპერსაპრეზიდენტოდან საპრეზიდენტოდენ: საკონსტიტუციო ცვლილებები საქართველოში, სტატიების კრებული, თბილისი, 2013, 125.

არ აქვს.¹⁶⁶ იმ ქვეყნებში, სადაც ინიცირების უფლებით მოქალაქეთა გარკვეული რაოდენობაა აღჭურვილი, პლურალური ვოტუმი, შესაძლოა, არაეფექტური აღმოჩნდეს. როდესაც პარლამენტი კონსტიტუციის გადასინჯვის გადაწყვეტილებას იღებს ან არასწორი, პოლიტიკური მოტივით, ან ცვლილებების რეალური საჭიროებიდან გამომდინარე, დეპუტატებს გააზრებული აქვთ, რომ გარკვეული მიზნით, უფლებამოსილება ვადაზე ადრე უწყდებათ. როდესაც ინიციატივა ხალხისგან მოდის და არა პარლამენტისგან, უკვე არსებობს იმის საფრთხე, რომ პარლამენტის წევრები საკუთარ მანდატს გაუფრთხილდებან. ამ შემთხვევაში, ინიციატივის რეგისტრაციაზე ურის თქმის სასამართლო წესით გასაჩივრების უფლება გამოსავალი ვერ იქნება, რადგან პარლამენტმა, შესაძლოა, მიიღოს კანონპროექტი, თუმცა პირველ ეტაპზე ის საჭირო უმრავლესობას ვერ მოაგროვებს და არჩევნებიც თავიდან იქნება აცილებული.

გარდა აღნიშნულისა, პლურალური ვოტუმი მოქალაქეებით მანიპულირების შესაძლებლობას იძლევა. ამომრჩევლები, შესაძლოა, ეთანხმებოდნენ საკონსტიტუციო ცვლილებებს, თუმცა სულაც არ სურდეთ იმავე შემადგენლობის მოსვლა ხელისუფლების სათავეში.

საქართველოს კონსტიტუციის მოქმედი რედაქცია ორმაგი ვოტუმის შედარებით მარტივ ფორმას აწესებს. აღნიშნულ საკითხს საქართველოს მსგავსად აწესრიგებს ლიტვა, ბელორუსია და აზერბაიჯანი. ლიტვის კონსტიტუციას სპეციალისტები მყარ კონსტიტუციათა რიცხვს მიაკუთვნებენ.¹⁶⁷ ბელორუსისა და აზერბაიჯანის კონსტიტუციაში შესულ ცვლილებათა რაოდენობის გათვალისწინებით, ორმაგი ვოტუმი ამ ორ სახელმწიფოში საკმაოდ წარმატებულად მოქმედებს.¹⁶⁸

¹⁶⁶ იხ., The Constitution of Luxembourg; The Constitution of the Kingdom of Netherlands; The Constitution of Finland; The Constitution of the Kingdom of Norway; The Constitution of the Kingdom of Sweden; The Constitutional Act of Denmark; Constitution of the Republic of Iceland; The Belgian Constitution; The Constitution of Greece.

¹⁶⁷ იხ., Constitutional Law of 10 EU Member States, The 2004 Enlargement, Kortmann C., Fleuren J., Voermans W. eds., The Netherlands, 2006, 21-22.

¹⁶⁸ The Constitution of the Republic of Azerbaijan; The Constitution of the Republic of Belarus.

პლურალური კოტუმის განხილული საშიშროებებიდან გამომდინარე, უპრიანი იქნება, თუ საქართველო მასზე უარს იტყვის და დასჯერდება მოქმედ მოდელს, გარკვეული ცვლილებებით.

3.3.2. „მუდმივობა“ და საკონსტიტუციო სასამართლოს როლი კონსტიტუციის გადასინჯვის პროცესში

3.3.2.1. „მუდმივი“ და „ჩვეულებრივი“ ნორმები

საკონსტიტუციო ცვლილებების არაკონსტიტუციურად გამოცხადების უფლებამოსილებას ხშირად უკავშირებენ კონსტიტუციაში უუქემდებლური, ე.წ. „მუდმივი“, „უცვლელი“ ნორმების არსებობას, რომლებიც თავად ძირითადი კანონისათვის ერთგვარი წითელი ზოლის, სამანის ფუნქციასაც ასრულებს. ზოგჯერ მსგავსი დებულებები განსაკუთრებულადაა გამორჩეული კონსტიტუციის ტექსტიდან, რაც ადვილებს მათი სამართლებრივი სტატუსის და რაც მთავარია, მნიშვნელობის დადგენას. მუდმივი ნორმები კონსტიტუციას გაუმართლებელი ცვლილებებისაგან იცავს, ამ შემთხვევაში სასამართლო კონტროლი მსგავსი ნორმების დაცვის ბუნებრივი მექანიზმია.¹⁶⁹ სწორედ მათი არსებობის გამო, საკონსტიტუციო ცვლილებების განხორციელებასთან დაკავშირებული შეზღუდვები, შესაძლებელია, კონსტიტუციაში პირდაპირ, ექსპლიციტურად იყოს მოცემული¹⁷⁰.

ხშირ შემთხვევაში კონსტიტუცია იმპლიციტურად მოიაზრებს ფუძემდებლურ ნორმებს, „მუდმივ“, „უცვლელ“ დებულებებს, რომლებიც ძირითადი კანონის ხაზებს შორის იკითხება.¹⁷¹ მაგ., თუკი კონსტიტუციაში განსაზღვრულია ხელისუფლების შტოებს შორის ძალაუფლების გამიჯვნა და თითოეული მათგანის დამოუკიდებლობა, უზრუნველყოფილია და აღიარებულია ადამიანის ძირითადი უფლებები, თავისუფლად

¹⁶⁹ Barak A., Unconstitutional Constitutional Amendments, Israel Law Review, Vol.44, 2011, 333.

¹⁷⁰ Gatmaytan D.B., Can Constitutionalism Constrain Constitutional Change?, North-western Interdisciplinary Law Review, Vol.3, No.1, 2010, 25.

¹⁷¹ Barak A., Unconstitutional Constitutional Amendments, Israel Law Review, Vol.44, 2011, 337.

შეიძლება ითქვას, რომ კონსტიტუცია იმპლიციტურად ადგენს ძალაუფლების გამიჯვნის, სასამართლოს დამოუკიდებლობისა და სამართლებრივი სახელმწიფოს პრინციპებს.¹⁷² ბევრი მეცნიერის აზრით, იაპონიის კონსტიტუციაში მოცემული რამდენიმე უმნიშვნელოვანესი პრინციპი, როგორიცაა სახალხო სუვერენიტეტი, ძირითადი უფლებები და პაციფიზმი, არ შეიძლება საკონსტიტუციო ცვლილებების გზით შეიცვალოს. მსგავსი აზრია შვეიცარიის კონსტიტუციაში არსებულ შიდა შეზღუდვებთან დაკავშირებითაც¹⁷³.

ბარაკი უფრო შორსაც კი მიდის და არა მხოლოდ საკონსტიტუციო ცვლილებებზე, არამედ თავად კონსტიტუციის დებულებების კონსტიტუციურობასთან დაკავშირებითაც კი საკონსტიტუციო კონტროლის შესაძლებლობას დასაშეგად მიიჩნევს. მისი მოსაზრებით, კონსტიტუციის ნორმათა გაუქმებას იმიტომ არ უნდა მოერიდონ, რომ ისინი კონსტიტუციის ნაწილია, ვინაიდან კონსტიტუციაში არსებობს დებულებები, რომლებიც იმდენად ფუძემდებლურია და ზესაკონსტიტუციო ხასიათს ატარებს, რომ თავად კონსტიტუციაში ცვლილებების განმახორციელებელ პირებსაც ბოჭავს.¹⁷⁴ მაგ., გერმანიის ძირითადი კანონის ავტორებს სწამდათ, რომ ადამიანის ღირსება და დემოკრატია ისეთი ფასეულობებია, რომელთაც განსაკუთრებული ადგილი უნდათ ჰქონდათ კონსტიტუციაში,¹⁷⁵ შესაბამისად, მათი მომწერიგებელი ნორმების სტატუსი გერმანიის ძირითად კანონში ყველასგან განსხვავებული და გამორჩეულია, რის გამოც თავისუფლადაა შესაძლებელი, მათთან შესაბამისობის კუთხით ნებისმიერი საჯარო აქტის, მათ შორის, საკონსტიტუციო ცვლილებების კონსტიტუციურობაზე დავა.

კლასიკური ნორმატივისტული არგუმენტი ერთი დონის ნორმათა სამართლებრივი თანასწორობისა და იერარქიის აკრძალვის თაობაზე, სერიოზულ საბუთად ვერ გამოდგება, რადგან კონსტიტუციის ყველა

¹⁷² იქვე.

¹⁷³ Gatmaytan D.B., Can Constitutionalism Constrain Constitutional Change?, Northwestern Interdisciplinary Law Review, Vol.3, No.1, 2010, 26.

¹⁷⁴ Barak A., Unconstitutional Constitutional Amendments, Israel Law Review, Vol.44, 2011, 329.

¹⁷⁵ Gatmaytan D.B., Can Constitutionalism Constrain Constitutional Change?, Northwestern Interdisciplinary Law Review, Vol.3, No.1, 2010, 28.

ნორმას თანაბარი შინაარსობრივი დატვირთვა არ გააჩნია. იმის მიუხედავად, არის თუ არა სახელმწიფოს ძირითად კანონში ზუსტად განსაზღვრული, მკაფიოდ მოცემული „მუდმივი“ ნორმები და მათი უცვლელობის შესახებ რამე დებულება, შეიძლება ითქვას, რომ კონსტიტუციაში მაინც გამოიკვეთება ის ფუძემდებლური პრინციპები და სასიცოცხლო მნიშვნელობის მქონე ნორმები, რომელთა შინაარსიც არა ფორმალური, არამედ მატერიალური დატვირთვით აღმატება ნებისმიერ სხვა დებულებას.

3.3.2.2. „მუდმივი“ ნორმები და საკონსტიტუციო ცვლილებები

3.3.2.2.1. საქართველოს საკონსტიტუციო სასამართლოს პრაქტიკა

საქართველოს საკონსტიტუციო სასამართლომ „მუდმივ“ ნორმებთან დაკავშირებით რამდენიმე განმარტება გააკეთა საქმეებზე, რომლებიც კონსტიტუციური კანონის კონსტიტუციურობას ეხებოდა. საკონსტიტუციო სასამართლომ მეტად ფრთხილი მიღვომა აირჩია. სამივე შემთხვევაში სასამართლომ საკუთარი კომპეტენციის საკმაოდ ვიწრო, შეზღუდული ინტერპრეტაცია არჩია და არგუმენტაცია რამდენიმე ძირითადი მიმართულებით განავითარა: კონსტიტუციური კანონის არსი და სტატუსი, საკონსტიტუციო სასამართლოს უფლებამოსილება, კონსტიტუციის ნორმების სამართლებრივი სტატუსი და მათი ურთიერთმიმართება.

საკონსტიტუციო სასამართლომ მიიჩნია, რომ „კონსტიტუციაში ცვლილებებისა და დამატებების შემტანი კონსტიტუციური კანონი, თავად კონსტიტუციის განუყოფელი ნაწილი“¹⁷⁶ და რომ, შესაბამისად, მოსარჩევე დააყენა არა კონსტიტუციური კანონის, არამედ თავად კონსტიტუციის, კერძოდ, 70-ე მუხლის მე-9 პუნქტის კონსტიტუციურობის საკითხი.¹⁷⁷ „კონსტიტუციური კანონი, როგორც კონსტიტუციის განუყოფელი და ორგანული ნაწილი, თავად ქმნის კონსტიტუ-

¹⁷⁶ საქართველოს საკონსტიტუციო სასამართლოს 2012 წლის 24 ოქტომბრის №1/3/523 განჩინება საქმეზე, „საქართველოს მოქალაქე გერონტი აშორდია საქართველოს პარლამენტის წინააღმდეგ“, II, 3.

¹⁷⁷ იქვე.

ციურ-სამართლებრივ წესრიგს და იგი შინაარსობრივი თვალსაზრისით, ვერ იქნება საკონსტიტუციო სასამართლოს შეფასების ობიექტი. წინააღმდეგ შემთხვევაში, საქმე გვექნებოდა კონსტიტუციის ნორმების კონსტიტუციურობის შემოწმებასთან.¹⁷⁸ საკონსტიტუციო სასამართლომ კონსტიტუციური კანონის სამართლებრივი ბუნების უკეთ წარმოსაჩენად „ნორმატიული აქტების შესახებ“ საქართველოს კანონის მე-10 მუხლის მე-2 პუნქტი მოიყვანა, რომლის მიხედვითაც, კონსტიტუციური კანონი საქართველოს კონსტიტუციის განუყოფელ ნაწილს წარმოადგენს¹⁷⁹.

სასამართლომ ნორმატიულის სფეროში საკუთარი უფლებამოსილება იმგვარად განმარტა, რომ კონსტიტუციური კანონის კონსტიტუციურობაზე დავა კომპეტენციაში არ შეიტანა.¹⁸⁰ „საკონსტიტუციო სასამართლოს კომპეტენცია შემოიფარგლება საქართველოს კონსტიტუციაზე იერარქიულად ქვემოთ მდგომი ნორმატიული აქტების კონსტიტუციასთან შესაბამისობის შემოწმებით.“¹⁸¹ მისი მოსაზრებით, ვინაიდან კონსტიტუციური კანონი ძალაში შესვლის მომენტიდან „კარგავს დამოუკიდებელ ნორმატიულ შინაარსს და კონსტიტუციის შემად-

178 საქართველოს საქონსტიტუციო სასამართლოს 2010 წლის 12 ივლისის №2/2/486 განჩინება საქმეზე, „არასამეწარმეო (არაკომერციული) ოურიდოული პირი „კონსტიტუციის დაცვის ეროვნული ლიგა“ საქართველოს პარლამენტის წინააღმდეგ“, II, 2.

179 იქვე.

180 საქართველოს საკონსტიტუციო სასამართლოს 2012 წლის 24 ოქტომბრის №1/3/523 განჩინება საქმეზე, „საქართველოს მოქალაქე გერონტი აშორდია საქართველოს პარლამენტის წინააღმდეგ“; საქართველოს საკონსტიტუციო სასამართლოს 2010 წლის 12 ივლისის №2/2/486 განჩინება საქმეზე, „არასამეწარმეო (არაკომერციული) ოურიდოული პირი „კონსტიტუციის დაცვის ეროვნული ლიგა“ საქართველოს პარლამენტის წინააღმდეგ“, საქართველოს საკონსტიტუციო სასამართლოს 2013 წლის 5 ოქტომბრის №1/1/549 გადაწყვეტილება საქმეზე „საქართველოს მოქალაქები – ირმა ინშეილი, დავით თარხან-მოურავი და იოსებ მანჯავიძე საქართველოს პარლამენტის წინააღმდეგ“;

181 საქართველოს საკონსტიტუციო სასამართლოს 2012 წლის 24 ოქტომბრის №1/3/523 განჩინება საქმეზე, „საქართველოს მოქალაქე გერონტი აშორდია საქართველოს პარლამენტის წინააღმდეგ“, II, 4.

გენელი ნაწილი ხდება^{“182}, მოსარჩელე, ფაქტობრივად, კონსტიტუციის ერთი მუხლის სხვა მუხლებთან კონსტიტუციურობის შემოწმებას ითხოვდა (საქართველოს კონსტიტუციის 70-ე მუხლის მე-9 პუნქტის მიმართება კონსტიტუციის მე-17 და 28-ე მუხლებთან), რაც სცდება საკონსტიტუციო სასამართლოს კომპეტენციას.

საკონსტიტუციო სასამართლოს განმარტებით, საქართველოს კონსტიტუციის ყველა ნორმა თანაბარმნიშვნელოვანია და ისინი კონსტიტუციის, როგორც ერთიანი დოკუმენტის ჭრილში უნდა იქნას განხილული.¹⁸³ კოლეგიამ საკონსტიტუციო ცვლილებების თაობაზე დავა განიხილა კონსტიტუციის ნორმების ურთიერთმიმართების კუთხით, რითაც გაამყარა პოზიცია საკონსტიტუციო ცვლილებების განხილვის უფლებამოსილების არქონის თაობაზე.

3.3.2.2. საკონსტიტუციო სასამართლოს უფლებამოსილება და საქართველოს კონსტიტუციის „მუდმივი“ ნორმები

საკონსტიტუციო სასამართლო სამართლებრივი პერმენევტიკის მნიშვნელოვანი შემმუშავებელია, რადგანაც იგი ნორმატიულ აქტს ინტერპრეტაციის სხვადასხვა მეთოდით, ყველა შესაძლო მექანიზმის გამოყენებით განმარტავს.¹⁸⁴ კონსტიტუციის თუ სხვა სამართლებრივი ტექსტის მნიშვნელობა თავისთავად ცხადი არაა, ამისათვის აუცილებელია შესაბამისი განმარტება, უფრო მეტიც, ტექსტის გაგება სწორედ მის ინტერპრეტაციას გულისხმობს.¹⁸⁵ საკონსტიტუციო სასამართლო ძირითადად კაზუალურად და ზოგადი განმარტავს კონსტიტუციას, თუმცა აღსანიშნავია, რომ ზოგადი ინტერპრეტაციის დადგენის უფლებამოსილების მნიშვნელოვანი შემმუშავებელია, რადგანაც იგი ნორმატიულ აქტს ინტერპრეტაციის სხვადასხვა მეთოდით, ყველა შესაძლო მექანიზმის გამოყენებით განმარტავს.¹⁸⁴ კონსტიტუციის თუ სხვა სამართლებრივი ტექსტის მნიშვნელობა თავისთავად ცხადი არაა, ამისათვის აუცილებელია შესაბამისი განმარტება, უფრო მეტიც, ტექსტის გაგება სწორედ მის ინტერპრეტაციას გულისხმობს.¹⁸⁵ საკონსტიტუციო სასამართლო ძირითადად კაზუალურად და ზოგადი განმარტავს კონსტიტუციას, თუმცა აღსანიშნავია, რომ ზოგადი ინტერპრეტაციის დადგენის უფლებამოსილების მნიშვნელოვანი შემმუშავებელია საქართველოს 2013 წლის 5 თებერვლის №1/1549 გადაწყვეტილება საქმეზე „საქართველოს მოქალაქეები – ირმა ინაშიოლი, დავით თარანთოვანი და იოსებ მანჯავიძე საქართველოს პარლამენტის წინააღმდეგ“, II, 2.

¹⁸³ იქვე, II, 9.

¹⁸⁴ Сергеевин С., Конституционно-Правовое Истолкование как Особый Вид Юридической Герменевтики (Некоторые Общие Соображения), Конституционное Правосудие, №1(59), 2013, 39.

¹⁸⁵ Барак А., Судейское усмотрение, Москва, 1999, 66.

ბამოსილებით ყველა ქვეყნის სასამართლო არაა აღჭურვილი.¹⁸⁶ საქართველოს საკონსტიტუციო სასამართლო არაა უფლებამოსილი, ცალკე განსაზღვროს კონსტიტუციის ზოგადი განმარტება, იგი ინციდენტურად, კონკრეტული საქმის გარემოებების ჭრილში ადგენს კონსტიტუციის ნორმის შინაარსობრივ ასპექტებს.

კონსტიტუციისა და ნებისმიერი სამართლებრივი აქტის ნორმა უნდა განიმარტოს კონსტიტუციის პრინციპების ჭრილში, სწორედ კონსტიტუციის სულისკვეთებიდან გამომდინარე, მასით დადგენილი ღირებულებათა წესრიგის გათვალისწინებით. მხოლოდ მსგავსი მიღვომითაა შესაძლებელი კონსტიტუციის ნორმა სრულყოფილად განიმარტოს.¹⁸⁷ ინტერპრეტატორი კონსტიტუციის ფუძემდებლურ პრინციპებს განმარტავს, რის შედეგადაც იგებს კონსტიტუციის ძირითად სტრუქტურას. მსგავსი განმარტების გაკეთება კი კონსტიტუციის ისტორიის, ღირებულებების, სუპრასაკონსტიტუციო პრინციპებისა და ფუნდამენტური სოციალური ფასულობების ჭრილშია შესაძლებელი¹⁸⁸.

საქართველოს საკონსტიტუციო სასამართლოს უფლებამოსილება, განიხილოს ნორმატიული აქტების შესაბამისობა საქართველოს კონსტიტუციის მეორე თავთან მიმართებით, მოცემულია საქართველოს კონსტიტუციის 89-ე მუხლის პირველი პუნქტის „ვ“ ქვეპუნქტში. კონსტიტუციური კანონი, რომლითაც კონსტიტუციაში შედის ცვლილებები, არის ნორმატიული აქტი, რომელიც ხსენებული ნორმის სამართლებრივ მოწესრიგებაში თავსდება. კონსტიტუციური კანონის სტატუსს ადგენს „ნორმატიული აქტების შესახებ“ საქართველოს კანონი, თუმცა მის თაობაზე დეტალური ინფორმაცია არ არის მოცემული კონსტიტუციაში, შესაბამისად, ჩვეულებრივ კანონში მოცემული

¹⁸⁶ Сергеевнин С., Конституционно-Правовое Истолкование как Особый Вид Юридической Герменевтики (Некоторые Общие Соображения), Конституционное Правосудие, №1(59), 2013, 39.

¹⁸⁷ საქართველოს საკონსტიტუციო სასამართლოს 2007 წლის 26 დეკემბრის №1/3/407 გადაწყვეტილება საქმეზე „საქართველოს ახალგაზრდა იურისტთა ასოციაცია და საქართველოს მოქალაქე – ეკატერინე ლომთათიძე საქართველოს პარლამენტის წინააღმდეგ“, II, I.

¹⁸⁸ Barak A., Unconstitutional Constitutional Amendments, Israel Law Review, Vol.44, 2011, 338.

სამართლებრივი სტატუსის შესაბამისად იმის დადგენა, რომ კონსტიტუციური კანონი ავტომატურად კონსტიტუციის ნაწილია, სამართლებრივად გაუმართლებელია. საკონსტიტუციო სასამართლომ არ უნდა შეიზღუდოს თავი შიდა კანონმდებლობით. კანონმდებლის ნება რომ ყოფილიყო, შეეზღუდა საკონსტიტუციო კონტროლის შესაძლებლობა კონკრეტული ტიპის ნორმატიულ აქტებზე, კონსტიტუციაში პირდაპირ იქნებოდა ამის თაობაზე აღნიშნული. ვინაიდან კონსტიტუციის 89-ე მუხლის პირველი პუნქტის „ვ“ ქვეპუნქტი ზოგადად ნორმატიული აქტების კონსტიტუციასთან შესაბამისობის თაობაზე საკონსტიტუციო სასამართლოს უფლებამოსილებას აღენის, გაუმართლებელია კონკრეტულად კანონის ერთ-ერთი სახის (კონსტიტუციაში ცვლილებებისა და დამატებების შეტანის სამართლებრივი მექანიზმის) სამართლებრივი მოწესრიგებიდან გამორიცხვა. ამასთან, სასამართლო ერთამენტისგან არ განასხვავებს სხვადასხვა მიზნით მიღებულ კონსტიტუციურ კანონებს და ზოგადად, ყველა კონსტიტუციური კანონის კონტროლზე ამბობს უარს. რა მოხდება მაშინ, თუკი „აჭარის ავტონომიური რესპუბლიკის სტატუსის შესახებ“ კონსტიტუციური კანონის, ან მომავალში საქართველოს ტერიტორიული მოწყობის დამდგენი კონსტიტუციური კანონის რომელიმე ნორმის კონსტიტუციურობა დადგება კითხვის ნიშნის ქვეშ? რა იქნება ამ შემთხვევაში კრიზისის დაძლევის სამართლებრივი მექანიზმი? სასამართლო თავად იჭრის უმნიშვნელოვანეს სახლმუზო ორგანოდ რეალურად ჩამოყალიბების გზას.

მართალია, ძირითად შემთხვევებში სასამართლოები არ განმარტავენ კონსტიტუციის „დუმილს“ და არ აღიარებენ კონსტიტუციის ცვლილებებზე საკონსტიტუციო კონტროლის უფლებამოსილების ქონას,¹⁸⁹ თუმცა, როდესაც ძირითადი კანონის ნორმა გაძლევს სამართლებრივ საფუძველს, შეაფასო საკონსტიტუციო ცვლილების კონსტიტუციურობა და აღასრულო ჭეშმარიტი დანიშნულება – საკონსტიტუციო კონტროლი, კომპეტენციის მსგავსი აღქმა სრულიად ალოგიკურია. მაშინ, როდესაც კონსტიტუციონალისტთა ნაწილი უფრო მორს მიდის და მიიჩნევს, რომ კონსტიტუციის ნორმა, რომელსაც ფუძემდებლური ხა-

¹⁸⁹ იქვე, 332.

სიათი არ გააჩნია და ეწინააღმდევება კონსტიტუციის ძირითად პრინციპებს, უნდა გაუქმდეს,¹⁹⁰ საქართველოს საკონსტიტუციო სასამართლოს მხრიდან მსგავსი ინტერპრეტაციის დადგენა სრულიად გაუმართლებელია. მის მიერ საკუთარი კომპეტენციისა და კონსტიტუციით მინიჭებული უფლებამოსილების ასე შეზღუდული განმარტება და საკუთარი თავის ვიწრო ნორმატიულ ჩარჩოებში მოქცევა, ზედმეტად ნორმატივისტული მიღომაა, რაც პასუხისმგებლობის თავიდან არიდებას უფრო ემსახურება, ვიდრე ნორმის ადეკვატურ და შინაარსობრივ გაგებას.

ყოვლად წარმოუდგენელია საკონსტიტუციო სასამართლოს მიერ საკუთარი დანიშნულების და იდეის ისეთი გაგება, რომელიც სასამართლოსათვის ქვეყნის ძირითადი კანონის შეფასებისა და უკეთესი მოწესრიგების განსაზღვრის ფუნქციის ჩამოცილებას გულისხმობს. იბადება სრულიად ლეგიტიმური კითხვა: მაშინ რა არის საკონსტიტუციო სასამართლოს უუნქცია?

საქართველოს საკონსტიტუციო სასამართლო მიიჩნევს, რომ კონსტიტუციური კანონის დებულება ამოქმედებისთანავე ზღება კონსტიტუციის ნაწილი. შესაბამისად, მის კონსტიტუციურობაზე მსჯელობა კონსტიტუციის ნორმათა ურთიერთმიმართებისა და შიდა იერარქიის დაწესება გამოდის. არცერთ შემთხვევაში კონსტიტუციური კანონის ნორმის კონსტიტუციის ნორმად ტრანსფორმაცია არ უნდა იქნას განხილული, როგორც შეუქცევადი პროცესი, მარადიულ მოქმედებაზე გათვლილი შედეგით. მსგავსი მიღომით, მსოფლიოს იმ სახელმწიფოებშიც კი, სადაც მოქმედებს კონსტიტუციურ კანონებზე საკონსტიტუციო კონტროლის მქანიზმი, არ უნდა არსებობდეს მათი უფლებამოსილების რაიმე ლეგიტიმური საფუძლები, გამოდის, კონსტიტუციის ნორმას აუქმებენ. რაც შეეხება უშუალოდ კონსტიტუციის ნორმათა ურთიერთმიმართების საკითხს, ამ შემთხვევაში, საკონსტიტუციო სასამართლოს პოზიცია ნამდვილად არაა ახალი, რადგან მეცნიერთა ნაწილის აზრით, კონსტიტუცია მხოლოდ ერთიან ჭრილში უნდა იქნას განხილული, შესაბამისად, საკონსტიტუციო დონეზე არ შეიძლება არ-

¹⁹⁰ იქვე, 329.

სებობდეს აღმატებული, უპირატესი და რიგითი ნორმები, თუმცა აღნიშნული არ უარყოფს ზოგიერთი ნორმის განსაკუთრებულ მნიშვნელობასა და გავლენას.¹⁹¹ იმის თქმა, რომ ძირითადი კანონის ყველა დებულება თანაბარმნიშვნელოვანია, სამართლის ფორმალიზაციაა, რომელიც თანამედროვე სასამართლის განვითარებასა და მის დინამიზმთან სრულიად შეუსაბამოა.

საკონსტიტუციო სასამართლო უარყოფს „მუდმივი“ ნორმების არსებობას საქართველოს კონსტიტუციაში, რითაც ამყარებს საკუთარ პოზიციას, რომ კონსტიტუციის ცვლილებების განხილვაზე არაა უფლებამოსილი. აუცილებელი არაა კონსტიტუცია პირდაპირ ადგენდეს საკონსტიტუციო ცვლილებების თემაზიეს „შეზღუდვას („მუდმივ“ ნორმებს), რადგან ძირითად კანონში იმპლიციტურად, შინაარსობრივად მოცემული ზღვარი ექსპლიციტური შეზღუდვის თანაბარია.¹⁹² „მუდმივი“ ნორმების არსებობა არ არის აუცილებელი წინაპირობა კონსტიტუციური კანონების კონსტიტუციურობასთან დაკავშირებული კომპეტენციისათვის. მაგ., ირლანდიის კონსტიტუციას არ ვაჩნია „მუდმივი“ დებულებები, თუმცა მასში მოცემულია სპეციალური ნორმები კონსტიტუციის ცვლილებასთან და ამ ცვლილებების კონსტიტუციურობის შემოწმების თაობაზე.¹⁹³ ირლანდიის მსგავსად, ინდოეთის კონსტიტუციაც არ მოიცავს ე.წ. „მუდმივ“ ნორმებს.¹⁹⁴ მსგავსი ნორმების არარსებობის მიუხედავად, ორივე სახელმწიფოში აპრობირებულია საკონსტიტუციო ცვლილებების კონსტიტუციურობის კონტროლი.

საკონსტიტუციო სასამართლოს შეფასებით, საქართველოს კონსტიტუციაში ცვლილებებისა და დამატებების შეტანა, ზოგადად, „კონსტიტუციის გადასინჯვა პოლიტიკური პროცესის ნაწილია, რომელიც ხალხის ნების შესაბამისად, ხალხის მიერ არჩეული წარმომადგენლე-

¹⁹¹ Dietze G., Unconstitutional Constitutional Norms? Constitutional Development In Postwar Germany, Virginia Law Review, Vol.42, No.1, 1956, 18.

¹⁹² ob., Gatmaytan D.B., Can Constitutionalism Constrain Constitutional Change?, Northwestern Interdisciplinary Law Review, Vol.3, No.1, 2010, 25.

¹⁹³ Barak A., Unconstitutional Constitutional Amendments, Israel Law Review, Vol.44, 2011, 329.

¹⁹⁴ იქვე, 325.

ბის მეშვეობით ხორციელდება¹⁹⁵. სამწუხაროდ, საკონსტიტუციო სასამართლოს აზრით, მისი საქმიანობა სრულიად თავისუფალია პოლიტიკისაგან, რაც 21-ე საუკუნეში არასერიოზულად ჟღერს. წარმოუდგენელია სახელმწიფოში მიმდინარე პოლიტიკური პროცესებისგან იმ ორგანოს კომპეტენციური აბსტრაქტორება, რომელსაც ნორმატიული აქტების, მათ შორის, კანონების, გაუქმება და ხელისუფლების შტოებს შორის კონფლიქტის გადაწყვეტის საკონსტიტიტუციო მისა აქვს. აღნიშნული მოსაზრება სამოსამართლო თვითბოჭვის პრინციპის¹⁹⁶ სრული პრიმატის შემთხვევაშიც კი არარეალური იქნებოდა.

საკონსტიტუციო სასამართლო არ უნდა იძოჭებოდეს კანონმდებლობით, მისი საზღვრები კონსტიტუცია და კონსტიტუციის ფუძემდებლური პრინციპებია, რომელსაც საქართველოს კონსტიტუცია ადგნენ. საქართველოს ერთიანობა და განუყოფლობა¹⁹⁷, სახელმწიფო ტერიტორიის გასხვისების აკრძალვა¹⁹⁸, ხალხი, როგორც ხელისუფლების წყარო¹⁹⁹, სახალხო წარმომადგენლობითობა²⁰⁰, ხელისუფლების უზურპაციის აკრძალვა²⁰¹, ხელისუფლების დანაწილება²⁰², კონსტიტუციის უზენაესობა²⁰³, ადამიანის ძირითადი უფლებები, როგორც წარუგალი ფასეულობა და ხელისუფლების ძირითადი უფლებებით ბოჭვა²⁰⁴, რომლებიც მოცემულია საქართველოს კონსტიტუციაში ვერანაირად იქნება „ჩვეულებრივი“, რიგით ნორმებად მიჩნეული. შესაბამისად, ძირითადი კანონი იძლევა შესაძლებლობას, საკონსტიტუციო სასამართლომ შეაფასოს საკონსტიტუციო ცვლილებების კონსტიტუციურობა

195 საქართველოს საკონსტიტუციო სასამართლოს 2013 წლის 5 თებერვლის №1/1/549 გადაწყვეტილება საქმზე, „საქართველოს მოქალაქეები – ირმა ინაშვილი, დავით თარსან-მოურავი და იოსებ მანვაჯიძე საქართველოს პარლამენტის წინააღმდეგ“, II, 20.

196 ხუბუა გ., სამართლის თეორია, თბილისი, 2004, 106.

197 საქართველოს კონსტიტუციის პირველი მუხლის პირველი პუნქტი.

198 იქვე, მე-2 მუხლის მე-2 პუნქტი.

199 იქვე, მე-5 მუხლის პირველი პუნქტი.

200 იქვე, მე-2 პუნქტი.

201 იქვე, მე-3 პუნქტი.

202 იქვე, მე-4 პუნქტი.

203 იქვე, მე-6 მუხლის პირველი პუნქტი.

204 იქვე, მე-7 მუხლი.

სწორედ კონსტიტუციის ერთანი ნორმატიული ქსოვილის, ფუძემდებლური პრინციპების გათვალისწინებით. ამასთან, ფორმალური თვალსაზრისითაც, საკონსტიტუციო სასამართლოს არ გააჩნია რაიმე სახის აკრძალვა, რომლითაც იგი მსგავს უფლებამოსილებას საკუთარ კომპეტენციურ არსენალს ვერ მიაკუთხნებს, მით უმეტეს, როცა კონსტიტუციის 89-ე მუხლის პირველი პუნქტის „ვ“ ქვეპუნქტი ზოგად მოწესრიგებას ადგენს, რომლის ინტერპრეტაციაც თავად სასამართლოს უფლებამოსილებაა.

3.3. გვჭირდება თუ არა კონსტიტუციის ნორმათა „მუდმივობა“?

კონსტიტუციური კანონი, როგორც კონსტიტუციაში ცვლილებებისა და დამატებების განხორციელების მექანიზმი მნიშვნელოვან სამართლებრივ რეფორმას საჭიროებს. საქართველოს კონსტიტუციის სერიოზული ნაკლია კონსტიტუციის გადასინჯვის სამართლებრივი მექანიზმის განუსაზღვრელობა, რაც საბოლოო ჯამში, პრობლემებს წარმოშობს. საკონსტიტუციო ცვლილებები, რომელთა კონსტიტუციურობაც შეიძლება ეჭვის ქვეშ დადგეს, მირითადად, ეწინააღმდეგება კონსტიტუციის არსის, მმართველობის დემოკრატიულ ხასიათს და შეიძლება გულისხმობდეს ძალაუფლების გამიჯვნის, სამართლებრივი სახელმწიფოს, სასამართლოს დამოუკიდებელობისა და ადამიანის მირითადი უფლებების დარღვევას.²⁰⁵ ამ პრინციპთა უდიდესი ნაწილი საქართველოს კონსტიტუციის მიერაა აღიარებული და სახელმწიფო მმართველობის საფუძველს წარმოადგენს. შესაბამისად, მათი შეცვლა უბრალოდ ნორმის შეცვლა არ იქნება, არამედ მნიშვნელოვნად იმოქმედებს სამართლებრივი და დემოკრატიული სახელმწიფოს იდეის პრაქტიკულ რეალიზაციაზე.

გერმანიის მირითადი კანონის თანახმად, ფედერალური სისტემის, ადამიანის ღირსების ან საკონსტიტუციო წესრიგის წინააღმდეგ მიმართული საკონსტიტუციო ცვლილებები არაკონსტიტუციურად უნდა იქ-

²⁰⁵ Barak A., Unconstitutional Constitutional Amendments, Israel Law Review, Vol.44, 2011, 338.

ნას ცწობილი.²⁰⁶ მერთის შეხედულებით, საკონსტიტუციო დემოკრატიის წინააღმდეგ მიმართული ცვლილებები ვერ იქნება მოქმედი და ისინი აუცილებლად უნდა გაუქმდეს, როულზი კი თანასწორობისა და ძირითადი უფლებების საწინააღმდეგო ნებისმიერ საკონსტიტუციო ცვლილებას არაკონსტიტუციურად მიიჩნევდა.²⁰⁷ ბარაკის აზრით, კონსტიტუციის საწინააღმდეგო ჩვეულებრივ ნორმატიულ აქტსა და კონსტიტუციის ფუძემდებლური პრინციპების დამრღვევ კონსტიტუციურ კანონს შორის არავითარი სხვაობაა, შესაბამისად, საკონსტიტუციო კონტროლი ორივე მათგანზე თანაბრად უნდა გავრცელდეს²⁰⁸.

ზოგადად, მუდმივობის გარანტიები სახელმწიფოებში არც თუ ისე დიდი პოპულარობით სარგებლობს. შესწავლილი ქვეყნებიდან მთოლოდ ექვსი აცხადებს გარკვეულ დებულებებს უცვლელად.²⁰⁹ ძირითადად, უცვლელობა ვრცელდება ისეთ პრინციპებზე, რომლებიც ეხება ძირითად უფლებებს, შეართველობის ფორმას, სახალხო სუვერენიტეტს და ა.შ.²¹⁰

უცვლელობის დადებით და უარყოფით მახასიათებლებზე საკუთარ დასკვნაში ყურადღებას ვნეცის კომისია ამაზვილებს. ის აღნიშნავს, რომ „აბსოლუტური შეუვალობა არასოდეს იქნება პრაქტიკაში აბსოლუტური“. მაგ., თუ პოლიტიკური ზეწოლა გაძლიერდება, „შეუცვლელი“ წესებიც კი შეიძლება შეიცვალოს. ასეთ შემთხვევაში, საჭირო რეფორმა ისევ ხალხს დააწვება ტვირთად. ამასთან, კომისია მსჯელობს კონსტიტუციური წესრიგის ყველა ელემენტის ცვლილებისკენ მიღრეკილებაზე. „სუვერენიტეტი, დემოკრატია, რესპუბლიკანიზმი, ძირითადი უფლებები – ეს ის ცნებებია, რომლებიც წლების განმავლობაში იყენებ განუწყვეტლი გრიფიარების საგნები, როგორც საერთაშორისო, ასევე ეროვნულ დონეზე“. დღეს, მათ განსხვავებული მნიშვ-

²⁰⁶ იხ., Basic Law of Germany, Art. 2, Art. 20.

²⁰⁷ იხ., Gatmaytan D.B., Can Constitutionalism Constrain Constitutional Change?, Northwestern Interdisciplinary Law Review, Vol.3, No.1, 2010, 26.

²⁰⁸ Barak A., Unconstitutional Constitutional Amendments, Israel Law Review, Vol.44, 2011, 333.

²⁰⁹ საფრანგეთი, გერმანია, საბერძნეთი, იტალია, აზერბაიჯანი, სომხეთი; იხ., დანართი 1.

²¹⁰ იქვე.

ნელობა აქვთ იმისგან, რაც რამდენიმე ათეული წლის წინ პქონდათ – აღნიშნავს კომისია.²¹¹

ვენეციის კომისიის შეხედულებაზე ქართველი სპეციალისტების არგუმენტი ისაა, რომ ძალიან დიდი დრო, შეიძლება საუკუნეებიც კი სჭირდებოდეს ისეთ ცვლილებებს, რომელებიც ძირითადი პრინციპების შეცვლას მოითხოვს.²¹² რევოლუციას, რომელიც ახალი წესრიგის შექმნას ითვალისწინებს, მუდმივობის ნორმები ვერ შეჩერებს, თუმცა ის ეწ. „კონსტიტუციური რევოლუციის“ სცენარს გამორიცხავს.²¹³ მუდმივობის ნორმების არსებობა საკონსტიტუციო სასამართლოს შემაყოვნებლი მექანიზმის ფუნქციის შესრულების შესაძლებლობას აძლევს. კერძოდ, ის შეძლებს საკონსტიტუციო კანონმდებელს მიუთითოს მისი მოქმედების კონსტიტუციურ წესრიგთან შეუსაბამობაზე.²¹⁴

უცვლელობაზე გადაწყვეტილების მიღებისას აუცილებელია იმის გათავისება, რომ კონსტიტუცია, უმთავრესად, ხალხის აქტია. საზოგადოება მუდმივ ვითარდება. არ შეიძლება ხალხს წაართვან უფლება, მოახდინოს იმ ნორმის ცვლილების ინიცირება, რომელიც, მისი აზრით, ცვლილებას საჭიროებს და შესაბამისად, ხალხის მიერ არჩეულ, ლეგიტიმურ ორგანოს არ უნდა წაერთვას შესაძლებლობა, რაციონალური პროცედურებთ მიიღოს შესწორების გადაწყვეტილება მაშინ, როცა ამას საჭიროდ ჩათვლის.²¹⁵

²¹¹ Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010, 214, 216.

²¹² მენაბედე ვ., საქართველოს კონსტიტუციის გადასინჯვა – რა უზრუნველყოფს უზნაესი კანონის ლეგიტიმურობას, სუპერსაპრეზიდენტოდან საპრეზიდენტომდე: საკონსტიტუციო ცვლილებები საქართველოში, სტატიების კრებული, თბილისი, 2013,128

²¹³ ზედელაშვილი დ., კონსტიტუციის გადასინჯვა საქართველოში: უმრავლესობის ვწებები და კონსტიტუციური წესრიგი, სუპერსაპრეზიდენტოდან საპრეზიდენტომდე: საკონსტიტუციო ცვლილებების საქართველოში, სტატიების კრებული, თბილისი, 2013, 175.

²¹⁴ იქვე, 176.

²¹⁵ ამავე არგუმენტით არ უნდა დაწესდეს დროის შეზღუდვა კონსტიტუციის წინა გადასინჯვიდან შემდეგ გადასინჯვამდე, როგორც ამას, მაგალითად, საბერძნეთის კონსტიტუცია ითვალისწინებს.

დასკვნა

კონსტიტუციის მოქნილობასა და სიმყარეს შორის ოქროს შუალედის ძიება საერთაშორისო მასშტაბით აქტუალურია, რადგან ვერცერთი მკვლევარი ასახელებს გადაჭრით, თუ რა არის საუკეთესო მოდელი იმისათვის, რომ, ერთი მხრივ, კონსტიტუციის სიცოცხლისუნარიანობა იქნას უზრუნველყოფილი, მეორე მხრივ კი, მოხერხდეს მისი დაცვა ხშირი და პოლიტიკური მოტივით განპირობებული ცვლილებებისგან.

სათანადო ბალანსის პოვნა უჭირს ქართველ კანონმდებელსაც. საქართველოში კონსტიტუციის გადასინჯვის არც თუ ისე საამაყო პრაქტიკა დამკვიდრდა. სპეციალისტები 1995 წლის კონსტიტუციის მიღებიდან დღემდე განხორციელებულ ორივე ფართომასშტაბიან საკონსტიტუციო რეფორმას უარყოფითად აფასებენ, იმ მიზეზით, რომ ისინი მმართველი გუნდის პოლიტიკურ ამბიციებზე იყო მორგებული. ახალი საკონსტიტუციო რეფორმის მზადების პირობებში, მნიშვნელოვანია, შეიქმნას ისეთი მექანიზმი, რომელიც მომავალში კონსტიტუციას გაუმართლებელი ცვლილებებისგან დაიცავს. ოპტიმალური წესის განსაზღვრა საკითხის საფუძვლიან შესწავლას მოითხოვს.

კონსტიტუციის გადასინჯვის მოქმედი მოდელის შესწავლის საფუძველზე ბევრი თეორიული პრობლემა გამოვლინდა. პირველი მათგანი კონსტიტუციაში ცვლილებების განმახორციელებელი აქტის განუსაზღვრელობას უკავშირდება. დღემდე ამის შესახებ ინფორმაციას მხოლოდ „ნორმატიული აქტების შესახებ“ საქართველოს კანონშია მოცემული. კონსტიტუციური კანონის სტატუსიდან გამომდინარე, არ შეიძლება ეს საკითხი კონსტიტუციაზე დაბლა მდგომი აქტით განისაზღვროს. შესაბამისად, ხარვეზი აუცილებლად მოითხოვს გამოსწორებას.

განხორციელებული კვლევის შედეგად გამოიკვეთა, რომ კონსტიტუციით განსაზღვრულ გადასინჯვის ფორმებს – „ზოგად და ნაწილობრივ“ გადასინჯვას შორის ზღვარი ბუნდოვანია, რადგან რეალურად, შესაძლოა, განსაზღვრული კატეგორიის მხოლოდ რამდენიმე ნორმის ცვლილებამაც კი გამოიწვიოს მთელი კონსტიტუციის შინაარ-

სის არსებითად შეცვლა. სიტყვა „ზოგადის“ ეტიმოლოგიური მნიშვნელობის გამოკვლევისა და სხვა სახელმწიფოთა პრაქტიკის განხილვის შედეგი იმის თქმის საფუძველს იძლევა, რომ ზოგადი გადასინჯვის ფორმაში იგულისხმება სრული გადასინჯვა. თუმცა, იძლევა თუ არა არსებული ჩანაწერი ახალი კონსტიტუციის მიღების საშუალებას, განმარტების საგანია. თუ კონსტიტუციაში ცვლილებების შეტანა განიმარტება, როგორც მისი გაუქმების მიზნით ცვლილებების შეტანის შესაძლებლობაც, მაშინ საკითხი დადგითად გადაწყდება. ბუნდოვანების თავიდან ასაცილებლად, სასურველია, კანონმდებელმა თავი შეიკავოს ზოგადი (სრული) და ნაწილობრივი გადასინჯვის ფორმების განსაზღვრისგან. ამასთან, საჭიროა მითითება, რომ კონსტიტუციის გადასინჯვა შეიძლება განხორციელდეს მასში ცვლილებების შეტანის ან ახალი კონსტიტუციის მიღების მიზნით.

კონსტიტუციის გადასინჯვის კანონპროექტის ინიციატორთა საკითხის შედარებითსამართლებრივმა ანალიზმა აჩვენა, რომ სახელმწიფოთა უმრავლესობა ინიცირების უფლებას პარლამენტს, პარლამენტის წევრს, სახელმწიფოს მეთაურს ან ხალხს ანიჭებს. მმართველობის ფორმის შეცვლის პირობებში, უპრიანი იქნება, თუ ინიციატორ სუბიექტთა წრის გაზრდაზე კანონმდებლი უარს იტყვის და არსებულ ჩანაწერს უცვლელად დატოვებს.

მოქმედი მოწესრიგების კიდევ ერთი პრობლემა საყოველთაო-სახალხო განხილვის პროცედურის ფორმალურობასა და სათანადო მოუწესრიგებლობას უკავშირდება. სახალხო მონაწილეობა კონსტიტუციის ღვევიტიმაციის განმაპირობებელი მნიშვნელოვანი, მაგრამ არა განმაზღვრელი ელემენტია. იმ თვალსაზრისით, რომ კონსტიტუცია სახალხო დოკუმენტია და მოქალაქეთა მონაწილეობა მისი დებულებების შემუშავებაში მნიშვნელოვნად აამაღლებს კონსტიტუციისადმი მათ დამოკიდებულებას, საყოველთაო-სახალხო განხილვის შენარჩუნება, შესაძლოა, პერსპექტიული იყოს.

საქართველოს კანონმდებლობა არ განსაზღვრავს საყოველთაო-სახალხო განხილვის პროცედურას, რაც ამ ინსტიტუტს ერთობ გაურკვეველ სახეს სძენს. ფორმალურობის შთაბეჭდილებას ტოვებს

განხილვის ერთოვიანი ვადა, რომელიც, აუცილებლად უნდა გაიზარდოს მინიმუმ 2 თვემდე, რათა პროექტის საფუძვლიანი განხილვის შესაძლებლობა არსებობდეს. ამასთან, საქართველოს უახლეს ისტორიაში არსებული, საყოველთაო-სახალხო განხილვისადმი უპასუხისმგებლობამოკიდებულების მომავალში თავიდან ასაცილებლად, უნდა განისაზღვროს საპარლამენტო განხილვისას კანონპროექტის არსებითად ცვლილების შემთხვევაში, მისი სახალხო განხილვისთვის ხელმეორედ წარდგენის ვალდებულებაც. კანონპროექტის ხელმეორედ წარდგენის შემთხვევაში, სასურველია, ვადა არ შემცირდეს, რადგან არსებითად განსხვავებული ტექსტი მოითხოვს ისეთივე საფუძვლიან განხილვას, როგორსაც თავდაპირველი ვარიანტი. წინააღმდეგ შემთხვევაში, საყოველთაო-სახალხო განხილვა კვლავაც ფორმალურ სახეს შეინარჩუნებს.

ბუნდოვანია პარლამენტის მიერ კონსტიტუციური კანონის პროექტის განხილვის დაწყების ვადის საკითხიც. მოქმედი რედაქცია პარლამენტს არ ზღუდავს, საყოველთაო-სახალხო განხილვის დასრულების შემდგომ, მაგ., 6 თვის ან 1 წლის შემდეგ დაიწყოს კანონპროექტის განხილვა. იმ შემთხვევაში, თუ განხილვა 2 თვის განმალობაში გაგრძელდება, უპრიანია, განისახლვეროს პარლამენტის ვალდებულება, კანონპროექტის განხილვა დაიწყოს მისი საყოველთაო-სახალხო განხილვისთვის გამოქვეყნებიდან არაუადრეს 2 და არაუგვიანეს 3 თვისა.

ნაშრომში გამოყენებულია შედარებით-სამართლებრივი, სტატისტიკური და ანალიტიკური კვლევა, განხილულია სპეციალისტთა განსხვავებული მიღებები კონსტიტუციის მოქნილობასა და სიმყარეს შორის ბალანსის დამყარების საკითხზე. ჩატარებული კვლევები აჩვენებს, რომ თეორეტიკოსების მიერ შემოთავაზებული კონსტიტუციის გადასინჯვის როლი და მრავალსუბიექტიანი პროცედურის არსებობის პირობებშიც კი, ზოგიერთ სახელმწიფოში კონსტიტუცია მაინც ხშირად იცვლება.

სახელმწიფოთა დიდი ნაწილი არასაგალდებულო წესით მაინც ითვალისწინებს კონსტიტუციის გადასინჯვის პროცესში ხალხის მონაწილეობას. კონსტიტუციის ლეგიტიმაციისთვის ამას არსებითი მნიშვნელობა არა აქვს, მის სიმყარეზე კი გარკვეულ გავლენას ახდენს. რეფერენდუმის მიმზიდველი მახასიათებლების გარდა, ნაშრომში საუბარია

მის თანდაყოლილ საფრთხეებზეც. საკითხის ანალიტიკური კვლევა საშუალებას გვაძლევს ვთქვათ, რომ კონსტიტუციის მიღებისა და გადასინჯვისთვის ყველაზე შესაფერისი სუბიექტი პარლამენტია. მისი მიღებული კონსტიტუცია ისეთივე ლეგიტიმურია, როგორიც რეფერენდუმზე მიღებული, რადგან თავად პარლამენტია ხალხის მიერ არჩეული ლეგიტიმური ორგანო, რომლის ძირითადი ფუნქცია კანონშემოქმედებაა. თუმცა საკონსტიტუციო ცვლილებების განხორციელების დროს ფართო კონსენტუსის მიღწევის მნიშვნელობიდან გამომდინარე, საყოველთაო-სახალხო განხილვის რეალური დანიშნულების განხორციელების პირობებში, პარლამენტის, როგორც დამტურებლისა და ხალხის, როგორც ცვლილებების განხილვაში ჩართული სუბიექტის, კომბინაცია, საკმაოდ ეფექტური იქნებოდა.

კვლევის შედეგად პლურალურ ვოლტუმსა და უცვლელ ნორმებზე უარი ითქვა. პირველ მათგანს არასასურველს ხდის, ერთი შერივ, იმის შესაძლებლობა, რომ სახალხო ინიციატივის შემთხვევაში, დეპუტატები საკუთარ მანდატს გაუფრთხილდნენ და კანონპროექტი პირველივე კენჭისყრაზე უარყონ, მეორე მხრივ კი, ამომრჩეველზე ზემოქმედების ელემენტი. მოქალაქე შეიძლება ეთანხმებოდეს საკონსტიტუციო ცვლილებებს, მაგრამ არ სურდეს იმავე გუნდის ხელისუფლების სათავეში მოსვლა. საკონსტიტუციო ცვლილებების მიმართ ხალხის დამოკიდებულების არჩევნებთან დაკავშირება, პოლიტიკოსებს ხალხზე მანიპულირების შესაძლებლობას აძლევს.

ორმაგი ვოლტუმის შედარებით მარტივი, საქართველოს მსგავსი მოდელის მქონე სახელმწიფოების კონსტიტუციიებში შეტანილი ცვლილებების სიხშირეზე დაკირვებით, მათი კონსტიტუციების სიმყარისგან, რომლებიც პლურალურ ვოლტუმს ამკვიდრებენ, იმ შემთხვევაში, თუ განსაზღვრულია რომელიმე დამატებითი დაპრკოლება. აქედან გამომდინარე, უპრიანი იქნება, დარჩეს სამთვარი შუალედით კანონპროექტის განხილვისა და მიღების მოთხოვნა. ამასთან, ასეთი ფორმა იმ შემთხვევაში შექმნის სტაბილურობის პერსპექტივას, თუ დამკვიდრდება სხვა დამატებითი დამცავი მექანიზმიც. კანონპროექტის მიღებისთვის საჭირო 3/4-ის

უმრავლესობას ბევრი მოწინააღმდეგე ჰყავს, მაგრამ დამატებითი დაბრ-კოლების დამკვიდრების გარეშე კვორუმის 2/3-მდე დაწევამ საპარლა-მენტო უმრავლესობას, შესაძლოა, ისევ საკუთარი პოლიტიკური სურ-ვილების კონსტიტუციაში ასახვის გზა გაუხსნას, რაც კონსტიტუციის დაცას, წარსულის მსგავსად, კვლავაც შეუძლებელს გახდის. ამასთან, ხსენებული დამატებითი დაბრკოლება არ უნდა იყოს უცვლელი დებუ-ლებები. დემოკრატიული მმართველობის, რესპუბლიკანიზმის და სხვა მსგავსი პრინციპების „უცვლელობაზე“ უარის თქმის მთავარი მოტივი ხალხის განვითარების უფლებაა. ნებისმიერი პრინციპი, დროთა გან-მავლობაში, შეიძლება სხვაგვარად განიმარტოს. მუდმივი დებულებების პირობებში კი ხალხს შესაძლებლობა ერთმევა, აუცილებლობის შემთხვევაში, კანონიერი გზებით შეცვალოს კონსტიტუცია. თუმცა არ-სებობს საკონსტიტუციო დონეზე უზრუნველყოფილი რამდენიმე პრინ-ციპი, რომელიც მისი ფორმალური „მუდმივობის“ არასებობის მიუხ-ედავად, კონსტიტუციაში „სამუდამოდ“ არსებობისთვისაა განწირული. ძნელი წარმოსადგენია, ისეთი დებულებები, რომლებიც დემოკრატიული მმართველობის, ძალაუფლების გამიჯვნის (ხელისუფლების დანაწილე-ბის) და სხვათა უზრუნველყოფის საფუძველს წარმოადგენს, სამარ-თლებრივი გზით დემოკრატიულ სახელმწიფოში ოდესმე შეიცვალოს. შესაბამისად, მათ ცვალებადობაზე საუბარი მხოლოდ და მხოლოდ სა-კონსტიტუციო თეორიის დონეზე არსებული სპეციალურია და არა ჯანსაღი სამართლებრივი, რაც მთავარია სინამდვილის აღეცვატური აღქმით განპირობებული, შინაარსობრივი მსჯელობა.

საკონსტიტუციო ცვლილებები, მათი შინაარსობრივი დატვირთვიდან გამომდინარე, მომეტებული საზოგადოებრივი და სამართლებრივი ინ-ტერექსის საგანია, შესაბამისად, გასაკვირი არცაა მათ მიმართ განსაკუ-თორებული სამართლებრივი რეჟიმის არსებობა. ის ფაქტი, რომ კონს-ტიტუციური კანონით ცვლილება შედის კონსტიტუციაში, არ უნდა იყოს თავად ამ კანონის დაცვის საფუძველი, რადგანაც კონსტიტუციის ცვლილება, თავისი შინაარსით, ისევე შეიძლება არღვევდეს ქვეყნის მირითად კანონს, როგორც ნებისმიერი სხვა ნორმატიული აქტი.

საკონსტიტუციო ცვლილებების არაკონსტიტუციურად გამოცხადება, უმრავლეს შემთხვევაში, ეფუძნება კონსტიტუციაში „ფუძემდებლური“, „მუდმივი“, „აუცილებელი“ ნორმის ცნებასა და არსე.²¹⁶ ეს სტატუსი კი თავად კონსტიტუციით ან საკონსტიტუციო კონტროლის ორგანოების მიერ შევასებით განისაზღვრება. საქართველოს საკონსტიტუციო სასამართლომ უარი თქვა მსგავს უფლებამოსილებაზე, მან თავიდან აიცილა კონსტიტუციური კანონების კონსტიტუციურობასთან დაკავშირებით სამართლებრივი კომპეტენცია, როთაც ვერ გამოიყენა ისტორიული შანსი, გამხდარიყო სახელმწიფოს პოლიტიკურ-სამართლებრივი პროცესების რეალური გამაწონასწორებელი ინსტიტუცია. ამ შემთხვევაში, მეორეხარისხოვანია, როთი დასრულდებოდა ამ საკითხთან დაკავშირებული სამიერე საქმე, რადგანაც ეს უკვე შინაარსობრივი საკითხია. სამწუხაროდ, საკონსტიტუციო სასამართლომ უარი განაცხადა საკონსტიტუციო ცვლილებების განხილვაზე, რაც სამართლებრივად სრულყოფილად ვერ დაასაბუთა.

პოსტკომუნისტურ სახელმწიფოებში განსაკუთრებული მნიშვნელობა ენიჭებათ საკონსტიტუციო სასამართლოებს, რომელთაც შეუძლიათ გარდამტები როლი შეასრულონ დემოკრატიზაციის პროცესში, თუმცა ამისათვის აუცილებელია პასუხისმგებლობის საკუთარ თავზე აღება, სამართლის სიღრმისეული ანალიზი და სამართლებრივი რისკი, რომელიც განვითარების ეტაპზე ყოველთვის გამართლებულია. სტატუს კვოს შენარჩუნების მცდელობა და სტატიკური მდგომარეობა, რომელიც ამჟამად უჭირავს სასამართლოს, ვერ უბამს მხარს თანამედროვე სამართლის განვითარებასა და დინამიკურობას.

ამ ყოველივესთან ერთად, ისიც უნდა აღინიშნოს, რომ კონსტიტუციის წარმატება დამოკიდებული არ არის მხოლოდ ნორმატიულ მოწე-სრიგებაზე. მასზე მნიშვნელოენად მოქმედებს ქვეყნის ეკონომიკა, საგარეო ურთიერთობები და სხვა ფაქტორები, რაზეც კონსტიტუციის შემქმნელების კონტროლი არ ვრცელდება.²¹⁷ მიუხედავად ამისა, კა-

²¹⁶ Dixon R., Transnational Constitutionalism and Unconstitutional Constitutional Amendments, University of Chicago, Public Law Working Paper, No.349, 2011, 5.

²¹⁷ შვარცი ჰ., კონსტიტუციის მშენებლობის საფეხურები, საკონსტიტუციო სამართლის მიმზილვა, №1, 2006, 11.

ნონმდებელმა, თავის მხრივ, აუცილებლად უნდა დაადგინოს ეფექტიანი წესები, რომელიც ძირითად კანონს დაიცავს იმ ფარგლებში, რაც მის მიერ კონტროლებადია.

ყოველივე ზემოთქმულის გათვალისწინებით, ნაშრომში კონსტიტუციის გადასინჯვის ოპტიმალური მექანიზმის შემუშავებასთან დაკავშირებით გაეთებულია შემდეგი ძირითადი დასკვნები:

- კონსტიტუციის მიღების უფლებით აღჭურვილი უნდა იყოს პარლამენტი;
- კონსტიტუციაში უნდა ჩაიწეროს, რომ გადასინჯვა ხდება კონსტიტუციური კანონით, შესაბამისად, 102-ე მუხლში არსებული ჩანაწერი: „კონსტიტუციის გადასინჯვის კანონპროცესი“ უნდა შეიცვალოს შემდეგნაირად: „კონსტიტუციის გადასინჯვის შესახებ კონსტიტუციური კანონის პროცესი“;
- ბუნდოვანების აღმოსაფეხურულად, უარი უნდა ითქვას კონსტიტუციის გადასინჯვის ფორმების გამოყოფაზე, თუმცა დაკონკრეტდეს, რომ კონსტიტუციის გადასინჯვა შეიძლება განხორციელდეს კონსტიტუციაში ცვლილებების შეტანის ან ახალი კონსტიტუციის მიზნით;
- ინიციატორ სუბიექტთა წრე, სასურველია, უცვლელი დარჩეს;
- საყველთაო-სახალხო განხილვის რეალური მიზნის მისაღწევად, ვადა უნდა გაიზარდოს მინიმუმ 2 თვემდე; კანონმდებლობით უნდა გაიწეროს საყველთაო-სახალხო განხილვის პროცედურა; უნდა განისაზღვროს პარლამენტის გაღდებულება, საპარლამენტო განხილვის დროს მისი არსებითად ცვლილების შემთხვევაში, საყველთაო-სახალხო განხილვაზე ხელახლა წარდგენის შესახებ;
- სასურველია, კონსტიტუციით განისაზღვროს კანონპროცესის საპარლამენტო განხილვის დაწყების მინიმალური და მაქსიმალური ვადა;
- კანონპროცესის განხილვისა და მიღების წესი უნდა დაიხვეწოს. კერძოდ, შეიძლება შენარჩუნდეს ორმაგი ვოტუმი, მაგრამ კვორუმის 2/3-მდე დაწევის პირობებში, აუცილებლად უნდა დამკარგდებოდეს მისაღწევად.

ვიდრდეს არამართლზომიერი ცვლილებებისგან კონსტიტუციის და-
მატებითი დამცავი მექანიზმი;

• მეტი დაცულობის უზრუნველსაყოფად, საკონსტიტუციო სასა-
მართლოს უნდა მიენიჭოს საკონსტიტუციო ცვლილებების კონსტი-
ტუციურობის შემოწმების უფლებამოსილება.

წარმოდგენილი რეკომენდაციები სპეციალისტთა გარკვეული წრისთ-
ვის, შესაძლოა, არ წარმოადგენდეს საკითხის საუკეთესო გადაწყვეტას.
იმ შემთხვევაშიც კი, თუ ის გახდება მსჯელობისა და კრიტიკის საგა-
ნი, კონსტიტუციის გადასინჯვის მექანიზმის ძიება კიდევ ერთი ნაბი-
ჯით წაიწევს წინ, რადგან საკითხის მრავალმხრივი შესწავლა და გან-
ხილვა ქმნის იმის პერსპექტივას, რომ საბოლოოდ, შემუშავდება და
მიიღება საქართველოს სინამდვილეზე მორგებული კონსტიტუციის გა-
დასინჯვის ეფექტიანი მექანიზმი.

კონსტიტუციის გადასინჯვეის მექანიზმები საზღვარგარეთის ქვეყნებში¹

სახელმწიფო	ინცირება/ კვორუმი	მიღება ან/და რატიფიცირება	სხვა მახასიათებლები
ნორვეგია	ინიცირება არჩევნებამდე, მიღება არჩევნების შემდეგ - 2/3		ცვლილებებს პარლამენტი იღებს, დამტკიციდებლად.
შვედეთი	ორი იდენტური გადაწყვეტილება. მეორე – არჩევნების შემდეგ	რეფერენდუმი – რიქსდაგის წევრთა 1/10-ის მოთხოვნით	რეფერენდუმის მოთხოვნას მხარი უნდა დაუჭიროს წევრთა 1/3- მა.
დანია	არჩევნებამდე – 1/2 არჩევნების შემდეგ – 1/2	რეფერენდუმი	რეფერენდუმზე საჭიროა ამომრჩეველთა საერთო რაოდენობის 40 %-ის მხარდაჭერა.
ფინეთი	არჩევნებამდე – 1/2 არჩევნების შემდეგ – 2/3		დაჩქარებული წესით – 5/6.

¹ <<http://www.codices.coe.int>> [04.04.2015]
<<http://confinder.richmond.edu>> [04.04.2015].

ისლანდია	არჩევნებამდე – 1/2 არჩევნების შემდეგ – 1/2 იწონებს პრეზიდენტი.	რეფერენცუმი – მხოლოდ განს. ნორმებზე	რეფერენცუმის ჩატარება მოთხოვნილია მხოლოდ შესწორებებზე ეკლესიის სტატუსის შესახებ.
ესტონეთი	პირველი კენჭისყრა – 1/2 მეორე კენჭისყრა – 3/5	რეფერენცუმი - სახელმწიფო კრიბის 3/5 მოთხოვნით	დაჩქარებული წესით განხილვა – 4/5.
ლატვია	ხმათა 2/3, სამი მოსმენით	რეფერენცუმი – განს. ნორმების შესწორებაზე	რეფერენცუმზე წარდგნილია, მაგალითად, შესწორებები ზოგად დებულებებში.
ლიტვა	პირველი კენჭისყრა – 2/3 მეორე კენჭისყრა – 2/3	რეფერენცუმი – განს. ნორმების შესწორებაზე	პირველ და მეორე კენჭისყრებს შორის უნდა იყოს 3-თვაანი ინტერვალი. რეფერენცუმზე წაღვენილი შესწორებები მოიღება მოქალაქეთა 3/4-ის მხარდაჭერით.
ავსტრალია	ქვედა პალატა – 1/2 ზედა პალატა – 1/2	რეფერენცუმი - 1/2	პროექტი ორივე პალატის მიერ მიღებიდნ 6 თვის განმ. გადაეცემა თითოეული შტატის ან ტერიტორიის მოქალაქეებს.

ავსტრია	ქვედა პალატა – 2/3	რეფერენცუმი - წევრთა 1/3-ის მოთხოვნით	სრული გადასინჯვა უნდა წარედგინოს სასალხო კენჭისყრაზე.
ბელგია	არჩევნებამდე – განაცხადი; არჩევნების შემდეგ – ქვედა პალატა – 2/3; ზედა პალატა – 2/3.		პალატები მეფესთან ერთობლივი შეთანხმებით იღებენ გადაწყვეტილებას გადასასინჯი მუხლების შესახებ.
საფრანგეთი	(1) ქვედა პალატა – 1/2 ზედა პალატა – 1/2 (2) პარლამენტი – 3/5	რეფერენცუმი	რეფერენცუმი არ ტარდება, თუ პრეზიდენტი გადაწყვეტის პროექტის გადაცემას კონგრესის სახით მოწვეული პარლამენტისთვის. მმართველობის რესპუბლიკური ფორმა არ გადაისინჯება.
გერმანია	ქვედა პალატა – 2/3 ზედა პალატა – 2/3		უცვლელი დებულებები: ფედერაციის მიწიგად დაყიფა, ადამიანის ღირსება და ა.შ.

საბერძნეთი	არჩევნებამდე – 3/5 (ორჯერ) არჩევნების შემდეგ – 1/2		გადასინჯვის აუცილებლობა დგინდება პარლამენტის მიერ, 1 თვის ინტერვალით ჩატარებული 2 კრიზისურით. აქვთ უცვლელი დებულებებიც. მაგ: ლირსების დაცვა, რელიგიის თავისუფლება.
ირლანდია	ქვედა პალატა – 1/2 ზედა პალატა – 1/2	რეფერენდუმი – 1/2	
იტალია	(1)ქვედა პალატა – 1/2 (ორჯერ) ზედა პალატა – 1/2(ორჯერ) (2) ქვედა პალატა – 1/2 და 2/3 ზედა პალატა – 1/2 და 2/3	რეფერენდუმი – მხოლოდ პირველ შემთხვევაში	რეფერენდუმი ტარდება ერთ-ერთი პალატის წევრთა 1/5-ის, 50000 ამომრჩევლის ან ხუთი რეგიონული საბჭოს მოთხოვნით და მიღება ხალხის ხმათა უმრავლესობით. შპრავლების რესპუბლიკური ფორმა არ გადაისინჯება.

იაპონია	ქვედა პალატა – 2/3 ზედა პალატა – 2/3	რეფერენცუმი – 1/2	შესწორება დამტკიცებულად ითვლება, თუ მას რეფერენცუმზე ან არჩევნებზე – როგორც ამას პარლამენტი გადაწყვეტს, ხმას მისცემს კენჭისფრაში მონაწილეობა უმრავლესობა.
ლუქსემბურგი	არჩევნებამდე – 1/2 არჩევნების შემდეგ – 2/3		ახალარჩეული პალატა პალატა დიდ პრიუგან შეთანხმებით წყვეტს გადასასინჯ საკითხთა შრეს.
ნიდერლანდი	არჩევნები – 1/2 (ორივე პალატა) არჩევნების შემდეგ – 2/3 (ორივე პალატა)		ცვლილებებს ამტკიცებს მუშა.
პორტუგალია	პარლამენტი – 2/3		დადგენილია გარტვეული შეზღუდვები. მაგ: გადასინჯვის შესახებ კანონები პატივს უნდა სცემდეს სახელმწიფოს ეროვნულ დამოუკიდებლობას და ერთიანობას, მმართ. რესპუბლიკურ ფორმას და ა.შ.

ქსპანეთი	(1)ქვედა პალატა – 3/5 ზედა პალატა – 3/5 (2) ქვედა პალატა – 2/3 ზედა პალატა – 1/2	რეფერენცუმი – 1/10-ის მოთხოვნით	მეორე შემთხვევაში საჭიროა აბსოლუტური უძრაველესობა. განსხვავებული წესია მთლიანი გადასინჯვისა და განსდებულებების გადასინჯვისათვის.
შვეიცარია	ქვედა პალატა – 1/2; ზედა პალატა – 1/2	რეფერენცუმი	სრულად ან ნაწილობრივ გადასინჯვილი კონსტიტუცია ძალაში შედის ხალხისა და კანტონების მიერ მისი დამტკიცებისთანავე.
აშშ	(1)ქვედა პალატა – 2/3 ზედა პალატა – 2/3 (2)კონკენტის მოწვევა – 2/3-ის მოთხოვნით	რატიფიცირება – 3/4	
არგენტინა	ქვედა პალატა – 2/3 ზედა პალატა – 2/3		ცვლილებები ხორციელდება მხოლოდ ამ მიზნით მოწვეული კონკენტის მიერ.

სერბეთი	პარლამენტი – 2/3	რეფერენდუმი – 1/2	ეროვნული კრება ვალდებულია გაიტანოს რეფერენდუმზე ცვლილებები, რომელიც ეხება მაგ: პრეამბულას, ადამიანის და უმცირესობის უფლებებს და ა.შ.
სლოვენია	პარლამენტი – 2/3	რეფერენდუმი – 1/2	რეფერენდუმზე შესწორება გაიტანება 30 დეკუტატის მოთხოვნით.
პოლონეთი	სეიმი – 2/3 სენატი – 1/2	რეფერენდუმი – 1/2	დამდგენი რეფერენდუმი ტარდება I, II, ან XII თავების შესწორების შემთხვევაში, ინიციატორთა მოთხოვნით.
ბელარუსი	(1) ქვედა პალატა – 2/3 (ორჯერ) ზედა პალატა – 2/3(ორჯერ) (2) რეფერენდუმი	რეფერენდუმი – 1/2	პარლამენტი პროექტს განიხილავს და ამტკიცებს ორჯერ სამი თვის შუალედით. I, II, IV და VIII თავები გადაისინჯება მხოლოდ რეფერენდუმით.

აზერბაიჯანი	მილი მეცნისი – 95 წმა		პროექტს კენჭი ეყრება 2-ჯერ. მეორე კენჭისცირა იმპროტება პირველი კენჭისცრიდან 6 თვის შემდეგ. ზოგად დაბულებებთან დაკავშირებით ცვლილებების შეტანა დაუშვებელია.
სომხეთი	ეროვნული კრება – 1/2	რეფერენცუმი- 1/2	რეფერენცუმი პრეზიდენტის მიერ ინიშნება ეროვნული კრების წევრთა უმრავლესობის წინადაღებით ან თანამობით. აქვთ უცვლელი დაბულებებიც.
ალბანეთი	კუვენდი - 2/3	რეფერენცუმი	კუვენდის წევრთა 2/3-ის მოთხოვნით პროექტი გადის რეფერენცუმზე. დამტკიცებული შესწორება რეფერენცუმზე წარედგინება კუვენდის წევრთა 1/5-ის მოთხოვნით.

ბულგარეთი	ეროვნული კრება – 3/4, სამი კენჭისყრით		პროექტი განიხილება შეტანიდან არაუგდრეს 1 და არაუგვიანეს 3 თვისა. ახალი კონსტიტუცია, ასევე ცელიღლებები განს. საკითხებზე მიიღება დიდი ეროვნული კრების მიერ.
მოლდავეთი	პარლამენტი – 2/3	რეფერენდუმი – განს. მუხლების შესწორებაზე	პროექტები პარლამენტს წარედგინება არანაკლებ 4 მოსამართლის მიერ მიღებულ გადაწყვეტილებასთან ერთად.
უკრაინა	უმაღლესი რადა – 2/3 მორიგ სესიაზე	რეფერენდუმი – განს. ნორმათა ცვლილებაზე	პროექტი უმაღლესი რადას მიერ განიხილება საკონსტ. სასამართლოს დასკვნის არსებობისას, განს. მუხლების მოთხოვნებთან პროექტის შესაბამისობაზე.
თურქეთი	დიდი ეროვნული კრება – 3/5	რეფერენდუმი – 1/2	
რუსეთი	ფედერაციის საბჭო – 3/5 სახელმწიფო სათათბირო – 2/3	რეფერენდუმი – 1/2	კონსტიტუციის ახალი პროექტი მიიღება კონსტ. კრების ხმათა 2/3-ით ან გაიტანება რეფერენდუმზე.

ბიბლიოგრაფია

სამეცნიერო ლიტერატურა

1. ბაბეკი ვ., კონსტიტუციის შემუშავება და მიღება საქართველოში (1993-1995), პ: გუბლიაშვილის თარგმანი, თბილისი, 2002
2. ბაბეკი ვ., ფიში ს., რაიცენგბაცერი ც., კონსტიტუციის გადასინჯვა – საქართველოს გზა ევროპისექნ, ავთანდილ დემეტრაშვილის წინათქმით, თბილისი, 2013
3. ბერიუსი გ., რუხაძე ზ., კვაჭაძე მ., გაფრინდაშვილი ლ., იზორია ლ., დემოკრატია და მოქალაქეობა, თბილისი, 2011
4. ბლანკენაგელი ა., გაული ვ., კონსტიტუციური მომენტები და საქართველოს კონსტიტუციონალიზმის ყოველდღიური ცხოვრება, ჟურნ. „ადამიანი და კონსტიტუცია“, №4, 2000
5. გეგენავა დ., კონსტიტუციის განმარტება და მასთან დაკავშირებული ზოგიერთი პოლიტიკურ-სამართლებრივი საკითხი, ჟურნ. „თანამედროვე სამართლის მიმოხილვა“, №1, 2013
6. გეგენავა დ., ქანთარია ბ., ცანავა ლ., თევზაბე თ., მაჭარაძე ზ., ჯავახიშვილი პ., ერქვანია თ., პაპაშვილი თ., საქართველოს საკონსტიტუციო სამართალი, მეორე გამოცემა, თბილისი, 2014
7. გეგენავა დ., ქანთარია ბ., ცანავა ლ., თევზაბე თ., მაჭარაძე ზ., ჯავახიშვილი პ., ერქვანია თ., პაპაშვილი თ., საქართველოს საკონსტიტუციო სამართალი, თბილისი, 2013
8. გულუა ბ., ფიქრები საქართველოს კონსტიტუციაზე, წიგნი I, თბილისი, 2003
9. დემეტრაშვილი ა., საქართველოს 1921 წლის 21 თებერვლის კონსტიტუცია 2011 წლის გადასახედიდან, წიგნში: ქართული კონსტიტუციონალიზმის სათავებთან – საქართველოს 1921 წლის კონსტიტუციის 90 წლისთავი, ბათუმი, 2011
10. დემეტრაშვილი ა., კობახიძე ი., კონსტიტუციური სამართალი, თბილისი, 2011
11. ზედელაშვილი დ., კონსტიტუციის გადასინჯვა საქართველოში: უძრავლესობის ვწებები და კონსტიტუციური წესრიგი, სუპერსაპრეზიდენტოდან საპრეზიდენტომდე: საკონსტიტუციო ცელილებების საქართველოში, სტატიების კრებული, თბილისი, 2013
12. კახიანი გ., საკონსტიტუციო კონტროლი საქართველოში, თეორია და კანონმდებლობის ანალიზი, თბილისი, 2011
13. კონსტიტუციური სამართალი, ა. დემეტრაშვილის რედაქტორობით, თბილისი, 2005

14. მაისურაძე ნ., სამართლებრივი შემოქმედება, სამართლებრივი კულტურისა და სამართლებრივი პლურალიზმის საკითხები, ადამიანი და კონსტიტუცია, 2006, №3
15. მაცაბერიძე მ., საქართველოს 1921 წლის კონსტიტუცია: შემუშავება და მიღება, თბილისი, 2008
16. მაცაბერიძე მ., საქართველოს 1921 წლის კონსტიტუციის პოლიტიკური კონცეფცია, თბილისი, 1997
17. მაცაბერიძე მ., საქართველოს 1921 წლის კონსტიტუცია, შემუშავება და მიღება, ნაწილი 2, საქართველოს პოლიტიკური განათლების ასოციაცია, თბილისი, 1993
18. მაცაბერიძე მ., საქართველოს 1921 წლის კონსტიტუციის შემუშავება და მიღება, წიგნში: ქართული კონსტიტუციონალიზმის სათავეებთან – საქართველოს 1921 წლის კონსტიტუციის 90 წლისთავი, ბათუმი, 2011
19. მელქაძე ო., კონსტიტუციონალიზმი, თბილისი, 2006
20. მელქაძე ო., საქართველოს კონსტიტუციური სამართალი, თბილისი, 2008
21. მელქაძე ო., ქართული კონსტიტუციონალიზმის შავი ყუთი, თბილისი, 2007
22. მენაბედე ვ., საქართველოს კონსტიტუციის გადასინჯვა – რა უზრუნველყოფს უზენაესი კანონის ლეგიტიმურობა?, სუპერსაპრეზიდენტოლან საპარლამენტომდე, საკონსტიტუციო ცვლილების საქართველოში, სტატიების კრებული, თბილისი, 2013
23. მონტესკიე შ. ლ., კანონთა გონი, დ. ლაბუჩაძის თარგმანი, თბილისი, 1994
24. მუსხელიშვილი მ., კონსტიტუციის დისკურსული ლეგიტიმაცია, თბილისი, 2006
25. ელინეგა გ., ძველი სამართლის ბრძოლა ახალ სამართალთან, ზ. ნანობაშვილის თარგმანი, თბილისი, 2006
26. პაპაშვილი ო., საქართველოს დემოკრატიული რესპუბლიკის სასამართლო სისტემა – ძირითადი სამართლებრივი ასპექტები, საქართველოს დემოკრატიული რესპუბლიკა და 1921 წლის კონსტიტუცია, მოხსენებების ქრებული, თბილისი, 2013
27. პაპუაშვილი გ., საქართველოს დემოკრატიული რესპუბლიკის 1921 წლის კონსტიტუცია 90 წლის გადასახედიდან, საქართველოს დემოკრატიული რესპუბლიკის 1921 წლის კონსტიტუცია, მე-2 გამოცემა, ბათუმი, 2013
28. საზოგადოების ხედება საქართველოს კონსტიტუციის რეფორმაზე, პოლანდიის მრავალპარტიული დემოკრატიის ინსტიტუტი (NIMD), 2010
29. საქართველოს დემოკრატიული რესპუბლიკის სამართლებრივი აქტების კრებული, 1918-1921, ვ. შარაშენიძის რედაქტორით, თბილისი, 1990
30. საქართველოს კონსტიტუცია და 2010 წლის კონსტიტუციური რეფორმა, თბილისი, 2010

31. სულხან-საბა ორბელიანი, ლექსიკონი ქართული, ტ. II
32. უექსი რ., სამართლის ფილოსოფია, ძალიან მოკლე შესავალი, მ. ბაბუქადიას თარგმანი, თბილისი, 2012
33. უტიაშვილი გ., საქართველოს რესპუბლიკის კონსტიტუციური წყობა, 1921-1994, თბილისი, 1995
34. ქანთარია ბ., კონსტიტუციონალიზმის ფუნდამენტური პრინციპები და მმართველობის ფორმის სამართლებრივი ბუნება პირველ ქართულ კონსტიტუციაში, თბილისი, 2013
35. ქართული ენის განმარტებითი ლექსიკონი, არნ. ჩიქობავას საერთო რედაქციით, ტ. II, თბილისი, 1951
36. ქართული ენის განმარტებითი ლექსიკონი, არნ. ჩიქობავას საერთო რედაქციით, ტ. VI, თბილისი, 1960
37. შაიო ა., ხელისუფლების თვითშეზღუდვა, კონსტიტუციონალიზმის შესავალი, მ. მაისურაძის თარგმანი, თ. ნინიძის რედაქტორობით, თბილისი, 2003
38. შვარცი ჰ., კონსტიტუციის შენებლობის საფეხურები, საკონსტიტუციო სამართლის მმოხილვა, №1, 2006
39. ცნობილაძე ჰ., საქართველოს კონსტიტუციური სამართალი, ტ. I, თბილისი, 2005
40. ხუბუა გ., სამართლის თეორია, თბილისი, 2004
41. Banks A. M., Expanding Participation in Constitution Making: Challenges Opportunities, Vol.49, William & Mary Law Review, № 4, 2008
42. Barak A., Purposive Interpretation in Law, translated from Hebrew by Sari Bashi, Princeton, New Jersey, 2005
43. Barak A., Unconstitutional Constitutional Amendments, Israel Law Review, Vol.44, 2011
44. Blount J, Elkins Z., Ginsburg T., Does the Process of Constitution-Making Matter?, Comparative Constitutional Design, Edited by Tom Ginsburg, Cambridge University Press, 2012
45. Colon-Rids J., The Legitimacy of the Juridical: Constituent Power, Democracy and the Limits of Constitutional Reform, Osgood Hall Law Journal, Vol. 48, Issue 2 (2010)
46. Constitutional Law of 10 EU Member States, The 2004 Enlargement, Kortmann C., Fleuren J., Voermans W. eds., The Netherlands, 2006
47. Dietze G., Unconstitutional Constitutional Norms? Constitutional Development In Postwar Germany, Virginia Law Review, Vol.42, No.1, 1956
48. Dixon R., Constitutional Amendment Rules: A Comparative Perspective, Chicago Public Law and Legal Theory Working Paper no. 347, The University of Chicago, May, 2011

49. Fallon R. H., Legitimacy and the Constitution, Harvard Law Review, Vol.118, №6, April 2005
50. Gatmayan D.B., Can Constitutionalism Constrain Constitutional Change?, Northwestern Interdisciplinary Law Review, Vol.3, No.1, 2010
51. Hornby S.A., Oxford Advanced Learner's Dictionary, Sixth Edition, Oxford University Press, 2005
52. Jackson C.V., Tushnet M., Comparative Constitutional Law, Second Edition, University Casebook Series, Foundation Press, 2006
53. Longman Advanced American Dictionary, Barcelona, 2001
54. Lutz D. S., Toward the Theory of Constitutional Amendment, The American Political Science Review, Vol.88, №2, June 1994
55. Oxford Advanced Learner's Dictionary, Sixth Edition, Oxford University Press, 2005
56. Partlett W., The Dangers of Popular Constitution-Making (September, 2011), Brooklyn Journal of International Law, 193, 2012
57. Pollack Sh. D., Constitutional Interpretation as Political Choice, University of Pittsburgh Law Review, Vol. 48, 1987
58. Rasch B. E., Congleton R. D., Fairfax GMU, Amendment procedures and Constitutional Stability, Democratic Constitutional Design and Public policy: Analysis and Evidence, Edited by Swedenborg B., Congleton R. D, The MIT Press, 2006
59. Schmitt C., Constitutional Theory, Translated by Jeffrey Seitzer, Duke University Press, Durham and London, 2008
60. Барак А., Судейское усмотрение, Москва, 1999
61. Сергеевин С., Конституционно-Правовое Истолкование как Особый Вид Юридической Герменевтики (Некоторые Общие Соображения), Конституционное Правосудие, №1(59), 2013

სამართლებრივი აქტები და განმარტებითი ბარათები

1. საქართველოს 1995 წლის 24 აგვისტოს კონსტიტუცია, 2013 წლის 10 ოქტომბრის რედაქცია
2. საქართველოს 1995 წლის 24 აგვისტოს კონსტიტუცია, 2010 წლის ოქტომბრის რედაქცია
3. საქართველოს 1995 წლის 24 აგვისტოს კონსტიტუცია, 2009 წლის 24 სექტემბრის რედაქცია
4. საქართველოს 1995 წლის კონსტიტუცია, 2004 წლის 6 თებერვლის რედაქცია

5. საქართველოს 1995 წლის 24 აგვისტოს კონსტიტუცია, თავდაპირველი რედაქცია
6. საქართველოს 2013 წლის 13 ივნისის კონსტიტუციური კანონის პროექტი „საქართველოს კონსტიტუციაში ცვლილების შეტანის შესახებ“ კონსტიტუციურ კანონში ცვლილების შეტანის თაობაზე
7. საქართველოს 2011 წლის 27 დეკემბრის კონსტიტუციური კანონი „საქართველოს კონსტიტუციაში ცვლილებების შეტანის შესახებ“
8. „ნორმატიული აქტების შესახებ“ საქართველოს კანონი
9. საქართველოს პარლამენტის რეგლამენტი
10. საქართველოს პრეზიდენტის 2009 წლის 23 ივნისის №348 ბრძანებულება „საქართველოს სახელმწიფო საკონსტიტუციო კომისიის დაბულების დამტკიცების შესახებ“
11. საქართველოს პარლამენტის 2013 წლის 4 ოქტომბრის დადგენილება „სახელმწიფო საკონსტიტუციო კომისიის შექმნის შესახებ“
12. საქართველოს 1921 წლის 21 თებერვლის კონსტიტუცია
13. საქართველოს დამფუძნებელი კრების მიერ 1920 წლის 16 ნოემბერს მიღებული წესი კონსტიტუციის განხილვისა
14. საქართველოს სსრ კონსტიტუცია, სრულიად საქართველოს ცენტრალური აღმასრულებელი კომიტეტის გამოცემა, თბილისი, 1922
15. საქართველოს 1992 წლის 6 ნოემბრის კანონი „სახელმწიფო ხელისუფლების შესახებ“
16. საქართველოს 2004 წლის 6 თებერვლის კონსტიტუციური კანონის გამარტებითი ბარათი
17. საქართველოს 2010 წლის 15 ოქტომბრის კონსტიტუციური კანონის განმარტებითი ბარათი
18. Basic Law of Germany
19. Constitution of Finland
20. Constitution of Greece
21. Constitution of Japan
22. Constitution of Luxembourg
23. Constitution of Spain
24. Constitution of the Azerbaijan Republic
25. Constitution of the French Republic
26. Constitution of the Italian Republic
27. The Constitution of the Kingdom of Netherlands

28. The Constitution of the Kingdom of Sweden
29. Constitution of the Principality of Liechtenstein
30. Constitution of the Russian Federation
31. Constitution of the Kingdom of Norway
32. Constitution of the Republic of Albania
33. Constitution of the Republic of Armenia
34. Constitution of the Republic of Belarus
35. Constitution of the Republic of Bulgaria
36. Constitution of the Republic of Estonia
37. Constitution of the Republic of Iceland
38. Constitution of the Republic of Korea
39. Constitution of the Republic of Lithuania
40. Constitution of the Republic of Poland
41. Constitution of the Republic of Portugal
42. Constitution of the Republic of Serbia
43. Constitution of the Republic of Slovenia
44. Constitution of the Republic of Turkey
45. Constitution of the United States
46. National Constitution of the Argentine Republic
47. Federal Constitution of the Swiss Confederation
48. The Belgian Constitution
49. The Constitutional Act of Denmark

ვენეციის კომისიის დასკვნები და მოხსენებები

1. საბოლოო დასკვნა საკონსტიტუციო კანონპროექტის შესახებ საქართველოს კონსტიტუციაში შესწორებების და ცვლილებების შეტანასთან დაკავშირებით, ევროპის კომისია დემოკრატიისთვის კანონის გზით (ვენეციის კომისია), CDL(2010)028, სტრასბურგი, 15.10.2010
2. Draft Constitutional law on the Changes and Amendments to the Constitution of Georgia, Adopted by The State Constitutional Commission at its Plenary Session of 19 July 2010, European Commission for Democracy Through law (Venice Commission), Op. no. 543/2009, CDL(2010)071, Strasbourg, 2010

3. Draft Opinion on the Draft Constitutional Law on Amendments and Changes to the Constitution of Georgia, Op. no.543/2009, CDL(2010)062, Strasbourg, 31.07.2010
4. Final Opinion on the Draft Constitutional Law on Amendments and Changes to the Constitution of Georgia, Op. no. 543/2009, CDL(2010)028, Strasbourg, 15.10.2010
5. Opinion on Three Draft Constitutional Laws Amending Two Constitutional Laws Amending the Constitution of Georgia, European Commission for Democracy Through Law (Venice Commission), Op. no. 737/2013, CDL-AD(2013)029, Strasbourg, 15.09.2013
6. Report on Constitutional Amendment, European Commission for Democracy Through Law (Venice Commission), CDL-AD(2010)001, Strasbourg, 19.01.2010

საქართველოს საკონსტიტუციო სასამართლოს აქტები

1. საქართველოს საკონსტიტუციო სასამართლოს 2013 წლის 5 თებერვლის №1/1/549 გადაწყვეტილება საქმეზე „საქართველოს მოქალაქეები – ირმა ინაშვილი, დავით თარხან-მოურავი და იოსებ მანჯავიძე საქართველოს პარლამენტის წინააღმდეგ“
2. საქართველოს საკონსტიტუციო სასამართლოს 2012 წლის 24 ოქტომბრის №1/3/523 განჩინება საქმეზე, „საქართველოს მოქალაქე გერონტი აშორლია საქართველოს პარლამენტის წინააღმდეგ“
3. საქართველოს საკონსტიტუციო სასამართლოს 2010 წლის 12 ივლის №2/2/486 განჩინება საქმეზე, „არასამეწარმეო (არაკომერციული) იურიდიული პირი „კონსტიტუციის დაცვის ეროვნული ლიგა“ საქართველოს პარლამენტის წინააღმდეგ“
4. საქართველოს საკონსტიტუციო სასამართლოს 2007 წლის 26 დეკემბრის №1/3/407 გადაწყვეტილება საქმეზე „საქართველოს ახალგაზრდა იურისტთა ასოციაცია და საქართველოს მოქალაქე – ეკატერინე ლომთათიძე საქართველოს პარლამენტის წინააღმდეგ“

ელექტრონული წყაროები

ერქვანა თ., საკონსტიტუციო ცვლილებების მეორე ეტაპი, ივლისი, 2013,
6, ხელმისაწვდომია: www.constitution.ge [30.06.2014]
<<http://ssrn.com/abstract=1567046>> [1.02.2015]
<<http://ssrn.com/abstract=1567046>> [27.02.2015].